



ახალი წელი



უნივერსიტეტი

29

მაისი,
პარასკევი,
2015 წ., №7

ნომერი

„გაუზიარა გამოცდილება სამშობლოს“

■ სახელმწიფო სტიპენდია = სასწავლო კომპონენტს + სამეცნიერო აქტიურობა

გვ. 2



ლევანეტა ციკლი

■ დამოუკიდებლობა მხოლოდ გზაა თავისუფლებისკენ

გვ. 4



■ კავკასიის რეგიონში ჩატარებული სტუდენტური ესეების კონკურსში გამარჯვებული

გვ. 12

■ ილია ჭავჭავაძის უცნობი წერილის გამო

გვ. 13

იუბილარი

რისმაც გორდღიანის 75



გვ. 7-10

პირველი პროფესიული დიასპორული ფორუმი



მე-2 გვერდზე

„27 მაისი ქართული დიასპორას დღეა. ამ დღეს კიდევ ერთხელ ვაცნობიარებთ, რომ სხვადასხვა პოლიტიკური, ეკონომიკური თუ სოციალური მიზნების გამო დროის სხვადასხვა პერიოდში საქართველოდან გასული ქართველები, ჩვენი თანამემამულეები ქვეყნისთვის არა დანაკარგი, არამედ დიდი ნიჭისა და პოტენციალის მქონე ადამიანები არიან, ვინც საკუთარი რისკის ფასად არა მხოლოდ საკუთარი, სხვა მრავალი ოჯახიც ეკონომიკურ სიღუბეში გადაარჩინა, ვინც თავისი ცოდნითა და ეროვნული ფორსით შეაქვს ჩვენი ქვეყნის განვითარებაში, ამდიდრებს მის კულტურას, მეცნიერებას, განათლებას... ჩვენი ვალაა შევუნარჩუნოთ ჩვენს თანამემამულეებს სამშობლოსთან მუდმივი კავშირის განცდა, ვიზრუნოთ ქართულ დიასპორაში ეროვნული თვითმყოფადობისა და მშობლიური ენის შენარჩუნებაზე და, იმავდროულად, ხელი შევუწყოთ ქვეყანაში მიმდინარე პროცესებში მათ ჩართულობას. მით უფრო, რომ დიასპორას სურვილია თავისი ფორსით დახმავდეს საქართველოს განვითარებასა და კეთილდღეობაში... საზღვარგარეთ მცხოვრებ თითოეულ ჩვენს თანამემამულეს ვულოცავ ქართული დიასპორას დღეს და ვუსურვებ მათ და მათ ოჯახებს დედაგრძელობას, გამარჯვებებს, წარმატებას და ჩვენი ქვეყნის ნათელ მომავალს“, — ასე მიმართა დიასპორას საკითხებში სახელმწიფო მინისტრი ბალა დუმბაძე პირველი პროფესიული დიასპორული ფორუმის მონაწილეებს, რომლებიც 27 მაისს თბილისის სახელმწიფო უნივერსიტეტის პირველი კორპუსის სააქტო დარბაზში შეიკრიბნენ.

რა „მესიჯს“ უგზავნის თსუ საზოგადოებას საქართველოს პირველი რესპუბლიკის დარბაზის გახსნით



მე-3 გვერდზე



საქართველოს ეკონომისტთა სამეცნიერო საზოგადოება დაფუძნდა მე-3 გვერდზე

„გაუზიარე გამოცდილება სამუშაოს“

პირველი გვერდიდან

შურთისა პაროქიის

ლონისძეობის საქართველოს პრემიერ მინისტრი ირაკლი ლარიბაშვილი, თსუ-ის რექტორი, აკადემიკოსი ლადო პაპავა, ასევე საზღვარგარეთ მოქმედი დიასპორული ორგანიზაციების ხელმძღვანელები, სხვადასხვა სფეროში წარმატებული თანამემამულეები, სასულიერო პირები, საქართველოს ხელისუფლებისა და კერძო სექტორის, ასევე, საერთაშორისო და არასამთავრობო ორგანიზაციების წარმომადგენლები და აკადემიური წრეები დაესწრნენ.

პირველი პროფესიული დიასპორული ფორუმი, რომლის სლოგანი იყო: „გაუზიარე გამოცდილება სამუშაოს“, საქართველოს პრემიერ-მინისტრმა ირაკლი ლარიბაშვილმა გახსნა. მან ვრცლად ისაუბრა ფორუმის მნიშვნელობაზე და სახელმწიფოს მხრიდან იმ პროექტების მხარდაჭერაზე, რომელიც მომავალში უცხოეთში მცხოვრებ თანამემამულეებთან ერთად განხორციელდება.

„დღეს მსოფლიოში ასეულობით და ათასეულობით წარმატებული ქართველია მიმოფანტული. სახელმწიფოს მოვალეობაა, ზრუნავდეს საკუთარ მოქალაქეებზე. ოფიციალური მონაცემებით, საქართველოში 3,7 მილიონი მოქალაქე დაერთა, რაც კატასტროფაა. ოფიციალური მონაცემებით, საქართველოში ბოლო 25 წლის განმავლობაში დატრიალებული მოვლენებია. ამიტომ ჩვენი მოვალეობაა, მოვძებნოთ მოტივაცია, რაც განაპირობებს ქვეყანაში მოქალაქეების დაბრუნებას. ჩვენ გვაქვს უზარმაზარი რესურსი, როგორც ქვეყნის შიგნით, ისე ქვეყნის გარეთ და ამას გამოყენება სჭირდება“, — აღნიშნა ირაკლი ლარიბაშვილმა.



ფორუმის მონაწილეებს თსუ-ის რექტორი, აკადემიკოსი ლადო პაპავა მიესალმა: „ეს დღე მართლაც ღირსშესანიშნავია და არც ის არის შემთხვევითი, რომ ლონისძეობა სწორედ ჩვენს უნივერსიტეტში ტარდება. ჩვენი დიასპორას საკმაოდ მნიშვნელოვანი ტალღა ხომ სწორედ მაშინ შეიქმნა, როდესაც საქართველომ დამოუკიდებლობა დაკარგა. მაშინ პირველ მთავრობასთან ერთად საქართველო ბევრმა ღირსეულმა ადამიანმა დატოვა. ეს ის მთავრობა იყო, რომელმაც 1918 წელს დამოუკიდებლობა გამოაცხადა, სწორედ ამავე წელს ჩვენი უნივერსიტეტი დაარსდა. სიმბოლურია, რომ ჩვენი ქვეყნის ისტორიაში ეს წელი ამ ორი დიდი მოვლენით არის შესული. დღეს საქართველო დამოუკიდებელია, რომელსაც განვითარების შესანიშნავი პერსპექტივა აქვს. წინა თაობების ოცნება იყო, რომ საქართველო ყოფილიყო ევროპული ტიპის სახელმწიფო. როდესაც ასოცირებული ხელშეკრულება ხელი მოვაწერეთ, პირველი სერიოზული ნაბიჯი გადაიდგა, რათა ჩვენს ქვეყანაში დამკვიდრდეს ის ფასეულობები, რომელიც უწყვეტად ევროკავშირის წევრი ქვეყნებისთვის. აშკარაა, რომ ამ მხრივ ხელისუფლება უცვლელი მიმართულებით მიდის და საქართველო სანუკვარ მიზანს მიაღწევს. მივესალმები ჩვენს სტუმრებს და დარწმუნებული ვარ, თქვენი გამოც-

დილება და ხედვა ჩვენთვის ძალზე მნიშვნელოვანი იქნება“, — აღნიშნა ლადო პაპავამ. როგორც ფორუმზე აღნიშნა, სამუშაოში ჩამოსული სპეციალისტების მთავარი მიზანი იყო ქართველ კოლეგებთან ერთად სხვადასხვა სფეროში არსებული გამოწვევებისა და მათი ეფექტიანად გადაჭრის გზების მოძებნა, რაც ხელს შეუწყობს პრობლემათა დაძლევის მდგრადი სტრატეგიის ჩამოყალიბებას და სამომავლოდ მნიშვნელოვანი შედეგების მიღწევას.

„ჩვენს თანამემამულეებს ვთავაზობთ განსაკუთრებულ პირობებს საქართველოში ბიზნესის სანარმოებლად. ჩვენთვის სასიხარულო იქნებოდა, რომ თქვენ დაბრუნდეთ და ერთად ავაშენოთ ჩვენი ქვეყანა, თუმცა, ასევე შეგვიძლია გავერთიანდეთ და იმ ადგილიდან, სადაც მოვანებოთ, ახალი ეკონომიკის ასაშენებლად შევქმნათ თვისობრივად ახალი შესაძლებლობები“, — მიმართა საქართველოს ვიცე-პრემიერმა გიორგი კვიციანიძემ ფორუმის მონაწილეებს.

დიასპორულ ფორუმს დაესწრა საქართველოს განათლებისა და მეცნიერების მინისტრი თამარ სანიკიძეც. „მისასალმებელია, რომ ამ სამინისტროს მხრიდან ბოლო დროს არა ერთი საინტერესო პროგრამა განხორციელდა, რომელიც განათლების სამინისტროს ჩაერთო, მათ შორის არის სა-

განმანათლებლო პორტალი, რომელიც საზღვარგარეთ მცხოვრები ქართველებისთვის შეიქმნა. დღევანდელი დღე კიდევ ერთი შესაძლებლობაა, ვიმსჯელოთ, კიდევ რა შეიძლება გაკეთდეს ამ კუთხით სამომავლოდ“, — აღნიშნა თამარ სანიკიძემ.

საზღვარგარეთ მცხოვრები წარმატებული ქართველების გამოცდილების გაზიარების მნიშვნელობაზე ისაუბრა ქალაქ თბილისის მერმა დავით ნარმანიამაც, რომელმაც აღნიშნა: „ჩვენთვის მნიშვნელოვანია იმ ადამიანებთან შეხვედრა, რომლებმაც მრავალი წლის წინ დატოვეს საქართველო, მაგრამ არასოდეს იგნორებენ სამუშაოს და იმ ადამიანებს, რომლებიც აქ დატოვეს. ჩვენთვის ასევე მნიშვნელოვანია მათთან მჭიდრო თანამშრომლობა და გამოცდილების გაზიარება ქვეყნის განვითარებასთან დაკავშირებით. ბევრი მათგანი დღეს ძალზე წარმატებულია. ამ თვალსაზრისით ჩვენთვის საინტერესოა ინვესტირების შესაძლებლობები“.

აღსანიშნავია, რომ პროფესიულ ფორუმში მონაწილეობის მისაღებად საზღვარგარეთ მოქმედი დიასპორული ორგანიზაციების ხელმძღვანელები, სხვადასხვა სფეროში მოღვაწე პროფესიონალები, საერთაშორისო ორგანიზაციების წარმომადგენლები, ისტორიული დიასპორის წარმომადგენლები, მათ შორის, საქართველოს პირველი რესპუბლიკის ხელმძღვანელების შთამომავლები ჩამოვიდნენ. ფორუმის ფარგლებში ურთიერთ-თანამშრომლობის შესახებ რამდენიმე მემორანდუმიც გაფორმდა.

დიასპორას პირველი პროფესიული ფორუმის მონაწილეებს უწმინდესმა და უნეტარესმა სრულიად საქართველოს კათოლიკოს-პატრიარქმა ილია მეორემ მიმართა და საზღვარგარეთ მცხოვრები ქართველების სამუშაოში დაბრუნების მნიშვნელობაზე ისაუბრა: „ყველაფერი უნდა გავაკეთოთ, რათა გაძლიერდეს მათი ეროვნული თვითშეგნება. პირველ რიგში დავფიქრდეთ, რას აკეთებს საქართველო მათთვის“, — ბრძანა პატრიარქმა, დალოცა ქართული დიასპორა და საქართველოში მალე დაბრუნება უსურვა.

სახელმწიფო სტიპენდია = სასწავლო კომპონენტი + სამეცნიერო აქტიურობა

ჩრქომის განმარტება



თსუ-ის სოციალურ და პოლიტიკურ მეცნიერებათა ფაკულტეტზე სტიპენდიის მინიჭების კრიტერიუმები დადგინდა. 15 მაისს სტუდენტებმა სასწავლო ბაზის მეშვეობით მიიღეს შეტყობინება, რომ 2015-2016 წლის შემოდგომის სემესტრიდან სტიპენდიების მინიჭება შემდეგი კრიტერიუმების მიხედვით განხორციელდება: ა) აკადემიური მოსწრება — 80 ქულა; ბ) სამეცნიერო ნაშრომების გამოქვეყნება — მაქსიმუმ 10 ქულა; გ) სამეცნიერო კონფერენციებში მონაწილეობა — მაქსიმუმ 10 ქულა.

თუ რატომ ამოიღეს კრიტერიუმებიდან ფურნალისტური ნამუშევრები (სტატიები, სიუჟეტები) და, ასევე, სემინარები და „მრგვალი მაგიდები“, თსუ-ის რექტორმა ლადო პაპავამ განმარტა.

„სახელმწიფო სტიპენდია საქართველოს განათლებისა და მეცნიერების მინისტრის ბრძანებით რეგულირდება, რომლის თანახმადაც სასწავლო კომპონენტი მოიცავს 80%-ს, ხოლო დანარჩენი გადანაწილებულია სამეცნიერო აქტიურობაზე. ჩვენ საფუძვლად აღებული გვაქვს მინისტრის ბრძანება და საბოლოოდ ასე ჩამოვეყალიბეთ: პირველ რიგში უნდა წახალისდნენ ის სტუდენტები, ვისაც მაღალი აკადემიური მოსწრება აქვთ და პლუს გამოირჩევიან სამეცნიერო აქტიურობით.“

ჩვენი უნივერსიტეტი არის სამეცნიერო-კვ-

ლევითი დანახებულება, როგორც ეს თავიდანვე უნივერსიტეტის დამაარსებლებმა განსაზღვრეს და დღესაც იგივე თსუ-ს ნაწილობრივად განმტკიცებული. ამიტომ გაუგებრობა რომ არ იყოს, ფაკულტეტების დეკანებს ვთხოვე — სტიპენდიებთან დაკავშირებით ჩვენი საბოლოო მიდგომა ყველა სტუდენტს აქედანვე აცნობონ, რათა შემდეგ სტუდენტების მხრიდან არ წამოვიდეს უკმაყოფილება იმის თაობაზე, რომ ინფორმაცია მათთვის კონკრეტულად არ იყო ცნობილი. მოგახსენებთ, სწორედ ამის გამო ჩიოდნენ სტუდენტები. შემდეგი სტიპენდიის ვადა უკვე შემოდგომაზეა და უკვე ყველამ უნდა იცოდეს, რომ გავითვალისწინებთ სასწავლო კომპონენტს და სამეცნიერო აქტიურობას. სამეცნიერო აქტიურობა კი ორი ნაწილისგან შედგება: გამოქვეყნებული სამეცნიერო პუბლიკაციები და სამეცნიერო კონფერენციებში მონაწილეობა. ასე რომ, სტიპენდიის მიღებისთვის სასწავლო კომპონენტი 80%-ით არის შეფასებული, დანარჩენი კი გულისხმობს მხოლოდ და მხოლოდ სამეცნიერო აქტიურობას.

რამდენადაც ვიცო, ფურნალისტიკის მიმართულებაზე სტუდენტებს თავიანთი პრეტენზიები აქვთ. როცა ფურნალისტიკის მიმართულების სტუდენტი სწავლის დროს წერს ესაუბრებს ან აქვეყნებს ინტერვიუს — ეს სასწავლო კომპონენტია, აბა ისე როგორ ისწავლია ფურნალისტიკას? თანაც გასათვალისწინებელია, რომ დღევანდელი კანონმდებლობით ფურნალისტიკა არის სამეცნიერო დისციპლინა, ის არ არის პროფესიული პროგრამა და მასში ჩატარებული კვლევის საფუძველზე იცავენ დისერტაციებს. თუ ეს კანონმდებლობა შეიცვლება, მაშინ ჩვენც აუცილებლად შევცვლით მეცნიერების ამ დარგის მიმართ დამოკიდებულებას. აუცილებელია, რომ თამაშის წესები დროულად ეცნობოთ სტუდენტებს, იქნებინათ ფურნალისტიკის თუ სხვა მიმართულების, რადგან (ყველა ფაკულტეტზე) იმ პროგრამებზე, რომლებიც არ მიეკუთვნებიან პროფესიულ პროგრამათა ჯგუფს, ერთნაირი მიდგომა იქნება რეალიზებული“, — განაცხადა თსუ-ის რექტორმა ლადო პაპავამ.

სტიპენდიების კრიტერიუმების ცვლილებასთან დაკავშირებით ინფორმაცია პირველად გაზაფხულის სემესტრის დასაწყისში გავრცელდა, რამაც სოციალურ და პოლიტიკურ მეცნიერებათა ფაკულტეტის ფურნალისტიკისა და მასობრივი კომუნიკაციების მიმართულების სტუ-

დენტების უკმაყოფილება გამოიწვია. თუმცა, მაშინ, სტუდენტებს და ადმინისტრაციას შორის მოლაპარაკებების შედეგად სასტიპენდიო კონკურსში სტუდენტების მოთხოვნები ნაწილობრივ გაითვალისწინეს. კერძოდ, კომისიამ სამეცნიერო ნაშრომებისა და სამეცნიერო კონფერენციებში მონაწილეობის მიღების გარდა სტუდენტებს „სხვა აქტივობებიც“ ჩაუთვალა, რაც გულისხმობს საგაზთო პუბლიკაციებს, ტელე, ან რადიო მაუწყებლობის მეშვეობით გასული სიუჟეტებს, სემინარებს და სხვადასხვა ორგანიზაციების ეგიდით გამოქვეყნებულ ნაშრომებს. წინა კონკურსებისგან განსხვავებით, აღნიშნული აქტივობები მაშინ 10 ქულის ნაცვლად 5 ქულით შეფასდა. სოციალურ და პოლიტიკურ მეცნიერებათა ფაკულტეტის დეკანის მიმართ დოღბაიას ბრძანებაში აღნიშნული იყო, რომ ეს შესწორება მხოლოდ 2014-2015 წლის საგაზაფხულო სემესტრისთვის შევიდა.

2015-2016 წლის შემოდგომის სემესტრისთვის სტიპენდიების მინიჭების კრიტერიუმებს კვლავ არ ეთანხმება ფურნალისტიკისა და მასობრივი კომუნიკაციების მიმართულების სტუდენტების ნაწილი.

„გასათვალისწინებელია, რომ ჩვენი სწავლება პრაქტიკაზე ორიენტირებული და არ ვარ დაინტერესებული სამეცნიერო ნაშრომების წერით. ჩემთვის პრობლემატურია, რომ ვწერო სტატიები და მოვაზაადო სიუჟეტები. ასეც რომ არ იყოს, ჩვენი სპეციალისტის ბაზაზე არ არსებობს სამეცნიერო ფურნალი და არც იმ რაოდენობის კონფერენციები ტარდება, რომ მონაწილეობა მივიღო. ამ მხრივ ხელს ვერ გვიწყობენ. ჩვენ, ასევე, არც ერთი სასწავლო კურ-

სის ფარგლებში არ გვასწავლიან, როგორ უნდა დაინეროს სამეცნიერო სტატია, ან რამდენად რეალურია 3 თვეში, თუნდაც IV კურსის სტუდენტმა, მოამზადოს ღირებული სამეცნიერო სტატია“, — განაცხადა სოციალურ და პოლიტიკურ მეცნიერებათა ფაკულტეტის IV კურსის სტუდენტმა გიორგი შავერდიაშვილმა.

„კრიტერიუმების ცვლილება ერთი მხრივ კარგია, რადგან ამოიღეს კრიტერიუმები, რომლის კომპეტენციასაც არავენ ამონებდა. თუმცა, ამავე დროს, გაჩნდა ორმაგი სტანდარტი. შეეჩვენა, რომ I კურსის მეორე სემესტრის ან II კურსის სტუდენტებმა ისეთი სამეცნიერო ნაშრომის დაწერა მოახერხონ, რომელიც მართლა ღირებულია და არ იქნება სტიპენდიისთვის შექმნილი. შესაბამისად, ვფიქრობ, რომ ეს კრიტერიუმები კიდევ გადასახედი და შესაცვლელია. კარგი იქნება, რომ სოციალურ და პოლიტიკურ მეცნიერებათა ფაკულტეტის თითოეული სპეციალობისთვის განსხვავებული კრიტერიუმები დადგინდეს, რადგან სწავლების განსხვავებული სტილია და მოქმედებს სტუდენტებს არათანაბარ მდგომარეობაში გვაყენებს“, — გვითხრა ფურნალისტიკისა და მასობრივი კომუნიკაციების მიმართულების III კურსის სტუდენტმა ზაზა ნიკოლოზიშვილმა.

აღსანიშნავია, რომ გადანყვეტილება უკვე მიღებულია და 2015-2016 წლის სამემოდგომო სემესტრიდან სოციალურ და პოლიტიკურ მეცნიერებათა ფაკულტეტზე სახელმწიფო სტიპენდიის კონკურსი ახალი კრიტერიუმების მიხედვით ჩატარდება.

მომზადა ნატო ოპოლანში



რა „მენიჯს“ უგზავნის თსუ საზოგადოებას საქართველოს პირველი რესპუბლიკის დარბაზის გახსნით



თსუ-ში საქართველოს პირველი რესპუბლიკის დარბაზი გაიხსნა. ინიციატივა „თბილისის ფაბრიკის საზოგადოებისა“ და „მწვანე მუშის“ წევრ თსუ-ის სტუდენტებს ეკუთვნის. სტუდენტების წინადადება საუნივერსიტეტო კომისიამ განიხილა და გადაწყვეტილება თსუ-ის რექტორის ბრძანებით დატკიცდა.

„ჩვენ წლების განმავლობაში ვსწავლობთ საქართველოს პირველი რესპუბლიკის პოლიტიკურ სისტემას, მის გამორჩეულად დემოკრატიულ ინსტიტუტებს. ამასთანავე, ჩვენი ყურადღების საგანს წარმოადგენს პირველი რესპუბლიკის დამოკიდებულება უნივერსიტეტისადმი. მაშინდელი სახელმწიფო, გაჭირვების მიუხედავად, არანაირ რესურსს არ იშურებდა უნივერსიტეტის დასახმარებლად. აქედან გამომდინარე, აუცილებლად მივიჩნით საქართველოს პირველი რესპუბლიკის აუდიტორიის გახსნა თსუ-ის პირველ კორპუსში. არ დავგავიწყდეს, რომ პირველ რესპუბლიკასაც და პირველ უნივერსიტეტსაც ერთი და იგივე ადამიანები ქმნიდნენ. მაგალითად, 1918 წელს საქართველოს საგარეო საქმეთა მინისტრად აკაკი ჩხენკელი აირჩიეს, რომელიც ქართული უნივერსიტეტის დამფუძნებელი საზოგადოების თავმჯდომარეც გახლდათ“, — გვითხრა

თსუ-ის სტუდენტმა, პირველი რესპუბლიკის დარბაზის გახსნის ერთ-ერთი ინიციატორმა ლევან ლორთქიფანიძემ.

როგორც სტუდენტები ამბობენ, პირველი რესპუბლიკის დარბაზის გახსნა ხელისუფლებისადმი გაგზავნილი ერთგვარი მესიჯიც არის — უფრო მეტი ყურადღება მიაქციონ უნივერსიტეტს.

„ცხადია, ჩვენ აუდიტორიის გახსნით დღევანდელ ხელისუფლებას მოუწოდებთ, რომ მაგალითი აიღონ პირველი რესპუბლიკის ლიდერებისგან. ამასთანავე, ამ აუდიტორიის გახსნა ერთგვარი მოწოდებაა საზოგადოებისთვისაც. ჩვენ საზოგადოებას მივანიშნებთ იმ სტანდარტებზე, რომლებიც 1918-21 წლებში გახლდათ დამკვიდრებული. კერძოდ, მაშინდელი რესპუბლიკის პრიორიტეტი მრავალპარტიული დემოკრატიის, პირდაპირი სამოქალაქო მონაწილეობის, გენდერული თანასწორობისა და სოციალური სამართლიანობის პრინციპების დაცვა გახლდათ. აღნიშნული პრინციპების დანერგვა სასიცოცხლოდ მნიშვნელოვანდ მიგვაჩნია ჩვენი ხალხისთვის“, — აღნიშნა ლევან ლორთქიფანიძემ.

დარბაზის გახსნის ინიციატორმა სტუდენტებმა უკმაყოფილება გამოთქვეს, რადგან 27 მაისს ოფიციალურ პრეზენტა-

ციაზე შეკრებილი საზოგადოებისთვის მიმართვის შესაძლებლობა არ მიეცათ.

ლონისძიებს თსუ-ის რექტორი, აკადემიკოსი ვლადიმერ პაპავა, დასაბურავს საკითხებში საქართველოს სახელმწიფო მინისტრი გელა დუმბაძე, საერთაშორისო ორგანიზაციების წარმომადგენლები, ქართველი ემიგრანტები, სტუდენტები და პროფესორ-მასწავლებლები ესწრებოდნენ.

თსუ-ის რექტორის ვლადიმერ პაპავას განცხადებით, — „დღეს გრძელდება გუშინდელი დღესასწაული — საქართველოს დამოუკიდებლობის დღე. ჩვენი ქვეყნისთვის უმნიშვნელოვანესი ორი მოვლენა — უნივერსიტეტის დაარსება და საქართველოს დამოუკიდებლობის გამოცხადება სიმბოლურად ერთ წელს მოხდა. უნივერსიტეტის დამფუძნებლების დიდი ნაწილი იმდროინდელი მთავრობის წევრებიც იყვნენ. მთავრობის მხრიდანაც უნივერსიტეტს დიდი მხარდაჭერა ჰქონდა. პირველი რესპუბლიკის მთავრობის წევრთა შთამომავლები ესწრებიან ამ ღონისძიებას. ეს ჩვენთვის დიდი პატივია“.


„მიხარია, რომ ჩემ მშობლიურ უნივერსიტეტში ვიმყოფები. სიმბოლურია, რომ პირველი რესპუბლიკის აუდიტორიის გახსნა დაემთხვა პირველ დიასპორულ პროფესიულ ფორუმს — გაუზიარე გამოცდილება

სამშობლოს“. განსაკუთრებით მივესალმები პირველი რესპუბლიკის წარმომადგენელთა შთამომავლებს“, — აღნიშნა დიასპორის საკითხებში საქართველოს სახელმწიფო მინისტრმა გელა დუმბაძემ.

„ჩემი ორგანიზაცია „გაუმარჯოს საქართველოს“ არის ქართველ ემიგრანტთა ერთ-ერთი პირველი ორგანიზაცია საფრანგეთში. ჩვენ გვაქვს უამრავი ორიგინალური დოკუმენტური მასალა, რომელიც ეხება საქართველოს პირველი რესპუბლიკის მთავრობას და ამ მასალის საფუძველზე ვაპირებთ, რომ გამოვცეთ სამი წიგნი. სიამოვნებით ვითანამშრომლებთ თბილისის სახელმწიფო უნივერსიტეტთან, თსუ-ის სტუდენტებთან და პროფესორ-მასწავლებლებთან და ამ სახელმძღვანელოების შედგენა და გამოცემა იქნება ერთობლივი საქმიანობა“, — აღნიშნა ნიე რამიშვილის შთამომავალმა ტიერი ბერიშვილმა.

პირველი რესპუბლიკის დარბაზი ჩვეულებრივი აუდიტორიის ფუნქციას შეასრულებს, სადაც გაიმართება სასწავლო პროგრამით გათვალისწინებული ლექციები, თუმცა ლექციებისგან თავისუფალ დროს დარბაზის გახსნის ინიციატორი სტუდენტები სხვადასხვა ღონისძიებების ჩატარებას გეგმავენ. ამ ღონისძიებების მიზანი პირველი რესპუბლიკის ღირებულებების საზოგადოებაში გავრცელება იქნება.

მოამზადა ნატო ოზოლაქია



საქართველოს ეკონომისტთა სამეცნიერო საზოგადოება დაფუძნდა

თსუ-ის პაატა გუგუშვილის სახელობის ეკონომიკის ინსტიტუტის ინიციატივით საქართველოს ეკონომისტთა სამეცნიერო საზოგადოება დაფუძნდა. საზოგადოების მთავარი მიზანი ქვეყნის მასშტაბით ეკონომიკის დარგში მოღვაწე მეცნიერების კონსოლიდაცია, არსებული ეკონომიკური ვითარების ანალიზი და საზოგადოებისთვის კომპეტენტური მოსაზრებების შეთავაზება გახლავთ.



„სამწუხაროდ, პროფესიონალი ექსპერტების მოსაზრებები ნაკლებად ხდება საზოგადოებისთვის ცნობილი. შედეგად ვაკუუმი იქმნება, რომელიც არაპროფესიონალების ან პოლიტიკურად მოტივირებული ექსპერტების შეფასებებით ივსება. ქვეყანაში რთული ეკონომიკური ვითარება და ამ ფონზე უმნიშვნელოვანესია ეკონომისტთა სამეცნიერო საზოგადოების დაფუძნება. აუცილებელია, რომ საზოგადოებას ჩვენი ხმა მივანვიდინოთ. როდესაც ვამბობ — რთულ ვითარებას, არ ვგულისხმობ გავრცელებულ სულელურ მოსაზრებას, რომ ქვეყანაში ეკონომიკური კრიზისია. არანაირი კრიტიკით ეს არ დასტურდება. ასეთი შინაარსის განცხადებები პოლიტიკურად მოტივირებულია. სწორედ ამიტომ არის მნიშვნელოვანი ამ საზოგადოების დაფუძნება, რომ ხალხმა მეცნიერების, ექსპერტების ობიექტური შეფასებები მოისმინოს“, — განაცხადა საქართველოს ეკონომისტთა სამეცნიერო საზოგადოების ერთ-ერთმა დამფუძნებელმა და პრეზიდენტმა, თსუ-ის რექტორმა, აკადემიკოსმა ლადო პაპავამ.

საქართველოს ეკონომისტთა სამეცნიერო საზოგადოებაში, ასევე, განვერიანდა საქართველოს ფინანსთა მინისტრი, პრო-

ფესორი ნოდარ ხადური. თსუ-ის რექტორის განცხადებით, იგი მთავრობასთან ურთიერთობის საკითხებში ერთ-ერთი მნიშვნელოვანი მედიატორი იქნება. სამეცნიერო საზოგადოების პრეზენტაციაზე ნოდარ ხადური პრეზიდენტის წევრადაც აირჩიეს.

„ცხადია, აღნიშნული სამეცნიერო საზოგადოების ჩამოყალიბება მნიშვნელოვანია, რადგან იგი ეკონომიკური სამეცნიერო აზრის განვითარებაზე იქნება ფოკუსირებული. სამეცნიერო საზოგადოების ფარგლებში მეცნიერები გააანალიზებენ ეკონომიკურ და პოლიტიკურ პროცესებს და კომპეტენტურ რეკომენდაციებს შეიმუშავებენ. საქართველოს ეკონომისტთა სამეცნიერო საზოგადოებაში თითქმის ყველა ცნობილი ეკონომისტი გაერთიანებული და მიხარია, რომ მათ რიგებში მეც ვარ. საზოგადოების მუშაობის ფარგლებში ეკონომიკის, ასევე, ფინანსური პოლიტიკის საკითხებზე ჯანსაღი დისკუსიები გაიმართება და ჩვენ ყველა სად აზრს სიამოვნებით გავიზიარებთ“, — აღნიშნა საქართველოს ფინანსთა მინისტრმა, პროფესორმა ნოდარ ხადურმა.

საქართველოს ეკონომისტთა სამეცნიერო საზოგადოების მუშაობა არ იქნება ცენ-

ტრალიზებული. ერთ-ერთი პრიორიტეტული მიმართულება რეგიონებთან აქტიური თანამშრომლობა და ადგილებზე წარმომადგენლობების შექმნა გახლავთ. პრიორიტეტულია საერთაშორისო მნიშვნელობის სამეცნიერო ღონისძიებების გამართვა, მათ შორის იგულისხმება კონფერენციები, სიმპოზიუმები, კონგრესები, სემინარები და ა.შ.

„საქართველოს ეკონომისტთა სამეცნიერო საზოგადოება ქვეყნის მასშტაბით ეკონომისტების გაერთიანებას შეუწყობს ხელს. მიმართა, რომ ეს ჩვენი ერთ-ერთი ყველაზე მნიშვნელოვანი ამოცანაა. საზოგადოების მნიშვნელოვანი ფუნქციაა, ასევე, განათლებისა და მეცნიერების ინტეგრაცია, საქართველოს ეკონომიკის მეცნიერების საერთაშორისო სამეცნიერო ურთიერთობებში ჩართულობის გაძლიერება, საერთაშორისო გრანტების მოპოვება, სამეცნიერო კვლევების წარმოება. ჩვენ ქვეყანაში არსებულ ეკონომიკურ პრობლემებთან დაკავშირებით რეკომენდაციებსაც წარმოვადგენთ და საკანონმდებლო და აღმასრულებელ ხელისუფლებასთან აქტიურად ვითანამშრომლებთ. გამოიცემა ახალი წიგნები. ასე რომ, საქართველოს ეკონომისტთა საზოგადოების

დაარსება ძალიან მნიშვნელოვანია როგორც ეკონომიკური წრეებისთვის, ასევე, ქვეყანაში ეკონომიკური მეცნიერების განვითარებისთვის. წესდების მიხედვით, საქართველოს ეკონომისტთა სამეცნიერო საზოგადოება უფლებამოსილია განახორციელოს დამხმარე სახის სამეცნიერო საქმიანობაც, საიდანაც მიღებული შემოსავლები საზოგადოების ფუნქციონირებას მოხმარდება“, — განაცხადა თსუ-ის პაატა გუგუშვილის სახელობის ეკონომიკის ინსტიტუტის ხელმძღვანელმა, საზოგადოების ერთ-ერთმა დამფუძნებელმა და ვიცე-პრეზიდენტმა რამაზ აბუსაძემ.

საქართველოს ეკონომისტთა სამეცნიერო საზოგადოების დამფუძნებლებს შორის, ასევე, არიან აკადემიკოსი ავთანდილ სილაგაძე, მეცნიერებათა აკადემიის წევრ-კორესპონდენტი ლეო ჩიქავა, თსუ-ის ეკონომიკისა და ბიზნესის ფაკულტეტის დეკანი, პროფესორი თეიმურაზ ბერიძე და თსუ-ის რექტორი, აკადემიკოსი ვლადიმერ პაპავა. მეცნიერ-ეკონომისტთა საზოგადოების პრეზენტაცია 23 მაისს გაიმართა.

მოამზადა ნატო ოზოლაქია



დამოუკიდებლობა მხოლოდ გზაა თავისუფლებისკენ

თბილისის სახელმწიფო უნივერსიტეტში საქართველოს დამოუკიდებლობის დღესთან დაკავშირებით არაერთი ღონისძიება გაიმართა. მათ შორის იყო ლექცია-თა ციკლი „საუბრები დამოუკიდებლობაზე“, რომელიც 22-24 მაისს სოციალურ და პოლიტიკურ მეცნიერებათა ფაკულტეტის სტუდენტების: თორნიკე შევარდნაძის, სანდრო ტაბატაძისა და ზურაბ მენაღარიშვილის ინიციატივით გაიმართა. საუბრების ძირითადი თემა იყო დამოუკიდებლობის სოციალურ-ეკონომიკური, პოლიტიკური და ისტორიული ასპექტების განხილვა.

პირველი ლექცია, რომელიც დამოუკიდებლობის სოციალურ-ეკონომიკური ასპექტების განხილვას შეეხებოდა, წაიკითხა უნივერსიტეტის რექტორმა, აკადემიკოსმა ლადო ჰაპაძემ, ხოლო პოლიტიკური და ისტორიული ასპექტები მიმოიხილეს ფილოსოფიის დოქტორმა ლაშა ბაქრაძემ და საქართველოს პარლამენტის წევრმა, მი-იანი წლების ქართული ეროვნული მოძრაობის ერთ-ერთმა ლიდერმა ლევან ბერძენიშვილმა.

ჩვენ გვჭირდება ნორმალური, არაიდეოლოგიზირებული ისტორია

ფილოსოფიის დოქტორმა ლაშა ბაქრაძემ სტუდენტებთან შეხვედრისას ისაუბრა 26 მაისის, როგორც საქართველოსთვის ყველაზე მნიშვნელოვანი ისტორიული თარიღის, შესახებ. „ჩვენ არ ვიცით სამოქალაქო დღესასწაულების აღნიშვნა. მიუხედავად იმისა, რომ, აგერ უკვე 25 წელია, დამოუკიდებლობის დღის აღნიშვნის ტრადიცია ჩვენი ინიციატივით, ამ დღეს ყველამ ატაროს საქართველოს ძველი დროშის ფერებში გადმაცემილი კოკარდი, რომელიც აჩვენებს, რომ ვაგრძელებთ 1918 წლის 26 მაისის — დამოუკიდებლობის დღის ტრადიციას,“ — ასე დაიწყო ლაშა ბაქრაძემ სტუდენტებთან საუბარი და განსაკუთრებით გაუსვა ხაზი, თუ რატომ აღვნიშნავთ საქართველოს დამოუკიდებლობის დღეს 26 მაისს და არა 9 აპრილს (როცა 1991 წელს დამოუკიდებლობა აღდგა) ან 31 მარტს (როცა რეფერენდუმის შედეგად დამოუკიდებლობას ხმა მისცა საქართველოს მოსახლეობის აბსოლუტური უმრავლესობამ). „საბჭოთა კავშირიდან გამოსვლის პერიოდში საქართველომ დამოუკიდებლობის დღედ 26 მაისი აირჩია, რითაც მსოფლიოს აჩვენა, რომ ჩვენ ვართ მემკვიდრე ის სახელმწიფოსი, რომელმაც 1917 წლიდან დაიწყო მოძრაობა თავისუფლებისთვის და 1918 წელს დაასრულა იგი რუსეთის იმპერიისგან დამოუკიდებლობის მოპოვებით“ — აღნიშნა მან.

მომხსენებელმა დაწვრილებით მიმოიხილა ის ვარაუდები, რაც წინ უძღოდა 26 მაისის დამოუკიდებლობის აქტს, გააანალიზა გარემო ფაქტორების გავლენა მაშინდელ პოლიტიკურ სიტუაციაზე, მათ შორის, პირველი მსოფლიო ომის დასრულების და რომანოვების დინასტიის დამხობის მნიშვნელობა და ყველა ის პოლიტიკური ნიუანსი, რამაც ქართველ პოლიტიკოსებს საშუალება მისცა ქვეყანა გაეთავისუფლებინათ რუსეთის იმპერიისგან.

„საქართველოში არსებობდა ძალიან პატარა გვჯივი პოლიტიკოსებისა, რომლებსაც დამოუკიდებლობა სურდათ. ესენი იყვნენ ეროვნულ-დემოკრატიები და საქართველოს ეროვნული კომიტეტის წევრები (კომიტეტი შეიქმნა გერმანიაში პირველი მსოფლიო ომის დასასრულისთვის). დანარჩენები, მათ შორის, სოციალ-დემოკრატებიც, ამ საკითხს მხარს არ უჭერდნენ. ხშირად ამბობენ, რომ სოციალ-დემოკრატებს არ სწამდათ დამოუკიდებლობის იდეისა, რაც მთლად ასე არ იყო. სოციალ-დემოკრატიულ პარტიაშიც არსებობდა ჯგუფი, რომელიც ამბობდა, რომ საქართველო დამოუკიდებელი უნდა გამხდარიყო. თუ თქვენ გადახედავთ პირველ მსოფლიო ომამდელ მსოფლიოს რუკას, ნახავთ, რომ ამ რუკაზე ძალიან ცოტაა დამოუკიდებელი სახელმწიფოები. ისინი ძირითადად



თორნიკე შევარდნაძე

ომის დასრულების შემდეგ შეიქმნა. ამიტომაც სოციალ-დემოკრატებისთვის ძნელი წარმოადგენი იყო, რომ ისეთი მცირე სახელმწიფო, როგორცაა საქართველო, შეძლებდა დამოუკიდებლად არსებობას. გარდა ამისა, მათთვის წარმოდგენილი გახლდათ საქართველოს ტერიტორიული გაიჯგენა თუნდაც კავკასიაში, რადგანაც კავკასია ეთნიკურად ძალიან ჭრელია და საზღვრები აქ ყოველთვის (მათ შორის, დღესაც) ძნელი დასადგენია“ — აღნიშნა ლაშა ბაქრაძემ.

მომხსენებლის თქმით, მაშინდელმა ხელისუფლებამ, რომელიც „ოზაკომ“-ის სახით არსებობდა და რომელშიც ქართველი სოციალ-დემოკრატებიც შედიოდნენ, საქართველოში მმართველობის სადავეები სოციალ-დემოკრატებს გადასცა (მეფისნაცვალთან ამ შეხვედრაზე იმყოფებოდნენ ნოე ჟორდანიას, თბილისის ქალაქის თავი ხატისოვი და კიდევ რამდენიმე პირი). ახალმა მთავრობამ უარი თქვა დამორჩილებოდა იმ ძალას, რომელიც რუსეთში ოქტომბრის რევოლუციის შემდეგ მოვიდა და აქედან დაიწყო ნაბიჯ-ნაბიჯ სვლა დამოუკიდებლობისკენ.

ლექციის შემდგომი ნაწილი დაეთმო იმ პერიპეტეიების გაანალიზებას, რაც უშუალოდ წინ უძღოდა დამოუკიდებლობის გამოცხადებას. კერძოდ, ლაშა ბაქრაძემ ისაუბრა რუსეთში არსებულ პოლიტიკურ სიტუაციაზე, ბოლშევიკების ხელისუფლებაში მოსვლის დეტალებზე, ამიერკავკასიაში პარლამენტის (სეიმი) და საქართველოში დამფუძნებელი კრების არჩევაზე, ოსმალეთთან საომარ მდგომარეობაზე, ასევე, ბათუმის კონფერენციის დეტალებზე, სადაც ქართულ დელეგაციას აკაკი ჩხენკელი ხელმძღვანელობდა. მან მიმოიხილა აკაკი ჩხენკელსა და სოციალ-დემოკრატებს შორის მიმოხიზვა, რომელიც ჩხენკელი დაჟინებით მოითხოვდა გამოეცხადებინათ დამოუკიდებლობა. ითქვა ასევე გერმანიის უდიდესი მხარდაჭერის შესახებ, რომელიც მან სწორედ იმ პერიოდში გამოუცხადა საქართველოს, როცა თურქეთის დამპყრობლური მიზნების ახდენას ბევრი ალარაფერი აკლდა.

„სწორედ ამ მხარდაჭერითა და ფაქტობრივი გარემოების გითვალისწინებით, საქართველოს მთავრობა მივიდა იმ გადაწყვეტილებამდე, რომ დამოუკიდებლობა გამოეცხადებინა. და აი, ამიერკავკასიის სეიმიც დღევანდელ მოსწავლე-ახალგაზრდობის სასახლეში 26 მაისს გამართა სხდომა. იმავე დღეს 5 საათზე აქვე შეიკრიბა საქართველოს ეროვნული საბჭო, რომელმაც დამოუკიდებლობა გამოაცხადა. უნდა ითქვას, რომ ის რესპუბლიკა, რომელიც მაშინ შეიქმნა, იყო ყველაზე პროგრესული ქვეყანა, რომელმაც 1919 წლის მარტს ჩაატარა ახლად არჩეული დამფუძნებელი კრების სხდომა, რომელმაც თავიდან აღიარა 26 მაისის აქტი. მანვე მიიღო 1921 წელს საქართველოს პირველი კონსტიტუცია, რომელიც ერთ-ერთი ყველაზე დემოკრატიული და პროგრესული იყო იმ პერიოდში“ — აღნიშნა ლაშა ბაქრაძემ.

ლექციანზე ხაზგასმით აღინიშნა, რომ თუ საქართველოს სურს შეინარჩუნოს დამოუკიდებლობა, მუდმივად უნდა ახსოვდეს 1918-21 წლების პირველი რესპუბლიკა და ის, რომ ამ დამოუკიდებლობას მუდმივად ემუქრება საფრთხე, სანამ ყოფილი იმპერია — რუსეთი არ შეიცვლის პოლიტიკურ ორიენტაციას.

ლაშა ბაქრაძემ ასევე ისაუბრა საქართველოს დამოუკიდებლობის გამოცხადებისა და პირველი რესპუბლიკის ფუნქციონირების შესახებ ისტორიული დოკუმენტების გამოცემის აუცილებლობაზე, რაც აქამდე ვერა და ვერ მოხერხდა. „ამგვარი დოკუმენტები გამოცემული აქვთ სომხებს და აზერბაიჯანელებს, რომლებსაც ჩვენზე ნაკლები დროით ჰქონდათ დამოუკიდებელი რესპუბლიკა, ჩვენ კი ეს 25 წლის განმავლობაში ვერ მოვახერხეთ. იმაზე ალარაფერს ვლავარაკობს, როგორი სიმპათიანტიპათიით იწერება საქართველოს ისტორია. ნებისმიერ დროს გამოჩნდებიან ადამიანები, რომლებიც გვეტყვიან, რომ არ მოსწონთ პირველი რესპუბლიკის დროშის ფერები (თურმე ფერში ყოფილა საქმე), რომლებიც აუცილებლად დაიწყებენ მტკიცებას, რომ პირველი რესპუბლიკით დღესაც ნაკლები დაინტერესებაა, რადგან სოციალ-დემოკრატები არ ვარგოდნენ, დამოუკიდებლობა იმიტომ დაეკარგეთ, რომ ეს ვიღაცის ბრალი იყო და ა.შ ასეთი აბსურდული მითებით საესეა საქართველოს ისტორია. ჩვენ



გვჭირდება ნორმალური, არაიდეოლოგიზირებული ისტორია, სადაც იქნება დოკუმენტურად აღწერილი რა ხდებოდა სინამდვილეში“ — განაცხადა ლაშა ბაქრაძემ.

ბოლო გაჩივება — თავისუფლება

დამოუკიდებლობის პოლიტიკურ ასპექტებზე გაამახვილა ყურადღება ლევან ბერძენიშვილმა. მისი საუბრის ძირითადი თემა იყო 1991 წლის 9 აპრილის დამოუკიდებლობის აღდგენის პერიპეტეიები.

მან აღნიშნა, რომ დამოუკიდებლობა არ არის მხოლოდ მისი გამოცხადება, დამოუკიდებლობა არის აღიარება — საერთაშორისო საზოგადოებისგან იმის ცნობა, რომ ქვეყანა სხვა ქვეყნებისაგან დამოუკიდებელია. საქართველო დღეს არის აღიარებული დამოუკიდებელი ქვეყანა.

რისთვის გვინდა დამოუკიდებლობა? ეს იყო ძირითადი კითხვა, რომელზეც ლევან ბერძენიშვილი შეეცადა ამომწურავი პასუხი გაეცა. „სამყაროში დამოუკიდებლობა არ არსებობს. იქ, სადაც არის მიზეზ-შედეგობრივი კავშირი, დამოუკიდებლობა შეუძლებელია. ამ დამოუკიდებულებას სამყაროში თავისი სპეციფიკური სახელები აქვს — ერთი მეცნიერული და მეორე — პოეტური. ორივე ძალიან ზუსტია. მეცნიერება ამბობს, რომ, დიდი იზიდავს პატარას (და ამას ჰქვია გრავიტაცია), ხოლო პოეზია ამბობს რომ სამყაროს აბრუნებს მხოლოდ სიყვარული. დედამინა რომ დამოუკიდებელი იყოს, იგი გაჩერდება. ამიტომ, როცა ჩვენ პოლიტიკურ დამოუკიდებლობაზე ვსაუბრობთ, ვთანხმდებით, რომ ეს პირობითი ტერმინია“ — აღნიშნა მან.

დამოუკიდებლობის არსის გაანალიზებისას მან მიუთითა, რომ მსოფლიოში არ არსებობს ქვეყანა, რომელიც მხოლოდ თავისთვის, ყოველგვარი დამოუკიდებულების გარეშე არსებობს და მაგალითად მოიყვანა ამერიკის შეერთებული შტატები და საფრანგეთი, როდესაც 2008 წლის აგვისტოს ომმა რამდენიმე დღით შეცვალა ამ ქვეყნების პოლიტიკური დღის წესრიგი.

ლევან ბერძენიშვილის აზრით, არსებობს დამოუკიდებლობაზე უფრო მნიშვნელოვანი სიტყვა — თავისუფლება, რომლის მიღწევა გაცილებით უფრო ძნელია ვიდრე დამოუკიდებლობა.

ლექციის შემდეგი ნაწილი დაეთმო საბჭოთა წყობილების პირობებში მიმდინარე ბრძოლას დამოუკიდებლობისთვის. მომხსენებელმა ისაუბრა მაშინ არსებულ იდენტობის დაკარგვის „შიშსა“ და საბჭოთა ტოტალიტარიზმზე, რომელიც ქვეყნის ორმაგი სასუხარი გახლდათ. მისი აზრით, საქართველოს დამოუკიდებლობა სწორედ ამ ორი მიზეზის გამო სურდა — არ დაეკარგა თვითმყოფადობა და გათავისუფლებულიყო საბჭოთა ტირანიისგან.

„საქართველოში კომუნისტური რეჟიმის მომხრე ძალიან ცოტანი იყვნენ, მათ უყვარდათ საქართველო, მაგრამ ცხოვრობდნენ იმ რეჟიმის პირობებში და მას შეგუებულნი იყვნენ. 1984 წლის 20 აპრილს უზენაესი სასამართლოს შენობაში იატაკქვეშეთში შექმნილი რესპუბლიკური პარტიის წარმომადგენელთა პატარა ჯგუფს, რომლის წევრი მეც გახლდით, ანტისაბჭოთა აგიტაციისთვის სასამართლომ მიუსაჯა 3-3,5 წელი. მოსამართლე, რომელიც ცნობილი იყო იმით, რომ გამოტანილი ჰქონდა უამრავი დახვრეტის განაჩენი (მათ შორის იყო თვითმფრინავის ბიჭების დახვრეტის განაჩენი და თბილისის ერთ-ერთი რაიონის აღმასკომის თავმჯდომარის, კობახიძის დახვრეტის განა-



ჩენი) და რომელსაც ხელი არ უკანკალებდა ადამიანის მოკვდინებაზე ხელმოწერის დროს, თვალები ცრემლით ავესო. რას ნიშნავდა ეს? იმას, რომ ისიც კი პატრიოტი იყო თავისებურად და დაენანა პატარა ბიჭების ციხეში გაშვება. არ იფიქროთ, რომ კომუნისტების ქება-დიდებას ვაპირებ — ისინი ჩვეულებრივი მედროეები იყვნენ, მაგრამ საქართველოს მიმართ მათაც კი განსაკუთრებული გრძნობა ჰქონდათ და საქართველოს დამოუკიდებლობა მათაც უნდოდათ“ — განაცხადა ლევან ბერძენიშვილმა.

ლექციანზე ყურადღება გამახვილდა იდენტობისთვის ბრძოლის სხვადასხვა ეტაპზე საბჭოთა პერიოდში, განსაკუთრებით აღინიშნა 1978 წლის 14 აპრილის მნიშვნელობა ქართული ენის შენარჩუნებაში და 1989 წლის 9 აპრილის მნიშვნელობა დამოუკიდებლობისთვის ბრძოლაში. ლევან ბერძენიშვილმა განსაკუთრებით გაუსვა ხაზი თბილისის სახელმწიფო უნივერსიტეტის დამსახურებას და აღნიშნა, რომ უნივერსიტეტის სტუდენტობა ყოველთვის ეროვნული მოძრაობის ფლავიანი იყო.

მან ასევე გამოკვეთა დამოუკიდებლობისთვის ბრძოლის პირველი ეტაპზე ზეიად გამსახურდიას მიერ საქართველოში შექმნილი ორგანიზაციის — ჰელსინკის კავშირის როლი და განაცხადა, რომ მაშინ ამ ორგანიზაციამ იდეურად მოამზადა ეროვნული მოძრაობა. მისი თქმით, ამ პერიოდში იწყება გამოღვიძების პროცესი, იქმნება სხვადასხვა ორგანიზაციები, რომელთა ფართული, იატაკქვეშეთში მოღვაწეობის შედეგად გამოიღოდა არაერთი ყურნალი და გაზეით, ისინი საზოგადოებას ამზადებდნენ დამოუკიდებლობის იდეისთვის. გამოღვიძებას მოჰყვა ამ ორგანიზაციების ლიდერების და წევრების დაპატიმრება. მიუხედავად იმისა, რომ კომუნისტური პარტიის მომხრეებმა და მედროეებმა დაუნდობელი ბრძოლა გააჩაღეს ეროვნული მოძრაობის ლიდერების და აქტივისტების მიმართ, ეროვნული დამოუკიდებლობისთვის ბრძოლა არ შენელებულა. ამას ხელი შეუწყო იმანაც, რომ ქართველ კომუნისტთა დიდი ნაწილისთვის, რომლებიც იძულებულნი იყვნენ ფარისევლური წერილები გამოეყვევნენ და სხვადასხვა კრებაზე ასევე ფარისევლური გამოსვლები ჰქონდათ ეროვნული მოძრაობის წევრების „დასამარების“ მოთხოვნით, ქართული იდენტობის დაკარგვის საფრთხე ისევე მნიშვნელოვანი იყო, როგორც ეროვნული მოძრაობის წევრებისთვის. „თამამად შემიძლია ვთქვა, რომ საქართველო დამოუკიდებლობისკენ მიდიდა იდენტობის იდეით — რომ ჩვენ ვართ ქართველები. საქართველოში კომუნისტური რეჟიმი დაამარცხა ნაციონალურმა განწყობამ“ — აღნიშნა ლევან ბერძენიშვილმა.

რა პრობლემა აქვს დღეს საქართველოს? საქართველო დღეს დამოუკიდებელია, ნყვეტს თავის პრობლემებს და ამენებს სახელმწიფოს, მაგრამ საქართველოს არ არის თავისუფალი და არ ცხოვრობს კარგად. რატომ? ლევან ბერძენიშვილის აზრით, ამას აქვს თავისი მიზეზები, რადგან ჩვენ გვეკონა, რომ „უნდა ვყოფილიყავით რუსეთისგან დამოუკიდებელი და ეს იყო უმთავრესი. შემდეგ კი გავყვდით ჩვენს წყალს, ღვინოს, ბორჯომს, ჩაის და ვიქნებოდით უმდიდრესი ქვეყანა. ეს იმას ნიშნავს, რომ საქართველოს წარმოდგენა არ ჰქონდა, რა ეკონომიკურ სისტემაში ცხოვრობდა და საით უნდა წასულიყო ეკონომიკური განვითარების თვალსაზრისით“ — აღნიშნა მან.

„დამოუკიდებლობა უკანასკნელი გაჩერება გვეკონა. აღმოჩნდა, ეს მხოლოდ პირველი გაჩერება გაჩერებათა დიდი სერიიდან, სადაც სულ ბოლო წერტილი არის თავისუფლება. დამოუკიდებლობის გზაზე ჩვენ გავაკეთეთ ყველაფერი,



საუბრები დამოუკიდებლობაზე

დამოუკიდებლობა მხოლოდ გზაა თავისუფლებისკენ

მეოთხე გვერდიდან

რისი გაკეთებაც შეგვეძლოს. ამისთვის ყველას მადლიერი ვართ, ვინც ერთი ან მეტი მიზნით დადო ამ საქმეში, მაგრამ ახლა გვაქვს უფრო დიდი მიზანი — როგორმე მივაღწიოთ თავისუფლებას“ — ასე დაასრულა ლექცია ლევან ბერძენიშვილმა.

ჩვენი არჩევანი უნდა იყოს ევროკავშირი და არა ევრაზიული კავშირი

რას ნიშნავს ეკონომიკური დამოუკიდებლობა და როგორ მიიღწევა ის? — ამ კითხვით დაიწყო ლექციის შესავალი ნაწილი აკადემიკოსმა ლადო პაპავამ და თეორიული მიმოხილვის შემდეგ ყურადღება გაამახვილა სახელმწიფოთა ეკონომიკური მოდელის ტიპებზე, მათ ეკონომიკურ ფუნქციებზე, ბუნებრივი რესურსებისა და ქვეყნის ეკონომიკური მასშტაბის ურთიერთმიმართებაზე.

ლექციის პირველ ნაწილში მან რამდენიმე ეკონომიკური ტიპის სახელმწიფო დაახასიათა — ისაუბრა ავტარკიული (ამ ტერმინით აღინიშნება სახელმწიფოს ან რეგიონის თვითდაკმაყოფილება საგარეო ვაჭრობის არარსებობის პირობებში) ეკონომიკური მოდელის მქონე ქვეყნებზე, რომლებიც თავად ქმნიან თვითკმარ ეკონომიკას და თავადვე აწარმოებენ მისთვის საჭირო ყველა პროდუქციას (ასეთი ქვეყნის მაგალითად მან მოიყვანა ფაშისტური გერმანია, ფაშისტური იტალია და საბჭოთა კავშირი, თუმცა დასძინა, რომ სრულიად დამოუკიდებელი ეკონომიკის მქონე არც ისინი იყვნენ, რადგან სავაჭრო ურთიერთობებს აწარმოებდნენ სხვა ქვეყნებთან. ასევე აღნიშნა, რომ ავტარკიული მოდელის ეკონომიკისკენ მიდრეკილია თანამედროვე სახელმწიფო — ჩრდილოეთ კორეა). მან ასევე ისაუბრა დიდი ტერიტორიისა (მაგალითად, რუსეთი) და მდიდარი ბუნებრივი რესურსების მქონე (მაგალითად, აზერბაიჯანი) ქვეყნებზე: „ამა თუ იმ ქვეყნის ეკონომიკური ფუნქცია განსაზღვრავს მისი ეკონომიკის დამოუკიდებლობას და ეკონომიკის განვითარების შესაძლებლობას. იმ ქვეყნების მიმართ, რომლებსაც გააჩნიათ მდიდარი ბუნებრივი რესურსები, დაინტერესება დიდარი. ასეთია, მაგალითად, ჩვენი მეზობელი სახელმწიფო აზერბაიჯანი, რომელიც ტერიტორიულად დიდი არაა, აქვს ჩვენზე უფრო მეტი ნარსული, მაგრამ ფლობს მდიდარ ბუნებრივ რესურსს, რითაც მან მკვეთრი განვითარება შეძლო. ასევე დიდი დაინტერესება ქვეყნებით, რომლებსაც აქვთ დიდი ეკონომიკური მასშტაბი, რაც იმას ნიშნავს, რომ ამ ქვეყნებში განხორციელებული ინვესტიცია, ბაზრის სიდიდიდან გამომდინარე, გაძლევს საშუალებას, რომ ქვეყანაში წარმოებულ პროდუქციას დიდი რაოდენობით მომხმარებელი ჰყავდეს. თუ ერთმანეთს დაემთხვა ეს ორი ფაქტორი — ბუნებრივი სიმდიდრე და ქვეყნის ეკონომიკური მასშტაბი, ეს კიდევ უფრო აძლიერებს ამ ქვეყნის დაინტერესებას“ — აღნიშნა ლადო პაპავამ.

მომხსენებელმა ამ ტიპის ქვეყნებს შუიპირისა და ქვეყნები, რომლებიც მცირე ზომის არიან და არა აქვთ განსაკუთრებული ბუნებრივი რესურსები და ეკონომიკური მასშტაბები (მაგალითად, საქართველო). ნინაპირობა იმისა, რომ სხვა ქვეყნებმა ამ ტიპის ქვეყნის მიმართ დაინტერესება გამოიჩინონ, ნაკლებია. „მამ რა არის ის, რითაც შეგვიძლია ჩვენი დამოუკიდებლობა გავაუმჯობესოთ? — აღმოჩნდა, რომ ასეთი არის მისი ადგილმდებარეობა. საქართველოს ტერიტორია არის უმოკლესი გზა აღმოსავლეთსა და დასავლეთს შორის, რომლებსაც ერთმანეთის მიმართ დიდი ინტერესი გააჩნიათ“, — აღნიშნა მან და დაასაბუთა, რომ საქართველოს გეოპოლიტიკური მდებარეობა ის ფაქტორია, რომელსაც მუდმივად უნდა ვიყენებდეთ, რომ საერთაშორისო საზოგადოებისთვის მნიშვნელოვანი და საინტერესო ვიყოთ.

აკადემიკოსმა ლადო პაპავამ მოკლედ მოიხილა 90-იანი წლების საქართველოს ეკონომიკური მდგომარეობა, ხაზი გაუსვა საქართველოს — როგორც სატრანსპორტო დერეფნის — მნიშვნელობას, აბრეშუქის გზის ეკონომიკური მომგებიანობას, ბაქო-თბილისი-სუფსის, ბაქო-თბილისი-ჯეიჰანის ნავთობის მაგისტრალისა და ბაქო-თბილისი-ერზერუმის გაზსადენის მნიშვნელობას, რომლითაც საქართველომ, ჯერ კიდევ ედუარდ შევარდნაძის პრეზიდენტობის პერიოდში, კარგად „გაყიდა“ თავისი ფუნქცია.

ლექციაზე ეტაპობრივად მიმოიხილეს საქართველოს დამოუკიდებლობის აღდგენიდან დღემდე მომხდარი ეკონომიკური გარდაქმნები. „გასული საუკუნის 90-იანი წლების დასაწყისიდან იმდენად დიდი იყო დამოუკიდებლობის სურვილი ქართველ ხალხში, რომ გავრცელდა მოსაზრებები — „ოღონდ თავისუფლები ვიყოთ და ბალახს შევჭამოთ“ ან „ჩვენი მანგანუმი, ჩაი, ციტრუსი, ღვინო და ბორჯომი გადაგვარჩენს“.



მე ამ პერიოდს რომანტიკულ პერიოდს ვუნოდებ, რადგან ხალხი მზად იყო გადაეტანა ყველაფერი, ოღონდ აეშენებინა დამოუკიდებელი ქვეყანა დამოუკიდებელი ეკონომიკით, მაგრამ რეალობა სხვაგვარი აღმოჩნდა და პოლიტიკურმა პროცესებმა ქვეყნის ეკონომიკური განვითარება, გარკვეულწილად, შეაფერხა“, — აღნიშნა ლადო პაპავამ.

ლექციის შემდგომი ნაწილი დაეთმო იმ პროცესების აღწერას, რაც საქართველოს ეკონომიკამ 90-იანი წლებში გადაიტანა. მომხსენებლის თქმით, დაშვებულია კატასტროფული შეცდომები. მიუხედავად იმისა, რომ იმ პერიოდში არაერთი დოკუმენტი შეიქმნა, რომელიც გამოითქმული იყო ვარაუდები, თუ როგორ განვითარდებოდა საქართველოს ეკონომიკა, თითქმის ყველა მათგანი რეალობისგან შორს აღმოჩნდა.

მისი თქმით, მოვლენები ასე წარმოადგინა: საქართველომ მტკიცებულად გადაიტანა საბჭოთა კავშირის დახრევა, რასაც მოჰყვა კონფლიქტები აფხაზეთსა და სამაჩაბლოში; არსებობდა ყოველად გაუმართლებელი ეკონომიკური პოლიტიკა, რომელიც, ფაქტობრივად, ანგრევდა ქვეყანას; 1993-94 წლებში საქართველოში ინფლაციამ თვეში 50-70 პროცენტს შეადგინა; 1993 წლიდან შემოიღეს დროებითი ფულის ნიშანი — ქართული კუპონი, რომლითაც მხოლოდ პურის ყიდვა შეიძლებოდა, ისიც ტალღით; ბრუნვაში იყო რუსული რუბლი; ძალიან მოკლე დროში ერთი დოლარის ოფიციალური კურსით გახდა 2 400 000 კუპონი, ხოლო არაოფიციალური — ბაზარზე არსებული ფასით 5 700 000 კუპონი; საშუალო ხელფასი იყო დოლარ-ნახევრის ქვევალეზე, ხოლო პენსია — 10 ცენტის ქვევალეზე; რაც მთავარია, 1993-94 წლის წლებში, როცა ქვეყანას არ გააჩნდა პარლამენტის მიერ დამტკიცებული სახელმწიფო ბიუჯეტი. „როგორ ფუნქციონირებდა სახელმწიფო? იგი ხარჯავდა ფულს და პარლამენტი ყოველი კვარტრის ბოლოს უმტკიცებდა განეულ ხარჯებს, რომელიც ეროვნული ბანკიდან სესხით ჰქონდა აღებული. ამან გამოიწვია ჰიპერიფლაცია და ეკონომიკური კრიზისი. დღეს, როდესაც ეკონომიკური კრიზისზე საუბრობენ, ეს ღმინის მომგვრელია, რადგან საქართველომ ისეთი პერიოდს გადაიტანა, მასთან შედარებით, ახლა არავითარი ეკონომიკური კრიზისი არ არსებობს. ეს პოლიტიკოსების შეთხზული ზღაპარია“, — აღნიშნა ლადო პაპავამ.

რაც შეეხება ეკონომიკის ვარდნას, რომელიც ასევე 90-იანი წლების რეალობაა, მომხსენებლის თქმით, მდგომარეობა ასეთი იყო: საქართველოს ეკონომიკის მარცხეული 1994 წელს, 1989 წელთან შედარებით, 3,5-ჯერ შემცირდა; ქვეყანა ისეთ მდგომარეობაში აღმოჩნდა, რომ თავად პარლამენტის სპიკერმა გააკეთა განცხადება — რადგან საქართველო ვერ მართავს ეკონომიკას, ხომ არ სჯობს, რომ რუსეთის ვთხოვთ დავაბრუნოთ რუბლის ზონაში. „ჩემი პირადი შეფასებაა, იმ ვითარებაში რუსეთისთვის კიდევ რომ გვეთხოვა რუბლის ზონაში დაბრუნება, არ დავაბრუნებდა, რადგან იგი არ იყო დღევანდელი რუსეთი, რომელიც ახლა სიხარულით მიგიღებს უკან, მას მაშინ თავად ჰქონდა პრობლემები და სუსტი ქვეყნის რუბლის ზონაში დაბრუნება არც მას აძლევდა ხელს, თუმცა ქართულ საზოგადოებაში ეს განწყობა მაინც არსებობდა“, — აღნიშნა ლადო პაპავამ.

1994 წელს შეიცვალა საქართველოს ეკონომიკური გუნდი, რომელმაც განაცხადა, რომ ქვეყანას შეეძლო ეკონომიკური სტაბილიზაციის შენარჩუნება და ეკონომიკური კრიზისიდან გამოსვლა, რითაც იგი სახელმწიფოებრივ დამოუკიდებლობას შეინარჩუნებდა. პირველი რაც ამ გუნდმა გააკეთა, 1995

წელს შემოიღო ახალი ვალუტა — ლარი და აკრძალა რუბლის გამოყენება. ამან გამოიწვია ის ეფექტი, რომ ლარმა შეაღწია ცხივალსა და აფხაზეთში და შეიძინა სტაბილიზაცია. 1996-97 წლებში ეკონომიკურმა ზრდამ პირველად მიაღწია 10 პროცენტზე მეტს, ამავე პერიოდში პირველად დაფიქსირდა ნულიანი ინფლაცია 10-პროცენტზე ნაკლები და, რაც მთავარია საქართველოში ამ პერიოდში აღარ არის პუერის პრობლემა, რომელიც ერთ-ერთი მთავარი კომპონენტი იყო მაკროეკონომიკური სტაბილიზაციის მიღებისა და ლარის შემოღებისთვის. „ვამაყობ, რომ მომიწია ამ რეფორმის ერთ-ერთი კომპონენტი ჩემზეც ყოფილიყო დამოკიდებული, თუმცა მარტო ამას ვერ შევძლებდი — ამ საქმეში ლომის წილი ეკუთვნით მაშინდელ ეროვნულ ბანკს და ფინანსთა სამინისტროს“, — განაცხადა ლადო პაპავამ.

1998 წელს საქართველო მორიგი სიძნელეების წინაშე დადგა. მოხდა ქვეყნის პრეზიდენტზე თავდასხმა, რომელმაც აჩვენა, რომ ქვეყანაში ჯერ კიდევ არ იყო პოლიტიკური სტაბილიზაცია; ამავე წლის მაისში ზოგიერთი პოპოლარული ნაბიჯის გამო აფხაზეთის ტერიტორიიდან დაიძრა ლტოლვილთა მორიგი ნაკადი, რამაც გაამყარა მოსაზრება არასტაბილურობის თაობაზე და, რაც მთავარია, ამას დაემატა რუსეთის 1998 წლის აგვისტოს დეფოლტი, რამაც დიდი ზიანი მიაყენა, პირველ რიგში, რუსეთს და შემდეგ მის მეზობელ ქვეყნებს. საქართველო კიდევ ერთხელ აღმოჩნდა განსაცდელის წინაშე, რადგან მისთვის რუსეთი იყო ყველაზე დიდი სავაჭრო პარტნიორი. ამას მოჰყვა საკმაოდ მძიმე პროცესები: ქვეყანაში შემოვიდნენ დაიწყო რუსულმა, ხშირად ფალსიფიცირებულმა, „როდუქციამ დაბალ ფასად (რუსები თავიდან იცილებდნენ რუბლს და პროდუქტს, რომ ნებისმერი ქვეყნიდან როგორც ნალოთ დოლარი). ასევე გამოიყენეს რუსეთის სამხედრო ბაზები, სადაც მოქმედებდა სამხედრო-სავაჭრო ბანკები — აქ ხდებოდა რუბლის შემოტანა დოლარის გასატანად. შედეგად — ლარმა პირველად დაიწყო გაუფასურება.

საქართველოს მთავრობამ და ეროვნულმა ბანკმა შექმნილი მდგომარეობიდან გამოსასვლელად დაიწყო რეზერვების ხარჯვა, რაც სწორი გამოსავალი აღმოჩნდა — შედეგად, ლარი კი უფასურდებოდა, მაგრამ არც ერთი ბანკი და ბიზნესმენი არ გაკოტრებულა.

ლექციის ნაწილი დაეთმო „ვარდების რევოლუციის“ შემდეგ დაჩაგრულ ეკონომიკურ რეფორმებს. ლადო პაპავას თქმით, მაშინდელი ხელისუფლების მიდგომა ასეთი იყო: „საქართველოს არ აქვს სტრატეგიული ობიექტი“.

„სტრატეგიული ობიექტების შერჩევის კრიტერიუმები ეკონომიკურ მეცნიერებას არ გააჩნია. ობიექტის სტრატეგიულობას განსაზღვრავს თავად ქვეყანა, რადგან ის მარტო ეკონომიკა არ არის და მას აქვს სხვადასხვა მოთხოვნა და საჭიროება, მაგრამ რევოლუციის შემდგომ პერიოდში ყველა ობიექტი შეფასდა, როგორც გასაყიდი. თქვენ ისიც, რომ ყველაფერი, მათ შორის გაზსადენები, შეიძლება გაიყიდოს. ამ საკითხზე მოლაპარაკებებიც კი დაიწყო „გაზპრომთან“. ეს რომ შესრულებულიყო, ფაქტობრივად კვარავდით მნიშვნელოვან ეკონომიკურ ბერკეტს, რადგან ალტერნატივა თანხა გაიხარჯებოდა, რუსეთს კი მანიპულირების შესაძლებლობა მიეცემოდა. მაშინ გადავიწყობდა რადგან ათასწლეულის გამოწვევის პროგრამამ სწორედ მიღების რეაბილიტაციისთვის 50 მილიონ დოლარამდე დაფინანსება გამოყო იმ პირობებით, რომ საქართველოს მთავრობა 5 წლის განმავლობაში მას არ გაყიდდა“, — აღნიშნა ლადო პაპავამ.

მან აქვე ისაუბრა რუსეთის სტრატეგიაზე, და განაცხადა, რომ სწორედ 2003 წლიდან იწყება რუსული „ლიბერალური იმპერიის“ შექმნის პროცესი, რასაც სათავე დაუდო ანატოლი ჩუბაისის სტატიამ „ნუზაისისიანა გაზეტაში“, რომელშიც ის რუსეთის მისიად მიიჩნევს — შექმნას ახალი იმპერია არა იარაღით, არამედ ეკონომიკური მექანიზმებით. ლადო პაპავას აზრით, რუსეთი ეტაპობრივად დღესაც ახორციელებს ამ პროგრამას, რომლის მიხედვითაც მის ინტერესებშია — შეიძინოს მსხვილი ობიექტები ყოფილი მოკავშირე რესპუბლიკების ტერიტორიებზე და ამით შექმნას ეკონომიკური ბერკეტი ამ ქვეყნების მართვისთვის. მისივე თქმით, საქართველოს ხელისუფლება საჯაროდ კი ლანძღავდა რუსეთს, მაგრამ ხელს არ უშლიდა, შეესყიდა მსხვილი სამრეწველო ობიექტები, მათ შორის ბანკები.

ლადო პაპავას აზრით, ეს იყო პერიოდი, როცა საქართველოს ეკონომიკური დამოუკიდებლობის შენარჩუნებას ახალი საფრთხე დაემუქრა. „2006 წელს რუსეთმა დახურა თავისი ბაზარი ქართული პროდუქციისთვის, რამაც დიდი ზიანი მოგვყავდა, მაგრამ იმის თქმა, რომ ამ პერიოდში არანაირი ეკონომიკური ურთიერთობები არ წარმოებდა რუსეთთან, არ იქნება მართალი, რადგან ბევრი ქართველი ცხოვრობს და შრომობს რუსეთში და მათ მიერ წლის განმავლობაში სოლიდური თანხა ირიც-

ხება საქართველოში (ოფიციალური მონაცემებით, ნლიურად, საშუალოდ მილიარდ ნახევარი დოლარი ირიცხება საქართველოში უცხოეთში მცხოვრები ქართველებიდან. აქედან 55 პროცენტამდე რუსეთში მცხოვრებ ქართველებზე მოდის“, — აღნიშნა მან.

რა ვითარებაა დღეს? ლადო პაპავას აზრით, დღეს საქართველო ინარჩუნებს დამოუკიდებლობას რუსეთის მიერ აფხაზეთისა და სამაჩაბლოს ტერიტორიების ღია ანექსიის ფონზე, მაგრამ გაჩნდა სხვა საშიშროებები: ქვეყანა დადგა არჩევანის წინაშე: დაახლოება ევროკავშირთან, რაც აუცილებლად დასრულდება ევროკავშირში შესვლით, ან შესვლა ევრაზიულ კავშირში, რაც იგივე დაბრუნებაა მოდერნიზებულ საბჭოთა კავშირში. „არის ასევე მესამე გზა — საქართველო გახდება ნეიტრალური სახელმწიფო, მაგრამ ამას ახდენა არ უნერია, რადგან შენი ნეიტრალიტეტი არა მხოლოდ შენ, არამედ შენს მეზობელ ქვეყნებსაც უნდა აძლევდეს ხელს და მათ ინტერესებს აბალანსებდეს. ამიტომ რჩება ორი არჩევანი: ევროკავშირი და ევრაზიული კავშირი. თუ ჩვენ ვიტყვი, რომ გვინდა ევრაზიული კავშირის წევრობა, მეორედ დღესვე უპრობლემოდ მიგვიღებენ, რადგან მას არანაირი ნინაპირობები არ აქვს, მაგრამ თუ ვიტყვი, რომ გვინდა ევროკავშირი, მას უკვე სერიოზული ნინაპირობები აქვს, რაც უნდა დააკმაყოფილო. ეკონომიკური ინტეგრაცია, რომელიც ეფუძნება ევროკავშირის ერთიან სივრცეში ყოფნას, ნიშნავს იმავე სტანდარტებს, რაც ევროკავშირის სხვა ქვეყნებს აქვთ, იმავე საბაზრო რეგულაციებს, რაც ევროკავშირის აქვს და სხვა. ეს გზა რთულია გზაა, მაგრამ აქ დაცულია გარკვეული ფასულობები — დემოკრატია, ადამიანის უფლებები, ინსტიტუტებისა და საბაზრო ეკონომიკის თავისუფლება. ამდენად, საქართველოს დამოუკიდებლობა მისი პერსპექტივა, განვითარება რეალურად ევროკავშირზე გადის. ევრაზიული კავშირი, თავისი არადემოკრატიული სივრცით და რუსეთის დიქტატით, არის თავის მოტყუება. ევროკავშირის წევრობა არ არის ჩვენი მიზანი, ევროკავშირი არის გზა, თუ როგორ უნდა გავხდეთ, მართლაც, დემოკრატიული და დამოუკიდებელი სახელმწიფო“, — აღნიშნა ლადო პაპავამ.

სტუდენტის კითხვაზე — რა ინტერესები შეიძლება ჰქონდეს ევროკავშირს საქართველოს მიმართ, ლადო პაპავამ უპასუხა, რომ დღეს, შესაძლოა, მართლაც არაფერში აძლევდეს ხელს ევროკავშირს საქართველოს მიღება, მაგრამ ისეთი ქვეყანა უნდა შევქმნათ, რომ სასურველი ვიყოთ ევროპული ოჯახისთვის. „ამისთვის საზოგადოებაში უნდა იყოს ძლიერი სიგნალი, რომ არა მარტო გვინდა ევროკავშირის წევრობა, არამედ ყველაფერს ვაკეთებთ ნინაპირობების შესარულებად. ერთ მაგალითს მოგიყვანთ: 2008 წლის აგვისტოს მის შემდეგ ბრიუსელში გაკეთდა განცხადება, რომ მზად არის საქართველოსთვის ღრმა და ყოველისმომცველი თავისუფალი რეჟიმის მინიჭებისთვის. რა იყო ამის ნინაპირობა? ბაზრის ანტი-მონოპოლიური რეგულირება, მომხმარებელთა უფლებების დაცვა და შრომის კანონმდებლობის ცვლილება, რომელშიც დაცული იქნებოდა დასაქმებულების უფლებები. როდის მოხდა ასოცირების ხელშეკრულებაზე ხელის მოწერა? 2014 წელს, ანუ სახელმწიფო რეჟიმის შეცვლის შემდეგ, არადა ამის გაკეთებას სჭირდებოდა პოლიტიკური ნება, რომელიც, რომ გამოკვეთინა, შეგვეძლო ეს 2010 ან 2011 წელს გავგვეკეთებინა... ესე იგი მთელი 3 წლით დავაგვიანეთ. ევროპას არსად ერქარება. ეს ჩვენს ინტერესებშია“, — განაცხადა მან.

სოციალურ და პოლიტიკურ მეცნიერებათა ფაკულტეტის სტუდენტის სანდრო ტაბატაძის კითხვაზე — უნდა ეროვნულ თუ არა სახელმწიფო ეკონომიკის მართვით და რამდენად შესაძლებელია, რომ დღეს საქართველოში გატარდეს უკლასიკური ეკონომიკური პოლიტიკა, ლადო პაპავამ განაცხადა, რომ ეს არის ზოგადდ ეკონომიკური მეცნიერების პრობლემა. ზოგი მიიჩნევს, რომ სახელმწიფო არ უნდა ეროვნულ ეკონომიკაში, ზოგი კი — პირიქით, ჩარევის მომხრეა. თანამედროვე გლობალიზაციამ და მსოფლიოში მიმდინარე პროცესებმა აჩვენა, რომ როცა შედარებით მშვიდი პერიოდები დგება, როგორც ნესი, პოლიტიკურად კულტურულ ქვეყნებში სახელმწიფო არ ერევა ეკონომიკაში, ხოლო როდესაც კრიზისული პერიოდი, ეკონომიკა თავად ითხოვს — ხელისუფლება ჩაეროს და პროცესები დაარეგულიროს. „ამდენად, ერთგვარი მიდგომა არ არსებობს, თუმცა, თუ ჩვენ გვინდა ევროკავშირში, იქ არის გარკვეული სტანდარტები და გარკვეული რეგულაცია, რომელიც, რა თქმა უნდა, სახელმწიფოს ჩარევას გულისხმობს“, — აღნიშნა ლადო პაპავამ და კიდევ ერთხელ დაადასტურა, რომ — საქართველოს დემოკრატიისა და თავისუფლებისთვის სხვა გზა, გარდა ევროპულისა, არ გააჩნია.

შეამზადა მაია ტორაძემ



როგორ თარიღი ასახავს ქვეყნის დამოუკიდებლობის საწყისს?



— ბატონო ვახტანგ, 1918 წელს იყო თუ არა მზად ქართველი ერი, ქართველი საზოგადოება სახელმწიფოებრივი დამოუკიდებლობის აღსადგენად?

— ცხადია, ქართველი ერი, ქართველი საზოგადოება მზად იყო სახელმწიფოებრივი დამოუკიდებლობის აღსადგენად. დამოუკიდებლობამდე ქართველი ერი მივიდა ეროვნული მოძრაობით, რომელიც დაიწყო 1802 წლის 12 აპრილს. ამ დღეს თბილისში, სიონის ტაძარში, კახეთის თავადებმა და აზნაურებმა საჯაროდ განაცხადეს უარი რუსეთის იმპერატორისადმი ერთგულების ფიცის დადებაზე. ამ ღირსშესანიშნავ მოვლენას მოჰყვა 1802 წლის პოლიტიკური გამოსვლა კახეთში, 1804 წლის აჯანყება ქართლის მთიანეთში, 1812 წლის აჯანყება კახეთში, 1819-1820 წლებში აჯანყება იმერეთში, 1832 წლის შეთქმულება, XIX საუკუნის 60-80-იანი წლების დიდი ეროვნული მოძრაობა, XX საუკუნის დამდეგიდან დაწყებული ქართველ ავტოკეფალისტთა და ქართველ ავტონომისტთა მოძრაობა, ევროპაში მოღვაწე ქართველ ემიგრანტთა მიერ 1914 წელს „საქართველოს დამოუკიდებლობის კომიტეტის“ შექმნა. ასე რომ, 117 წლის მანძილზე საქართველოში ეროვნული მოძრაობა არ ჩამცხვრალა და იგი 1918 წლის 26 მაისს ლოკალურ დასასრულამდე მივიდა.

ქართველი ერი რომ მზად იყო სახელმწიფოებრივი დამოუკიდებლობისათვის მხოლოდ 1918 წლის 26 მაისის დამოუკიდებლობის აქტით არ დადასტურებულა. რუსეთის იმპერიის აღსასრულადან ორი კვირაც არ იყო გასული, რომ 1917 წლის 12 მარტს ქართველმა სამხედროებმა აღადგინა საქართველოს სამოციქულო მართლმადიდებელი ეკლესიის ავტოკეფალია, რომელიც რუსეთმა 1811-1814 წლებში წაგვართვა. 1918 წლის 26 იანვარს ივანე ჯავახიშვილის თაოსნობით დაარსდა ქართული უნივერსიტეტი (თბილისის უნივერსიტეტი). უნივერსიტეტის დაარსებით გაცხადდა ქართველ მეცნიერთა, ქართველ საზოგადოებრივ მისწრაფება — ქართველ ახალგაზრდობას უმაღლესი განათლება რუსული უნივერსიტეტების ნაცვლად ქართულ უნივერსიტეტში უნდა მიეღოთ. ეს ორი დიდი მოვლენა დაგვირგვინდა 1918 წლის 26 მაისს სახელმწიფოებრივი დამოუკიდებლობის აღდგენით. ასე, რომ 1917-1918 წლის სამი დიდი მოვლენა — ეკლესიის ავტოკეფალიის აღდგენა, ქართული უნივერსიტეტის დაარსება და სახელმწიფოებრივი დამოუკიდებლობის აღდგენა — ერთი პროცესის უმნიშვნელოვანესი ეტაპებია, სამივე მოვლენა დიდი ხნის მანძილზე მნიშვნელოვან და ამდენად სავსებით კანონზომიერი იყო.

— ხშირად ისმის, რომ 26 მაისი კი არ უნდა ვიდგენს საფუძვლად, როგორც და-

ბოლო დროს გახშირდა საუბრები იმის თაობაზე, რომ საქართველოს დამოუკიდებლობის დღე არაა 26 მაისი, არამედ 9 აპრილი უნდა აღინიშნებოდეს, რადგან მხოლოდ ეს უკანასკნელი თარიღი არის ქართველი ერის ნაბიჯი დამოუკიდებლობისკენ.

ამ მოსაზრებას ჰყავს მომხრეები, რის დასტურებაც შეიძლება გაბაღიანდ გვიჩვენებდეს სახელმწიფო უნივერსიტეტის უფროსი მაცნეირ-თანაგვრომლის ნუბზარ ჩხაიძის წერილი „საქართველოს დამოუკიდებლობის დღე 9 აპრილი და არაა 26 მაისი“, რომელიც ბაზაზე „მათაშობაში“ 2015 წლის 25 მაისს გამოქვეყნდა.

აპტირი წერს, რომ 26 მაისი მხოლოდ იმითაა დაკავშირებული, რომ 1991 წელს, ამ დღეს, საქართველომ აირჩია პირველი პრეზიდენტი ზვიად გამსახურდი. სხვა მხრივ, ეს თარიღი აღსანიშნავია, რადგან „1918 წლის 26 მაისის დამოუკიდებლობის აქტი, უბრალოდ „მანქანისკარბა“ დამოუკიდებლობა კარგადაა გარკვეული მთავრობის დაჟინებული მოთხოვნით, სულ ტირილ-ტირინით მიიღო, რუს ახალგაზრდას რომორ ვულვალათომ“ აქვე იგი აღნიშნავს, რომ დამოუკიდებლობის აქტი მთავრობის გადამწყვეტილება შემთხვევითი აქტი იყო, რადგან „ამიერკავკასიის სიმი სომხეთსა და აზერბაიჯანს რომ არ დაელოდებინათ, საქართველოს მთავრობის დამოუკიდებლობის გამოცხადება არც კი იფიქრებდა. მეტიც, ქართველი სომხეთ-დემოკრატიის, რომორც რუსული სომხეთ-დემოკრატიის ნაწილი, საქართველოს ავტონომიურობის საკითხსაც კი არ განიხილავდა“. (წყარო: ჰტტა://წწწ.პატშობა.ბი/გატშობა.ბი/წაიკაყ/145323/)

9 აპრილის უპირატესობაზე ნუბზარ ჩხაიძის მოჰყავს არგუმენტი: „ის, რომ 1991 წლის 9 აპრილი (და არაა 26 მაისი) ქვეყნის დამოუკიდებლობის დღე, დასტურდება საქართველოს კონსტიტუციით, სადაც პირველი თავის ზოგადი დებულების პირველ მუხლში ბარკვევით წერია: „საქართველო არის დამოუკიდებლობის, ერთიანი და განუყოფელი სახელმწიფო, რაც დადასტურებულია 1991 წლის 31 მარტს ქვეყნის მთელ ტერიტორიაზე, ამო შორის აფხაზეთის ასსრ-ში და ყოფილ სამხრეთ ოსეთის ავტონომიურ ოლქში ჩატარებული რეფერენდუმით და 1991 წლის 9 აპრილის საქართველოს სახელმწიფოებრივი დამოუკიდებლობის აღდგენის აქტით“.

ბაზაში, თბილისის უნივერსიტეტი“ გასულ წლებშიც არაერთხელ წარდა ამ თემაზე, მაგრამ, რადგან დღეს კიდევ ერთხელ დადგა კითხვის ნიშნის ქვეშ 26 მაისის, რომლის საქართველოს დამოუკიდებლობის დღის, ავტონომიურობის საკითხი, რამდენიმე შპკითხებით მიხმართით საქართველოს საპატრიარქოს წიგნიან ანდრია პირველწოდებულის სახელობის ქართული უნივერსიტეტის პროფესორს, ისტორიის მაცნეირ-ბათს დოქტორს ვახტანგ ბურულს.

მოუკიდებლობის დღე, არამედ, 1991 წლის 9 აპრილი. თქვენ როგორ ფიქრობთ, რომელი თარიღი ასახავს ქვეყნის დამოუკიდებლობის საწყისს?

— რუსეთში შექმნილი კრიზისული ვითარებით, პრაქტიკულად სახელმწიფოებრიობის ნგრევით, დაუყოვნებლივ ისარგებლეს ერთ დროს რუსეთის მიერ დაპყრობილმა თუ „ნებაყოფლობით“ შეერთებულმა ერებმა და სახელმწიფოებრივი დამოუკიდებლობა გამოაცხადეს: ფინეთმა, უკრაინამ, ლიტვამ, ესტონეთმა, ბელარუსიამ, საქართველომ, აზერბაიჯანმა, სომხეთმა. პოლონეთმა, ლატვიამ. ხსენებული ქვეყნების ისტორიოგრაფია, მიუხედავად დაშვებული სერიოზული შედეგებისა, დიდების შარავანდედით მოსავს იმ პოლიტიკურ ელიტას და პოლიტიკურ ლიდერებს, რომელთა ნინამძღობითაც გამოცხადდა სახელმწიფოებრივი დამოუკიდებლობა. ასე შეიძლება დიდების შარავანდედით პერ ეივინდ სვინხუუდისა და კარლ გუსტავ ემელ მანერჰეიმის (ფინეთი), მიხაელ გრუშევსკისა და სიმონ პეტლიურას (უკრაინა), იუზეფ პილსუდსკისა და იან იგნაცი პადერევესკის (პოლონეთი) სახელები.

სრულიად საპირისპირო მოვლენასთან გვაქვს საქმე საქართველოში. 1921 წლიდან დაწყებული ქართველი ისტორიკოსები, პუბლიცისტები, მწერლები და პოლიტიკოსები ცდილობენ მუქ ფერებში წარმოადგინონ საქართველოს სახელმწიფოებრივი დამოუკიდებლობის აღდგენის ისტორია. დღემდე მიმდინარეობს ქართული პოლიტიკური ელიტის, პოლიტიკური ლიდერების დაუსაბუთებელი ლანძღვა-გინება (და არა კრიტიკა)! ამ საძრახისი კამპანიის მონაწილეებმა არც კი იცინან, რომ საქართველოს სახელმწიფოებრივი დამოუკიდებლობის აღდგენის ისტორიის გაყალბებისას, ნებისთი თუ უნებლიეთ, იმეორებენ ვლადიმერ ლენინის, იოსებ სტალინის, სერგო ორჯონიკიძის, ფილიპე მახარაძის, ლევ ტროცკის და სხვა ბოლშევიკი ლიდერების გამოხატუებებს, პოპულარიზაციას უწევენ ოთხი კლასის განათლების მქონე, მოსკოვის წითელი პროფესორის ინსტიტუტადამთავრებული ბოლშევიკი ისტო-

რიკოსების ნაცოდვილარს. უფრო მეტიც, საქართველოს ისტორიის გაყალბებისას ფართოდ გამოიყენება თანამედროვე რუსული ისტორიოგრაფიის წარმომადგენელთა შეხედულებები. უკვე ცხადზე ცხადია და სულ უფრო და უფრო ღრმავდება ბევრი უარყოფითი ტენდენცია.

1918 წლის 26 მაისს სახელმწიფოებრივი დამოუკიდებლობის აღდგენის შეფასება მოითხოვს საფუძვლიან ცოდნას, უამრავი დოკუმენტის ანალიზს, 1917-1918 წლებში ყოფილი რუსეთის იმპერიის ტერიტორიაზე და მსოფლიოში მიმდინარე პროცესებში ზედმიწევნით ზუსტად გარკვევას. 1917-1918 წლებში მოღვაწე ქართული პოლიტიკური ელიტის განმეიქებელთა „ნაშრომებს“ და ზეპირ გამოსვლებს როცა ეცნობი, იმთავითვე ცხადი ხდება ერთი ქეშმარიტება: ეს ადამიანები ან საერთოდ არ იცნობენ, ან ძალზე ზერევე წარმოდგენა აქვთ იმ ურთულეს პროცესებზე, რომელთაც ადგილი ჰქონდა საქართველოში XX საუკუნის დამდეგიდან, კონკრეტულად კი, 1917-1918 წლებში. ჩვენ მიგვაჩნია, რომ ისტორიული პროცესის შეფასება უნდა ემსახურებოდეს ერის ქეშმარიტი ისტორიის დადგენას და არა პოლიტიკურ მიზნებს, უფრო მეტიც, საზოგადოების გათიშვასა და დაპირისპირებას.

— და მაინც, საინტერესოა თქვენი აზრი კითხვაზე: 26 მაისი თუ 9 აპრილი?

— ამ რამდენიმე წლის წინ მავანისა და მავანის ინიციატივით დაიწყო დისკუსია, რომლის მიზანი იყო საზოგადოება დაერწმუნებინა შემდეგში: 26 მაისი არ უნდა აღინიშნოს, 9 აპრილია ნამდვილი დამოუკიდებლობის დღე! ნუთუ ძნელია იმის აღიარება, რომ 1918 წლის 26 მაისი არაფრით არ ჩრდილავს, არ აუფერულეებს 1991 წლის 9 აპრილის დიდებულეებს... პირიქით. ამკარა, რომ ვიდაცას ასეთი პასუხი ხელს არ აძლევს, ვიდაცას სურს, რომ ერთ მუდმივად გათიშული იყოს, უაზრო პოლიტიკური დამოუკიდებლობა გრძელდებოდეს.

დღეს საქართველოში დამოუკიდებლობის დღედ ოფიციალურად 26 მაისია აღიარებული. გაუგებარია, რატომ ხედავენ ამ ფაქტში 9 აპრილის მნიშვნელობის დაკნინებას?

რატომ მოითხოვენ დამოუკიდებლობის დღედ ოფიციალურად არა 26 მაისის, არამედ 9 აპრილის აღნიშვნას? ჩემი აზრით, უმჯობესია ოფიციალურად დამოუკიდებლობის დღედ აღინიშნოს 26 მაისი. ეს მოსაზრება ემყარება შემდეგს:

პირველი. ქართველმა ერმა მრავალჯერ დაკარგა და აღიდგინა სახელმწიფოებრიობა, მაგრამ დამოუკიდებლობის აღდგენა საგანგებო სახელმწიფოებრივი აქტით პირველად 1918 წლის 26 მაისს გაფორმდა. თეორიულად ასეთი აქტი შეიძლებოდა გამოცემულიყო დავით აღმაშენებლისა და გიორგი ბრწყინვალეს მეფობის ვაჟს, გაცილებით ადრეც და გვიანაც. 1918 წლის 26 მაისამდე მიღებული სახელმწიფოებრივი დამოუკიდებლობის აღდგენის სხვა აქტი, წერილობითი ან სხვა სახით დადასტურებული, ჩვენამდე მოღწეული არ არის.

მეორე. 1991 წლის 31 მარტს სახელმწიფოებრივი დამოუკიდებლობის აღდგენის თაობაზე ჩატარებული რეფერენდუმის დროს მოსახლეობამ უპასუხა კითხვას: **მომხრე იყო თუ არა საქართველოს სახელმწიფოებრივი დამოუკიდებლობის აღდგენის 1918 წლის 26 მაისის დამოუკიდებლობის აქტის საფუძველზე?** კითხვის ამგვარად ფორმულირება აბსოლუტურად სწორი იყო. ცხადია, საქართველოს უზენაეს საბჭოს შექმნილ მოსახლეობის აზრი ამგვარი კითხვითაც გაეგო: ხართ თუ არა მომხრე აღდგენის საქართველოს სახელმწიფოებრივი დამოუკიდებლობაზე? ამ შემთხვევაში 1991 წლის 9 აპრილის „საქართველოს სახელმწიფოებრივი დამოუკიდებლობის აღდგენის აქტის“ ძალით მსოფლიოს პოლიტიკურ რუკაზე გაჩენილი ახალი დამოუკიდებელი სახელმწიფო, ე.ი. დღევანდელი საქართველო, ვერ იქნებოდა საქართველოს დემოკრატიული რესპუბლიკის (1918-1921 წწ.) სამართალმემკვიდრე, ანუ სამართალმემკვიდრეობითი კავშირი ხელოვნურად განწყობილია. გარდა ამისა, 1991 წლის აპრილი, მაშინ, როდესაც ჯერ კიდევ არსებობდა საბჭოთა კავშირი, საქართველოსთვის პოლიტიკური თვალსაზრისით უფრო ხელსაყრელი იყო იმისი დეკლარირება, რომ ქართველი ერი ახდენდა 1918 წლის 26 მაისის, საერთაშორისო სამართლის თვალსაზრისით, სავსებით კანონიერად აღდგენილი და 1921 წელს საბჭოთა რუსეთის მიერ საქართველოს ოკუპაციის შედეგად დაკარგული სახელმწიფოებრიობის აღდგენას.

ამრიგად, საქართველოს სახელმწიფოებრივი დამოუკიდებლობის აღდგენის თაობაზე 1991 წლის 31 მარტის რეფერენდუმისა და 1991 წლის 9 აპრილის „საქართველოს სახელმწიფოებრივი დამოუკიდებლობის აღდგენის აქტის“ იურიდიულ საფუძველს 1918 წლის 26 მაისის „საქართველოს დამოუკიდებლობის აქტი“ წარმოადგენდა.

მესამე. 1991 წლის 9 აპრილს სახელმწიფოებრივი დამოუკიდებლობის აღდგენის აქტის მიღების შემდეგ ძალაში დარჩა საქართველოს დემოკრატიული რესპუბლიკის გერბი, დროშა და ჰიმნი, რაც კიდევ ერთხელ დადასტურებდა იმას, რომ 1991 წლის მსოფლიო პოლიტიკურ რუკაზე გაჩენილი ახალი დამოუკიდებელი სახელმწიფო საქართველოს დემოკრატიული რესპუბლიკის სამართალმემკვიდრე იყო.

ასეთია პასუხი კითხვაზე, რომელიც შეიძლებოდა, არც დასმულიყო.

ესაუბრა მანია ტორაძე



ხელშეკრულება თსუ-სა და ევროპის ლექსიკოგრაფიულ ასოციაციას შორის

ივანე ჯავახიშვილის სახელობის თბილისის სახელმწიფო უნივერსიტეტში ხელი მოეწერა ხელშეკრულებას 2016 წლის 6-10 სექტემბერს ევროპის ლექსიკოგრაფიული ასოციაციის (EURALEX) მე-17 საერთაშორისო კონგრესის თსუ-ში ჩატარების შესახებ.

ლონისძიებისთვის უნივერსიტეტს ეწვივნენ ევროპის ლექსიკოგრაფიული ასოციაციის პრეზიდენტი, დოქტორი ლარს ტრაპ-იენსენი (დანიური ენის ინსტიტუტი, კოპენჰაგენი) და დოქტორი ანდრეა აბელი (ევროპული აკადემია, ბოლზანო, იტალია).

თსუ ლექსიკოგრაფიული ცენტრის ხელმძღვანელის თინათინ მარგალიტაძის განცხადებით, „მნიშვნელოვანია, რომ ეს კონგრესი ჩატარდება საქართველოში. ეს არის ძალიან მაღალი აკადემიური დონის ღონისძიება. ევროპელი ლექსიკოგრაფების აქ ჩამოსვლა ნიშნავს იმას,

რომ საფუძველი ჩაეყრება თანამშრომლობას, ახალი პროექტების ინიცირება მოხდება და თვითონ დარგის პოპულარიზაციის შეუწყობს ხელს. ფიქრობ, ჩვენს ქვეყანაში ასეთი დიდი და მასშტაბური ღონისძიების ჩატარება ძალიან დიდ სტიმულს მისცემს ლექსიკოგრაფიის განვითარებას“.

„ეს დოკუმენტი არის ფორმალური თანხმობა იმისა, რომ ევროპის ლექსიკოგრაფიული ასოციაციის საერთაშორისო კონგრესი გაიმართება თსუ-ში. ეს არის რიგითი მე-17 კონფერენცია და ძალიან მნიშვნელოვანია, რომ სხვადასხვა ქვეყნების წარმომადგენელ ლექსიკოგრაფებს უყრის თავს. ჩვენ მოვიარეთ მთელი ევროპა და ფიქრობ, კონფერენციის ჩატარება ევროპის რუკის ახალ კუთხეში — საქართველოში, ნამდვილად კარგი გამოცდილება იქნება მონაწილეებისთვის,“ — აღნიშ-

ნა ევროპის ლექსიკოგრაფიული ასოციაციის პრეზიდენტმა, დოქტორმა ლარს ტრაპ-იენსენმა.

ევროპის ლექსიკოგრაფიული ასოციაციის კონგრესზე იკრებებიან პროფესიონალი ლექსიკოგრაფები, გამომცემლები, მკვლევრები, პროგრამისტები და ზოგადად ლექსიკოგრაფიით დაინტერესებული პირები.

პროგრამა მოიცავს საჯარო ლექციებსა და



იუბილარი



რისმაც გორდეზიანი

მადლობა თქვენდა...

ტრადიციულ ფასეულობათა ცვლა, რაც ეპოქალურ მოვლენად იქცა, ბუნებრივია, ადამიანურ ურთიერთობებსაც შეეხო. თუმცა სამყარო, რომლის შესწავლასაც თქვენ, და თქვენი ძალისხმევით ჩვენც, მთელი ინტელექტუალური რესურსი მივუძღვენი, მუდამ გვიტოვებდა ზნეობრიობისა და მშვენიერების იმ განცდას, რაც ადამიანური არსებობის საფუძველი იქნება ყოველ დროსა და ყოველ ეპოქაში. თქვენ შეძელით, რომ უიმედობის ყველაზე უფრო დამთრგუნველ წლებში ჩვენს დედა-უნივერსიტეტში კლასიკური ფილოლოგიის კათედრის ინსტიტუტად გარდაქმნის გზით ერთგვარი ოაზისი მოგენყო და თქვენთვის არსებული ოპტიმიზმით სიცოცხლის ხალისი მიგენიჭებინათ კოლეგებისა და მონაფეხებისთვის, გეგმობნიან, რომ ყველაფერი კარგად იქნება, დრო შეიცვლება და ყველას ღვანლი, თუნდ უმნიშვნელო, დაფასდება, რადგან:

„ფოთოლთა მსგავსი არის მოდგმა ადამიანთა, ფოთლებს მიწაზე ფანტავს ქარი; ხოლო ტყე, ოდეს კვირტს მოისხამს გაზაფხულის ჟამს, აღმოცენებს ახალ ფოთლებს. ასევე არის კაცთა მოდგმაც: ერთი იშვება, სხვა კი — ქრება“.

ჰომეროსის ეს სტრიქონები, რომელიც გიყვართ და ჩვენც შეგაცყვართ, ანტიკური ხანის მრავალ სხვა დიდებულ აზრთან

ერთად კარგა ხანია იქცა ჩვენი სიცოცხლის თანამდევად. თქვენ მუდამ ცდილობთ, რაც შეიძლება მეტი ახალგაზრდა მიიზიდოთ რაღაც მაგიური ძალით და თქვენი გამოცდილება გაუზიაროთ. ეს მაგიური ძალა თქვენი კეთილშობილება და პროფესიონალიზმია. არასოდეს დაგიშურებიათ იდეა, რომელიც ჩვენს ინტელექტს გაამდიდრებდა; არასოდეს დაგიშურებიათ ძალისხმევა, რომელიც თქვენ უზარმაზარ დროს გაერთმედათ, ხოლო ჩვენ, თქვენს გარშემო თავმოყრილებს, ახალი ენერგიით გვაგებდა.

იმ მრავალ დიდებულ თვისებათა შორის, ჩვენო ძვირფასო ადამიანო, მსურს, მხოლოდ ერთი გამოვყო და ეს ყველას კარგად მოეხსენება: თქვენ მონაფეთა არა მხოლოდ მეცნიერულ ნიხვლაზე, არამედ სასიცოცხლო პირობებზე, სულიერ მდგომარეობასა და ჯანმრთელობაზეც ზრუნავთ, ამ სიტყვათა სრული გაგებით. თავად ვარ მომსწრე იმისა, თუ როგორ გახარებთ მათი მადლიერი თვლების მზერა, ვისაც უანგაროდ დაეხმარეთ, ვისაც სიცოცხლე გაუხანგრძლივებთ!

იმ უშურველი სიკეთისთვის, იმ სიბოძისა და სიყვარულისთვის, იმ მშვენიერი სამყაროსთვის, რომელსაც თქვენი თვალსაწიერიდან გვაზიარებთ, ჩვენ დიდი მასწავლებლო, მადლობა თქვენდა..!

ნანა ტონია

თსუ-ის ჰუმანიტარულ მეცნიერებათა ფაკულტეტის ასოცირებული პროფესორი, მთარგმნელი

რისმაც გორდეზიანი — ანტიკური ხანის მკვლევარი

უკვე ნახევარი საუკუნეა, პროფესორი რისმაც გორდეზიანი თითქმის ყოველდღიურად სტუდენტებით სავსე აუდიტორიის პირისპირ დგას და დიდ ელინებზე საუბრობს. ვისაც მისი ლექცია ერთხელ მაინც მოუხმენია, შეუძლებელია, მთელი ცხოვრების მანძილზე არ გაჰყვეს ანტიკური სამყაროს მრავალფეროვნებითა და სისავსით მოგვრილი აღფრთოვანება. ორი ათასი წლის წინანდელი სამყაროს საიდუმლოებების ამოხსნა და იმ სამყაროსთან თანამედროვეთა ზიარება პროფესორის ცხოვრების მთავარი საქმეა. მიუხედავად ყველა იმ სირთულისა, რომელთა წინაშეც საქართველოში მოღვაწე ნებისმიერი მეცნიერი და სფერო აღმოჩნდა, სწორედ რისმაც გორდეზიანის ინიციატივით წარმოებული კლასიკური ფილოლოგიის კვლევა და სწავლება ინარჩუნებდა მაღალ სტანდარტებს და აქტიურ სამუშაო რიტმს მის მიერვე დაფუძნებული კლასიკური ფილოლოგიის, ბიზანტინისტიკისა და ნეოგრეციისტიკის ინსტიტუტის დამსახურებით.

ინტერვიუ

— „სიცოცხლეს აზრი აქვს მანამდე, ვიდრე რაღაც ახლის სწავლის სურვილი და შესაძლებლობა ვაგაჩნია“, — ერთერთ თქვენს პუბლიკაციაში სოლონის ეს სიტყვები მოიხველიეთ. რითაა ამჟამად დაკავებული, რას იკვლევს, რას სწავლობს პროფესორი რისმაც გორდეზიანი?

— სოლონის ეს ბრძნული გამონათქვამი ჩემთვის დიდი სტიმულის მომცემი იყო მთელი ცხოვრების განმავლობაში, რადგან ასაკის მომატებასთან ერთად ყოველთვის ფიქრობ, რამდენ ხანს აქვს სიცოცხლეს აზრი? — თუ შეგიძლია რაღაც ახლის გაკეთება, ახალზე ფიქრი, ესე იგი, კარგად ყოფილა საქმე! ამჟამად მთელი ყურადღება გადატანილი მაქვს ორ მნიშვნელოვან საქმეზე: კოლეგებთან ერთად ვმუშაობ ენციკლოპედიაზე „ანტიკური კავკასია“, რომლის პირველი, ძვე-



თსუ-ის ჰუმანიტარულ მეცნიერებათა ფაკულტეტის პროფესორს, კლასიკური ფილოლოგიის, ბიზანტინისტიკისა და ნეოგრეციისტიკის ინსტიტუტის დირექტორს, აკადემიკოს რისმაც გორდეზიანს 9 ივნისს 75 წელი უსრულდება. გატონ რისმაცს იუბილეს ულოცავს მისი მოწაფე-პირადი, კოლეგები და მეგობრები და სიუპრიზად უძღვნიან გულითადად სიტყვებს უნივერსიტეტის გაზეთის საშუალებით.

დიდი მასწავლებელი

გატონ რისმაცს 75 წელი უსრულდება. ბუნებრივია, მის მოღვაწეობაზე ვმსჯელობთ, ვაფასებთ მის მიერ განვლილ გზას, ვლაპარაკობთ მასზე როგორც მეცნიერზე, დიდ საქმეთა მოთავეზე, მასწავლებელზე. დამსახურება ყველა სფეროში ძალზე დიდია, და მაინც, რომელ მათგანში არის მისი მიღწევები ყველაზე მნიშვნელოვანი? ვინ არის ბატონი რისმაცის უპირველეს ყოვლისა? პასუხი, ალბათ, საკამათოა, შეფასებები — სუბიექტური.

ვფიქრობ, რისმაც გორდეზიანი, უპირველეს ყოვლისა, არის პედაგოგი და დიდი მასწავლებელი არა მარტო თავისი დარგის, არამედ გაცილებით მეტისაც... დიდი მასწავლებელია იგი არა მხოლოდ იმიტომ, რომ ბრწყინვალე ლექტორია, დაჯილდოებული გასაოცარი ორატორული ოსტატობით, უნარით, რთულად აღსაქმელი მასალა ისე მოგანოდოს, თითქოს ანბანურ ქვემარტებაზე გელაპარაკება, არამედ იგი დიდი პედაგოგია სხვა, უფრო არსებითი რამის გამო. თუმცა არც ზემოთ ჩამოთვლილი გახლავთ უმნიშვნელო. სიაზოვნებით ვისხვებით იმ დროს, როდესაც ჩემი მეგობრები, რომლებიც უნივერსიტეტის სხვა ფაკულტეტებზე სწავლობდნენ, გამალბებულნი მორბოდნენ რისმაც გორდეზიანის ანტიკური ლიტერატურის ლექციაზე. მახსენდება ისიც, თუ როგორ ივსებოდა უნივერსიტეტის I კორპუსის სააქტო დარბაზი, როდესაც ბატონი რისმაცის ანტიკური ხელოვნების შესახებ გვიყვებოდა და ეს უზარმაზარი აუდიტორია მარტო სტუდენტებისგან არ შედგებოდა...

მაგრამ, როგორც აღვნიშნე, იყო ძალიან კარგი ლექტორი, ჯერ კიდევ არ ნიშნავს, რომ დიდი მასწავლებელიც იყო. დარგი რომ შეაყვარო, ახალგაზრდა არა მარტო უნდა დაინტერესო, არამედ „განჩხრეკის“ სურვილიც გაუღვივო, ასწავლო, წარმართო, ჩამოაყალიბო მკვლევარად. ამას კი დიდი შრომა სჭირდება. მარტო ერთს ვიტყვი: ვინმემ რომ დაითვალოს, ალბათ, რეკორდული იქნება იმ სტუდენტების ნაშრომთა რაოდენობა, რომლებიც ბატონი რისმაცს არა მარტო ნაუკითხავს არსებითი შენიშვნების მისაცემად, არამედ ისინი თავისი ხელით ჩაუსწორებია, მათ შორის სტილისტური და კორექტორული შეცდომებიც.

რისმაც გორდეზიანი უპირველესად იმიტომ არის დიდი მასწავლებელი, როგორც ამას დღევანდელი გამომსახვედიდან ვფიქრობ, რომ იგი თავისი მოღვაწეობით, თავისი გასაოცარი ენთუზიაზმით ჩვენ, მის აღზრდილებს, საქმისადმი განუზომელი სიყვარულისა და, ამავდროულად, უდიდესი თავდადების ცოცხალ მაგალითს გვაძლევს. ყველაზე ნაკლები რაც არის მასში, ეს ფუჭი დიდაქტიკაა. ეს რომ ლიტონი სიტყვები არ გახლავთ, ამას ჩვენი ახალგაზრდების საქმიანობაც ადა-

სტურებს, რომლებსაც, საქმეში ჩაფლულთ, ხშირად დრო ისე გაჰპარვიათ, რომ ღამის 12 საათზეც კი გამოსულან ინსტიტუტის შენობიდან. ბატონი რისმაცის მართლაც საუკეთესო დადასტურება გახლავთ იმ ქვემარტებისა, რომ პირადი მაგალითი ყველაზე კარგი მასწავლებელია.

რისმაც გორდეზიანი, ჩემი აზრით, კიდევ სხვა, კიდევ უფრო მნიშვნელოვანი რამ გვასწავლა. თითოეულ ჩვენგანს, დარწმუნებული ვარ, ამ მხრივ, თავისი სათქმელი აქვს. მახსენდება მისი რამდენიმე ფრაზა, რომლებიც, ალბათ, სენტენციათა რანგში შეიძლება იყოს აყვანილი. ბატონი რისმაცს ხშირად უყვარს გამეორება, რომ ადამიანს პატარ-პატარა ამბები უნდა ახარებდეს, ეცადოს, რომ მომხდარში კეთილი მოიძიოს, თორემ „იმდენი რამ არის, რაც არ მაქვს და არც მექნება, ამას ვი-ფიქრო, ყველაზე უბედური ადამიანი ვიქნები“. არ ვიცი, იქნებ ეს ანტიკურობიდან აღებული სიბრძნეა, თუმც მთავარი ისაა, რომ იგი მართლაც ასე ცხოვრობს. და ეს სიხარული პატარა გამარჯვებებით, ბავშვური აღფრთოვანება, რომელზედაც, გულწრფელნი რომ ვიყოთ, ხშირად გაგვიღიმება კიდევ, უმეტესწილად მას სასიკეთოდ უზრუნდება. ამგვარი დამოკიდებულება პირადად მეც ცხოვრებაში ხშირად გამომდგომია. მეორე ფრაზაც მახსენდება: „სხვის კრიტიკაში დროს ნუ დახარჯავთ, ეცადეთ, თქვენ თვითონ შექმნათ უკეთესი“. ეს, ერთი შეხედვით, ბანალური ნათქვამი თუ ცხოვრებისეულ პრინციპად გექცა, რეალურ ცხოვრებაში ნამდვილად მოგიტანს კეთილ ნაყოფს.

მაგრამ არის რაღაც, რისი მფლობელიც ბატონი რისმაცის არის, მაგრამ არ გვასწავლის. ეს გახლავთ უნარი დაგაჯეროს, რომ შენი დარგი, შენი სპეციალობა ყველაზე საინტერესოა იმათგან, რისი სწავლაც შესაძლებელია, რომ ღირს, უარი თქვა ათას მომხიბლავ ნინადადებზე და ამ პრაგმატულ ეპოქაში შენს დარგში შეყვარებულ რომანტიკოსად იქციე. მას აქვს უნარი, შთაინერგოს მისწრაფება, გახდე ქართული კლასიკური ფილოლოგიის საამაყო სკოლის წევრი და რაც მთავარია, დაგაჯეროს, რომ თუ მოინდომებ, შენც შეგიძლია შეიტანიო შენი საგულისხმო წვლილი ამ ტრადიციის გაგრძელებაში.

რა არის ეს? ღვთისაგან ბოძებული ნიჭი თუ საიდუმლოება, რომლის გამხელაც ბატონი რისმაცს ჩვენთვის არ სურს? ვფიქრობ, ეს არავინ იცის, გარდა ბატონი რისმაცისა...

ქეთევან ნადარეიშვილი
თსუ-ის ჰუმანიტარულ მეცნიერებათა ფაკულტეტის ასოცირებული პროფესორი



ერთ დღეს დაგადაგულავს უსიტყვოდაც გვესმის ერთმანეთის...

ბატონი რისმაგის ღირსებებს რა ჩამოთვლის, ყველაზე მეტად მე მისი დახვეწილი იუმორის გრძობა მომწონს. მრავალი მოგონება გვაკავშირებს ბატონ რისმაგთან, მისი განუმეორებელი „ფროტოსანი“ გამოხატულებები ყველას მეხსიერებაში გვაქვს აღბეჭდილი. ერთ-ერთ მის გამოხატულებას გავიხსენებ, ხშირად ეუბნება ჩვენს უცხოელ სტუმრებს: „მე პრეისტორიული ხანის ადამიანი ვარ“, რაც ყველას ღიმილს ჰგვრის. მართლაც, ბატონმა რისმაგმა თაობები აღზარდა, ყველგან შეხვედებით ერთ ადამიანს მაინც, ვინც მის ლექციებსა თუ საჯარო მოხსენებებს ესწრებოდა და დღემდე იმ შთაბეჭდილების ქვეშ არის. გასაოცარია, მაგრამ მისი ლექციები ახლაც ისეთივე მომხსენებელია ახალგაზრდა თაობისთვის, როგორც ადრე. ყველაზე მნიშვნელოვანი ის არის, რომ ჩვენც, მისი მოწაფეები და უკვე მისი კოლეგები, როდესაც მის მოხსენებებს ვისმენთ, ყოველ ჯერზე აღმოვჩვენებთ ხოლმე ბატონი რისმაგის გასაოცარ ნიჭს, მსმენელს განსხვავებული კუთხით დაანახოს პრობლემის აქტუალობა; ახლის ძიება, ახალგაზრდა თაობასთან ურთიერთობის სწრაფვა, განუმეორებელი ენთუზიაზმი ლექციების კითხვისას, ახალგაზრდა თაობის ნახალისება და ხელმეწყობა — ეს არის ის ღირსებები, რაც მას ყველასგან გამოარჩევს.

9 ივნისი ჩემთვის განსაკუთრებული დღეა, ამ დღეს დაიბადა ბატონი რისმაგი და მეც. სტუდენტობის პერიოდში, ყოველ 9 ივნისს, როცა ბატონ რისმაგს ვეტყვი, რომ ამ დღეს ჩემი დაბადების დღეც იყო, ჩამომართმევდა ხოლმე ხელს და მთელი დღე ბედნიერი ვიყავი.

ერთ დღეს დაბადებულებს ხშირად უსიტყვოდაც გვესმის ერთმანეთის.

გილოცავთ, ბატონო რისმაგ, ყოველთვის თქვენი მადლიერი ვიქნები, დიდი მადლობა, რომ ჩვენს გვერდში ხართ და თქვენი თანადგომით მომავლის იმედს გვისახავთ.

მაია დანელია,
ფილოლოგიის დოქტორი, მკვლევარი

A pectore

მილოცვა ყველაზე ბანალური ფორმაა ადამიანის „შესამკობად“: კეთილგანწყობა უნდა გამოხატო, უსურვო რაც შეიძლება მეტი და რაც შეიძლება მეტად... მილოცვები ხშირად ერთმანეთს ჰგავს.

და სწორედ იმიტომ, რომ თქვენზე ძალიან ბევრია სათქმელი, ძნელია, მოძებნო რამე ისეთი, რაც მხოლოდ შენ გიფიქრია, რაც დაარღვევს ამ ტრადიციას. და რადგან ამ წერილს მილოცვის სახე უნდა ჰქონდეს, რა გაეწყობა! თავიდანვე ბანალურობისთვის ვყოფილვარ განწირული და მეც ნება-უნებელი მივყავი ამ შაბლოსს...

ბატონო რისმაგ! გილოცავთ და გისურვებთ ყველაფერს საუკეთესოს, დარწმუნებული უნდა იყოთ, რომ მეც ერთი იმ უამრავ ადამიანთაგანი ვარ, ვინც გულწრფელად გაფასებთ, უყვარხართ და თქვენი მადლიერია.

როცა სტუდენტი ვიყავი, ვფიქრობდი, რომ მსგავსი ლექტორი არ არსებობდა უნივერსიტეტში (ახლაც არ შემეცვლია აზრი), მე და ჩემი რამდენიმე მეგობარი უსათუოდ პირველ რიგში ვსხდებოდით და სულგანაბული ვუსმენდით თქვენს ყოველ სიტყვას, არ გამოგვრჩებოდა თქვენი არც ერთი მოძრაობა, მიმიკა, გარდა იმისა, რომ „ვშთანთქავდით“ თქვენს სიტყვებს, მოკლედ რომ ვთქვა — „შეყვარებულები ვიყავით“.

ისეთი საოცარი ენერჯია და შემართება მოიფრქვეოდა თქვენგან, ბუნებით მომადლებული ის „ჯადო“, რომელსაც ბევრი მჭევრმეტყველი და რიტორი ინატრებდა.

ამ მოკლე მილოცვაში არ ვაპირებ და არც შემიძლია თქვენი მეცნიერული ღვაწლის შეფასება, არ ვაპირებ უამრავი საქებარი სიტყვის თქმას, მინდა მხოლოდ ერთი ეპიზოდი გავიხსენო (რაც ჩემთვის მეტად მნიშვნელოვანი იყო).

როცა ინსტიტუტი დაგამთავრე, ცოტა ხანში დაიწყე მუშაობა „ბერძნულ-ლათინურ ბიბლიოთეკაში“, თარგმანებისთვის უნდა მოგვეკიდა ხელი, შეგვეჩინა სათარგმნი მასალა. თქვენ დამიძახებთ და მითხარით, რომ არ იქნებოდა ურიგო, თუკი ოვიდიუს ნაზონის სასიყვარულო ელეგიებს ვთარგმნიდი; დავიბენი, ვერაფრით წარმოვიდგინე, რომ ამ ავტორს შევებდავდი, მაგრამ თქვენი შემართება გადამდებოდა ალმოჩნდა. „რა მოხდა, აილბე, ნაიკითხავ, დაფიქრდები და თარგმნი! დაიწყე, ელეგიებს შეიძლება დავარქვათ „ტროვანისი“.

მერე, როცა უკვე მთარგმნელობით საქმეს შევბედე და შევბედე, თავი რომ მთარგმნელად დავიგულებო, გაოცდა მიპყრობდა, როცა მასხენდებოდა თქვენ მიერ აბსოლუტურად ზუსტად შერჩეული სათარგმნი, რომლის მოფიქრება ბევრ ალლონიან მთარგმნელს გაუჭირდებოდა — „Amores“ — „ტროვანისი“.

ეს ეპიზოდი იმიტომ გავიხსენე, რომ მეტყვა, ვინ მოსთვლის, რამდენი ასეთი „ალმოჩნით“, ზუსტი რეპლიკით, თანადგომით დახარჯულხართ თქვენი მოწაფეებისთვის ან უბრალოდ ადამიანებისთვის, რომლებიც თქვენგან რჩევას და დახმარებას ელოდნენ.

ბატონო რისმაგ, ყოველგვარი პათეტიკის გარეშე მინდა რომ გითხრა — ძალიან მიყვარხართ, იცოცხლებ დიდხანს...

მანანა ღარიბაშვილი,
თსუ-ის ჰუმანიტარულ მეცნიერებათა ფაკულტეტის ასოცირებული პროფესორი, მთარგმნელი



უფროსი მეგობარი

ბატონი რისმაგი ჩემთვის ის ადამიანია, რომლის სახელიც, უპირველეს ყოვლისა, უნივერსიტეტთან და მეცნიერებასთან ასოცირდება. იგი ჩემთვის ყოველთვის იყო და დარჩება სამაგალითო, მისაბამ ლექტორად და მეცნიერად, უბრალოდ, კეთილ, ყურადღებიან ადამიანად, უფროს მეგობრად. იშვიათად შემხვედრია ასეთი ენერჯიული, ენთუზიასტი, სიახლისადმი გახსნილი და გულსხმიერი ადამიანი. იგი ყოველთვის გამონახავს დროს შენთვის, მაშინაც, როცა ძალიან დაკავებულია, მოიცლის და მოგისმენს მაშინაც, როცა ძალიან დაღლილია, გულწრფელად დაინტერესდება შენი პრობლემებით და დაგეხმარება მათ გადაჭრაში. ჩემთვის ძვირფასია ის ადამიანური, თბილი, უშუალო ურთიერთობები, რაც წლების მანძილზე მაკავშირებდა და მაკავშირებს მასთან. არასდროს მიგრძვნი, რომ მხოლოდ სტუდენტი ვიყავი, ის კი უკვე გამოცდილი და აღიარებული ლექტორი და მეცნიერი. ახლა, როცა ასეთი ყურადღებით ვითვისებთ და ვნერგავთ სწავლების ახალ მეთოდებს, სიამოვნებით ვიხსენებ, რომ ბატონი რისმაგი წარმატებით იყენებდა მათ სასწავლო პროცესში, როცა ანტიკონეს განვასახიერებდი (ბიძინა რამიშვილი კი კრეონი იყო), მაშინ არ ვიცოდი, რომ ამას „როლური თამაში“ ერქვა და სწავლების ერთ-ერთი თანამედროვე სტრატეგიაა დღესაც.

ბედნიერი ვარ, რომ უნივერსიტეტში სწავლის წლები გავატარე იმ საოცრად ჰარმონიულ და კომფორტულ გარემოში, რომელსაც ბერძნულ-ლათინური ბიბლიოთეკა ერქვა და რომლის საფუძველზეც შეიქმნა მოგვიანებით კლასიკური ფილოლოგიის, ბიზანტიისტიკისა და ნეოგრეციისტიკის ინსტიტუტი, რაც მისი, როგორც მეცნიერებისა და განათლების დიდი ორგანიზატორის დასტურია.

ყოველთვის სიამაყით აღვნიშნავ, რომ ვარ ბატონი რისმაგ გორდეზიანის მოწაფე. ბედნიერი ვარ, რომ მომეცა შესაძლებლობა მიმეწვია იგი საჯარო ლექციების წასაკითხად ბათუმის შოთა რუსთაველის სახელმწიფო უნივერსიტეტში და გადაჭედილ სააქტო დარბაზში ჩემს სტუდენტებთან ერთად, ამდენი წლის შემდეგ, მომესმინა მისი არაჩვეულებრივი ლექციები. დღეს ბატონი რისმაგის არაერთ საპატიო ნოდებას შორის, ბათუმის უნივერსიტეტის საპატიო დოქტორობაცაა.

მადლობა ყველაფრისათვის, ჩემო ძვირფასო მასწავლებელო!

მარინა გიორგაძე,
ბათუმის შოთა რუსთაველის სახელმწიფო უნივერსიტეტის პროფესორი
ჰუმანიტარულ მეცნიერებათა ფაკულტეტის დეკანი

თანადროულობის მძაფრი შეგრძობები...

ის, რომ ბატონი რისმაგის სახელს, დამსახურებისამებრ, უკავშირდება ელინოლოგიის ქართული სკოლის განვითარების ახალი, მნიშვნელოვანი ეტაპი და საერთაშორისო აღიარება, რეალობაა.

ბატონი რისმაგის თვისებათაგან გამოვარჩევ ერთ-ერთს: თანადროულობის მძაფრ შეგრძობას ცხოვრებაში, მეცნიერებაში და მუდმივ სწრაფვას სიახლისკენ...

მრავალწლიანი „მოზაიკიდან“ გავიხსენებ მხოლოდ რამდენიმე ეპიზოდს, როდესაც იგი განსაკუთრებულ მღელვარებასა და სიხარულს გამოხატავდა: დათქმულ დროს ჩვენი შეხვედრა ტრაპში (80-იანი წლები), ქართული საოპერო ხელოვნების ტრიუმფი გერმანიაში — დუისბურგში, ჯანსულ კახიძის „გაბრწყინება“ პარიზში (90-იანი წლები) და 2014 წლის 29 დეკემბერს გრიგოლ ფილიპონის ძე წერეთლის უკვდავყოფა მთაწმინდაზე...

ალარაფერს ვამბობ სამეცნიერო-პედაგოგიურ სარბიელზე შემდგარ მოვლენათა შესახებ.

მომავალშიც მრავალ სიხარულს ვუსურვებ ძვირფას ბატონ რისმაგს!

Vade in pace! Gens una sumus!

ვალირი ასათიანი,
თსუ-ის ჰუმანიტარულ მეცნიერებათა ფაკულტეტის პროფესორი, დოქტორი,
ასოციატია „კულტურათა დიალოგი — 21“ პრეზიდენტი

Ἐπιμιώτατέ κῦριε Ῥησπάγα,

παντα και α; εji kairw/αυτ;ωη su; pepraga-. Dia; touto to; peri; twh ebdomhkonta pente sou kairo;- eipein. ofi sunet a;kai; euj;uch' t'a; ef' h sou t' aut a. Ta; men tou' Dmerou; ekaufda, mh; keufe now/ Nun de; kai; egw; kata; dunamin thn ejnhn t'a; th;- eujcaristia- rhmat avsoi met a; cara;- ajpaqhs w.

Esti ta; maqhmeta panta aj eimoi; ajedeixa- kai; ofa para; sou' eil' hf a. w mega- di-daskale, ta- kala- upoqhka-, sun oi- pantose eimi: ferousa men ta; th- megath- di-daskal ia- sou spermat a noerav ferousa de; ej t'w spermat w t'outw kai; tou- karpou- oiou- dunat en ejnoir i sw- men upost ref w pro- se; th/ eujcarist w/dianoia/ pa/ in: ouj gar tou' ajmhxant o- ofka of- st arcu-. aj l'a; tou' speirant o-.

H cara; met a; sou' pant ot e.

დიდად ვატივცემულო ბატონო რისმაგ,

მრავალი კეთილი მისთვის შესაფერ ჟამს აღასრულე და ამიტომაც შენი სამოცდათხუთმეტის მიმართ ჟამია ითქვას, რომ ბრძენი და ბედნიერია ეს შენი წლები. ჰომეროსს უთქვამს: „გაამჟღავნე, გონებაში ნუ დაიფარავ“, და მეც ხალისით მოგიძღვნი ახლა, რაოდენადაც შეეძლებ, მადლობის სიტყვას.

ყოველი მეცნიერება, რაც გამიზილევ და რაც მივიღე შენგან, დიდო მოძღვარო, კეთილ სწავლებად მიმყვება ყველგან: ვარ რა მტვირთველი შენი სწავლების გონიერ თესლ-თა და შევიწყნარებ, შეძლებისამებრ, ნაყოფსაც მათგან, შენ გიბრუნდები მადლიერებით აღსავსე აზრით კვლავაც და კვლავაც: მთესველისაა ნაყოფი კეთილი და არა მისი, ვინც ის მოიძკო.

იხარე მარად!

თინა დოლიძე,
თსუ-ის ჰუმანიტარულ მეცნიერებათა ფაკულტეტის პროფესორი



75

Res et opera tua cano – gratulor tibi sincere diem natalem, carissime collega Rismag!
Tu iamdudum prudenter fideliterque gubernas institutum nostrum, es auctor magnorum operum, multorum discipulorum egregius educator, inceptor effectorque omnium optimarum rerum, qui et hodie iuvenali industria pergis acta tua.

“Sume superbiam meritis quaesitam”, salve, viveque, esto diuturnus noster coryphaeus!

დაბადების დღეს გლოცავ, ძვირფასო კოლეგა რისმაგ, შენი საქმეებისა და ღვაწლის დამფასებელი.

შენ დიდი ხანია ხარ საიმედო და გონიერი მესაჭე ჩვენი ინსტიტუტისა, ავტორი დიდებული ნაშრომებისა, მრავალ მოსწავლეთა გამორჩეული აღმზრდელი, ინიციატორი და განმახორციელებელი ყველა სასიკეთო ნაშრომებისა, ვინც დღესაც ახალგაზრდული შემართებით განაგრძობ შენს საქმიანობას. „მიიღე დამსახურებულად მოპოვებული დიდება“, იცოცხლე, კარგად იყავი, იღვებოდე, ჩვენო სასიკეთოლო წინამძღოლო!

იანგა ბაგუა,

ოსუ-ის ჰუმანიტარულ მეცნიერებათა ფაკულტეტის ასოცირებული პროფესორი

სხვისი ნარმატების მოხარული

აკადემიკოს რისმაგ გორდეზიანს, როგორც მეცნიერს, კარგად იცნობს მთელი ქართული საზოგადოება და ასევე საქართველოს ფარგლებს გარეთაც, მსოფლიოს სამეცნიერო საზოგადოება.

პროფესორი რისმაგ გორდეზიანი, როგორც საოცარი ხიბლის მქონე ბრწყინვალე ლექტორი, ცნობილია მისი მრავალრიცხოვანი აუდიტორიისთვის.

თავად მის მიერ დაარსებული ინსტიტუტის დირექტორი რისმაგ გორდეზიანი, როგორც შესანიშნავი ორგანიზატორი და გულისხმიერი ხელმძღვანელი, ასევე კარგად არის ცნობილი აკადემიური წრეებისა და სტუდენტებისთვის.

ამიტომ მხოლოდ მის ერთ თვისებაზე გავამახვილებ ყურადღებას, რომელიც, საზოგადოდ, კარგ მეცნიერებაზე, ლექტორობასა თუ ორგანიზატორობაზე იშვიათია და რომელიც, შესაძლოა, ყველასთვის ცნობილი არ იყოს: ეს არის სიხარული სხვების ნარმატების და, უპირველეს ყოვლისა, სამეცნიერო მიღწევების გამო, ამასთან, არა მხოლოდ საკუთარი სტუდენტების (საკუთარი მოსწავლის ნარმატება ყველა მასწავლებელს ახარებს, რადგან ამას პირად დამსახურებადაც აღიქვამს), არამედ ყველა კოლეგის ნარმატების გამო, იქნება ეს მისი ინსტიტუტის წევრი თუ სხვა, თუნდაც კონკურენტი დაწესებულებისა. ჩემი აზრით, სხვა ბუნებრივ უნარებთან ერთად, ხასიათის სწორედ ეს თვისება განაპირობებს ბატონი რისმაგის როგორც ინსტიტუტის ხელმძღვანელის გამორჩეულობას და ასევე მისი სამეცნიერო და პედაგოგიური საქმიანობის ნაყოფიერებასაც.

ჯანმრთელობას და კიდევ დიდი ხნით აქტიურ აკადემიურ მოღვაწეობას ვუსურვებ ჩემს მასწავლებელს!

ბაგდა მჭედლიძე,

ოსუ-ის ჰუმანიტარულ მეცნიერებათა ფაკულტეტის ასოცირებული პროფესორი

ღამყავთ გვლავარათვისის გზის მარჯვენა

თაობებს, რომელნიც ივანე ჯავახიშვილის სახელობის თბილისის სახელმწიფო უნივერსიტეტში წინა საუკუნის 60-70-იან წლებში სწავლობდნენ, კარგად ახსოვთ, როგორ გაიგივდა ახალგაზრდა მეცნიერის რისმაგ გორდეზიანის სახელი ანტიკურ ლიტერატურასა და, საერთოდ, კულტურასთან. მიზეზი ამისა, არა მხოლოდ მისი ღრმა და საფუძვლიანი ცოდნა და რიტორიკული ხელოვნებით გადმოცემა, არამედ ის დიდი სიყვარული იყო და არის, რომელიც ბატონ რისმაგს ამ კულტურასთან აკავშირებს და, რომლითაც იგი თავის მსმენელებსაც „აავადებს“ და აიძულებს იგი არა მხოლოდ ისტორიულ ნარსულად, არამედ თანამედროვეობასთან კონტექსტში ცოცხლად აღიქვან და განიცადონ.

და კიდევ: ბატონი რისმაგი დღესაც ისევე რჩება ახალგაზრდობის მეგობრად, დამწყებ მკვლევართათვის გზის მაჩვენებლად და მათ მომავალზე მზრუნველად, როგორც ეს მრავალი წლის წინ იყო. ღმერთმა ინებოს, ბატონი რისმაგის დღევანდელი და მისი კეთილშობილური მოღვაწეობის ხანგრძლივობა, რომელიც დღეს ასე განსაკუთრებით სჭირდება ქართულ მეცნიერებასა და უნივერსიტეტს.

გვანცა კოლაბაძე,

ოსუ-ის ჰუმანიტარულ მეცნიერებათა ფაკულტეტის ასოცირებული პროფესორი

გზავნილი იანის უნივერსიტეტიდან

რისმაგი 75 წლისაა. დრო როგორ მიდის! თითქოს არ გასულა დიდი ხანი მას შემდეგ, რაც პირველად მომეცა მის ინსტიტუტში სტუმრობისა და კოლეგებთან კონტაქტების დამყარების საშუალება, კონტაქტებისა, რომლებიც სულ უფრო იქნენ ცხოველმყოფელობას. როგორ გაიზარდა ინსტიტუტი, მიუხედავად მძიმე წლებისა საქართველოში. რამდენმა სტუდენტმა მიიღო ნარმატებით განათლება რისმაგის ინსტიტუტში, რომლებსაც დღეს მნიშვნელოვანი პოზიციები უკავიათ ქართული საზოგადოების სხვადასხვა უბანზე.

რისმაგის ინსტიტუტი იყო და არის მეცნიერების, კულტურისა და ჰუმანურობის ოაზისი. არ არის ადვილი ისეთი ატმოსფეროს შექმნა, რომელშიც სამეცნიერო საქმიანობა ასე აყვავდება. რისმაგ გორდეზიანმა ეს საქმე საუცხოოდ იცის. რამდენი დაწერა მან თავად და რა რაოდენობის პუბლიკაცია შეიქმნა მისი ხელმძღვანელობით. სენსაციური ის ფაქტი, რომ არსებობს ნიგნის ჯიხური მხოლოდ ერთი ინსტიტუტის პუბლიკაციებისთვის.

ხშირად ვეკითხები ჩემს თავს, იქნებოდა თუ არა საქართველო ჩემთვის სამშობლო-სავით რისმაგისა და მისი ინსტიტუტის გარეშე. იმდენს ვუმაღლი მას და არა მარტო მე, არამედ ყველა, ვინც გერმანიიდან საქართველოში ჩამოდი, რისმაგის დიდ წრეში ხვდებოდა და კვლავაც აქ დაბრუნებაზე ოცნებობს.

Ad multos annos, carissime Rhesmaga!

ანებრატი პლოტკა-ლიუნინი,

იენის ფრიდრიხ შილერის უნივერსიტეტის პროფესორი, დოქტორი, კლასიკური არქეოლოგიის კათედრა, სიძველეთმცოდნეობის ინსტიტუტი

multum adhuc super est faciendum

სახელი, ალბათ, მართლაც განსაზღვრავს ადამიანის მომავალს (და აქ, რადგანაც ex nihilo nihil — დიდი პატივისცემით მინდა გავიხსენო თქვენი მამა — ცნობილი ფუტურისტი, მხატვარი და ხელოვნებათმცოდნე, შრიფტი გორდეზიანის შემქმნელი ბენო გორდეზიანი — არაერთხელ მოხსენიებული ქართულ ლიტერატურაში:

„დღეს კი ჭაბუკი ფუტურისტი
ანადგურებენ ძველ საქართველოს.
მაგრამ დგებიან კვლავ კითხვები
სად არის ბრძოლის თავი და ბოლო?
პასუხი არის ბენოს სიტყვები
პოეზიაა მიმიკა მხოლოდ“ [პაოლო იაშვილი]
და უსათნოესი დედა – ექიმი ნანა სილოგავა).

არ მეგულება ამ სახელის მატარებელი სხვა ადამიანი არა მარტო საქართველოში, არამედ დედამიწის ზურგზე. ასეთივე გამორჩეული ბრძანდებით თქვენ - რისმაგ გორდეზიანი, ჩვენი ბატონი რისმაგი, რომელიც საქმარისა მხოლოდ სახელით მოიხსენიო (თუმცა უღრმესი პატივისცემის ნიშნად ზოგიერთები მას „ბისმარკს“ ეძახიან), ყველა ხვდება, ვიხედავ საუბარი. მახსენდება ექსპედიციები მთებში, არ მახსოვს ოღონდ სვანეთის იყო, თუ რაჭის, იმ ადგილას, სადაც ძე-ხორციელი არ ჭაჭანებდა, მთას გადმომდგარი კაცი „რისმაგის“ ძახილით, ანდა იფარში (სვანეთი) სახლიდან გამოსული კაცი, რომელმაც უცბად იცნო ჩვენი ბატონი რისმაგი, შინ შეიყვანა და თვალის დახამხამებაში, ისეთი გამოუშვა, რომ ჩვენ ვეღარ გვცნობდა.

ნაცნობი ყველგან შეხვდა (ბუნებრივია მეცნიერულ წრეს არ ვგულისხმობ), მაღალია, ფოსტაში, ერთხელ ხათრი ვერ გაუტეხა მილიციონერს (ახლანდელი პოლიციელი) და მის მიერ შემოთავაზებული მოტოციკლის ეტლში (ძველ მოტოციკლებს რომ ჰქონდა გვერდით) ჩაჯდა.

ბუნებრივია, არა მარტო სახელით, არამედ უპირველეს ყოვლისა, თქვენი ლექციებით გვახსოვართ სტუდენტებს. არაჩვეულებრივი ლექტორი, მასწავლებლად დაბადებული, რომელსაც აქვს უნარი ალგაფრთოვანოს, დაგარანდუნოს, რომ შენ შემთხვევით არ მოხვედი ამ ქვეყანაზე, რომ შენ დიდი მისია გაქვს, გასამიფრი გაქვს A-ხაზოვანი დამწერლობა, ფესტის დისკო, აღმოსაჩენი გაქვს ატლანტიდა და ა.შ.; მისი ლექციებიდან გამოსულებს ასეთი გრძობა გვექონდა „აქეთ გორასა ფეხსა ვკრავ, იქით გორასა ძვრას ვუზამ“ და ა.შ.

არაფერს ვიტყვი თქვენს სახელმძღვანელოებსა და მონოგრაფიებზე, ახალ კურსებზე, სამეცნიერო სტატიებზე, საჯარო გამოსვლებზე, არა თქვენ, არამედ ჩვენდა საამაყოდ ვიტყვი, რომ საქართველოში გამორჩეული მოღვაწეობის, დიას, ჰომეროლოგიაში, რომელიც მსოფლიო ფილოლოგიაში ყველაზე უფრო დიდი და მნიშვნელოვანი სფეროა და თქვენ ხართ ამ ყველაზე კარგად შესწავლილი ავტორის შემოქმედების, როგორც შინაარსით, ასევე მოცულობითაც უზარმაზარ ლიტერატურაში ერთ-ერთი ყველაზე ხშირად დამონმებული მკვლევარი.

თქვენ შეგიძლიათ კრეატიულობისთვის ყოვლად შეუფერებელ დროს (სამწუხაროდ, დღესაც შესაფერისის მოლოდინში ვართ) წარმოუდგენელი ჩანაფიქრის განხორციელება („ბერძნულ-ლათინური ბიბლიოთეკა“, „ხმელთაშუა ზღვის კულტურების კვლევის შემსწავლელი ლაბორატორია“, „კლასიკური ფილოლოგიის, ბიზანტინისტიკისა და ნეოგრეცი-სტიკის ინსტიტუტი“, ენციკლოპედია „Caucasus Antiquus“ და სხვ.) და ჩვენ, თქვენი „სიყრმის“ მონაფეხები ამის მომხრე და რამდენადმე „მონაწილეებიც“ ვართ.

თქვენ გიმაღლით არა მარტო ჩვენს განვრთნას (როგორ გამოვივადოთ, ეს სხვა საკითხია), არამედ იმ ექსპედიციებს, მოგზაურობებს, რომლითაც ყველაზე მეტად პირველი გამოშვების ხალხმა ანუ ჩვენ „ვიხიერეთ“ (სანკტ-პეტერბურგი, მთელი საქართველო, საბერძნეთი, თურქეთი, იტალია, მაგრამ უნდა შეგახსენოთ, „რომ გასაკეთებელი კიდევ ბევრია“, პირობაცა გაქვთ მოცემული და ჩვენ შეჩვეულები ვართ მათ ასრულებას). არ მეგულება არც ერთი ტურისტული სააგენტო, რომელსაც ასე მოფიქრებელი, გათვლილი, დაგეგმილი ჰქონოდა მარშრუტი, გათვალისწინებული ყოველი ლექალი.

და ჩვენ მადლიერნი ვართ ბედის, რომ ჩვენი ცხოვრების გზაზე შეგვხვდა ასეთი მასწავლებელი, კოლეგა, მეგობარი, რომელსაც ყოველთვის გაუმართავს ხელი მათთვის, ვინც ეს ყველაზე მეტად სჭირდებოდა, უხარია და ამაყობს მრავალრიცხოვანი მოწაფეების ნარმატებით.

და ჩვენ ჩვენზე უფრო ახალგაზრდა მასწავლებელში ჩვენ სიყრმეს, მასთან ერთად გავლელი ცხოვრების გზას ვხედავთ და ამიტომაც კიდევ უფრო გვეახლოვებით და გვეძვირფასობთ.

გულწრფელად გვჯერა, რომ თქვენი გაუკეთებელი არაფერია. ამიტომაც თქვენ, თქვენსა და ჩვენს ლევანსა და არაჩვეულებრივ ლიკუნასთან ერთად გისურვებთ ჯანმრთელობას, სიხარულს და კიდევ ბევრი განზრახვის განხორციელებას.

„პოლიტიკონიონ“, ბატონო რისმაგი, multum adhuc super est faciendum.

მანანა უსაკაძე

ოსუ-ის ჰუმანიტარულ მეცნიერებათა ფაკულტეტის ასოცირებული პროფესორი

სტუდენტების სახელით...

რისმაგ გორდეზიანის სახელი ფართო საზოგადოებაში, უპირველეს ყოვლისა, დიდი მეცნიერისა და მკვლევარის, შესანიშნავი პედაგოგისა და ბრწყინვალე ინტელექტუალის ასოციაციას აღძრავს. ჩვენთვის კი, იმ სტუდენტებისთვის, რომელთაც მასთან მუშაობისა და მის ლექციებზე დასწრების პატივი გვერგო, ბატონი რისმაგი ბევრად უფრო მეტია, ვიდრე მხოლოდ ლექტორი და პედაგოგი. პირველივე კურსის პირველი სემესტრიდან მქონდა ბედნიერება დავსწრებოდი მის ლექციებს და დიდხანს არ მიფიქრია, თუ რა იქნებოდა ჩემი სამომავლო ინტერესის სფერო. ბატონი რისმაგის ლექციები არის საოცარი მოგზაურობა იმ ჯადოსნურ სამყაროში, რასაც ანტიკურობა ჰქვია.

აქვე უნდა აღინიშნოს უფროსი თაობის, ჩვენი ლექტორების მისდამი დამოკიდებულება, რომლებიც თავადაც ბატონი რისმაგის სტუდენტები იყვნენ. ჩვენთვის სამაგალიოთა — თუ როგორი მონივნებითა და პატივისცემით საუბრობენ მასზე.

ბატონი რისმაგი არის ადამიანი, რომელიც ყოველთვის უსმენს სტუდენტებს და ცდილობს გაიზიაროს მათი მოსაზრებები, იყოს მათი გულშემმატკივარი. ჩვენ გვაქვს უნიკალური შანსი, რომ მისი ხელშეწყობით გამოვავლინოთ საკუთარი შესაძლებლობების მაქსიმუმი. მე არ მახსენდება შემთხვევა, რომ მას უარი ეთქვას სტუდენტების მიერ წამოყენებული ინიციატივის განხორციელებაზე. ბატონი რისმაგი არის ბიძგი იმისა, რომ ჩვენ გავგიჩნდეს ახალი იდეები სხვადასხვა სახის საგანმანათლებლო პროექტებისთვის, რადგან ვიცით, რომ იგი ყოველთვის უდიდესი აღფრთოვანებით ეგებება ჩვენს წინადადებებს და სურვილებს.

თუმცა, ალბათ, უნდა აღინიშნოს ყველაზე მთავარი: ბატონი რისმაგი საკუთარი ცხოვრებით, დაუღალავი შრომით, წარმოუდგენელი მასშტაბების სამეცნიერო და კვლევითი მოღვაწეობით გვაძლევს უდიდეს სტიმულსა და მაგალითს იმისა, თუ როგორები უნდა ვიყოთ თავად. ჩვენთვის პატივია, რომ მისი სტუდენტები გვქვია და ამის გამო ვგრძობთ უადრესად დიდ პასუხისმგებლობასაც.

მომავალ თაობებსა და საკუთარ თავსაც ვუსურვებ, რომ კიდევ მრავალი წელი ჰქონოდათ მასთან მუშაობისა და ურთიერთობის შესაძლებლობა. რადგანაც მათ ელით უკიდევანოდ საინტერესო და თავგადასავლებით ალსავსე მოგზაურობა ანტიკურ სამყაროში, რომლის ღირსეული მესაჭე გახლავთ ბატონი რისმაგი.

მარიამ კალაძე,

სტუდენტი



რისგან გორდებიან — ანტიკური ხანის მკვლევარი

მეშვიდე გვერდიდან

პრობლემის ცალკეულ ასპექტებზე არა ერთი ნაშრომი არსებობს, ეს მონოგრაფია იქნება ამ ყველაფრის მთლიანად გამოკვლევისა და ერთ ნიგნში წარმოდგენის პირველი ცდა კლასიკურ ფილოლოგიაში.

— მოდი დავერუნდეთ საწყისებს. როგორ მიხვედით ანტიკურ ეპოქაზე. ორივე სიტყვით თქვენი ბიოგრაფიის ამ ეპიზოდის შესახებ გვიამბეთ.

— სკოლაში, ბევრი ჩემი თანატოლის მსგავსად, ძალიან შეყვარებული ვიყავი ლიტერატურაში: ვნერდი ლექსებს და, ჩემი ჭკუით, რომანებსაც კი... სკოლის დამთავრებისას უნდა გადამეწყვიტა, საბუნებისმეტყველო მიმართულებას ავირჩევდი თუ ჰუმანიტარულს, რადგან ყველა საგანში საკმაოდ კარგი შედეგები მქონდა. სკოლის დირექტორმა, ბატონმა ვარლამ თაყაიძემ, რომელიც ჩვენი ქართული ენისა და ლიტერატურის მასწავლებელიც იყო, მიჩნია, უნივერსიტეტში ფილოლოგიურზე ჩამებარებინა. მეც დავთანხმე მას იმ იმედით, რომ დიდი მწერალი გახდებოდი.

პირველ კურსზე ანტიკური ლიტერატურის ისტორიაში ლექციებს გვიკითხავდა კლასიკური ფილოლოგიის კათედრის გამგე, პროფესორი პანტელეიმონ ბერაძე. რადგან უცხო ენებს ვფლობდი, მან შემიჩნია საკმაოდ დიდი სამეცნიერო ლიტერატურა თემის („ცეზურა დაქტილურ ჰეგზამეტრში“) დასამუშავებლად. ამ ლიტერატურის შესწავლის პროცესში მივხვდი, რომ მწერლობაზე მეტად მეცნიერება მაინტერესებდა. სხვათა შორის, ხელი შემიწყო იმანაც, რომ ჩემმა უფროსმა მეგობარმა ვახუშტი კოტეტიშვილმა დელიკატურად მიჩნია კლასიკურ ფილოლოგიასა და მეცნიერებას გავყოლოდი. მას შემდეგ აღარც ლექსი დამინერია, აღარც მოთხრობა. ჩემს არჩევანში შემდგომ არასოდეს დავეჭვებულვარ. მეცნიერებაში ჩემი საქმიანობის არც ერთ ეტაპზე არ დამჭირვებია კონიუნქტურისთვის ანგარიშის განკვეთვა და არც ის, რომ დაბალი ხარისხის ნაწარმოებზე მეტყვას: — ეს რა კარგია და დიდებული! ანტიკურ კულტურაზე საუბრისას არ გჭირდება შეფასებისას ძალდატანება. თუ შემოქმედზე ამბობ გენიოსია, ის ნამდვილად იყო გენიოსი; რაზეც ამბობ მშვენიერია, ნამდვილად მშვენიერი ნაწარმოებია. ეს კულტურა სასვება გენიოსებითა და მშვენიერი ქმნილებებით ლიტერატურასა თუ სახვით ხელოვნებაში. ამიტომაც სტუდენტობიდან მოყოლებული დღემდე სიამოვნებითა და გატაცებით ვაგრძელებ ამ საქმეს.

— თქვენი პირველი სამეცნიერო ნაშრომები ჰომეროსის უკავშირდებოდა და, საერთოდ, ცნობილია, რომ ძალიან გიყვართ ჰომეროსი.

— ჩემი პირველი ნაშრომი იყო „ცეზურა დაქტილურ ჰეგზამეტრში“ და ეს საკითხი, ფაქტობრივად, ჰომეროსის ლექსთწყობის ერთ სადისკუსიო საკითხს უკავშირდებოდა. მეორე ნაშრომი გახლდათ „ფეაკების ქვეყანა ოდისეაში“. სადიპლომო თემა, საკანდიდატო და სადოქტორო დისერტაციებიც ჰომეროლოგიაში მქონდა. მიმანჩნია, რომ ჰომეროსის პრობლემებზე მუშაობამ ძალიან ბევრი მომცა, რადგან თვითონ ჰომეროსისა ყველანაირი ინსპირაციის ამოწურავი წყარო: მან, ფაქტობრივად, განსაზღვრა ანტიკური კულტურის განვითარების მიმართულება. იგი თითქმის ყველა ეპოქაში ითვლებოდა და დღემდე ითვლება უდიდეს პოეტად.

— უნდა ითქვას, რომ საქართველოში უამრავი ახალგაზრდა და სტუდენტი, მრავალი თაობა სწორედ თქვენი წყალობით...

ბით ეზიარა ჰომეროსს და მის სამყაროს...

— ჰომეროსზე ლექციებს ვითხოვლობ გასული საუკუნიდან მოყოლებული დღემდე. ყოველთვის მაოცებდა, თუ როგორ აღელვებდა და დღემდე აღელვებს აუდიტორიას ჰექტორისა და აქილევის ორთაბრძოლის, პრიამოსისა და აქილევის შეხვედრის ამბები... როცა ამაზე ვყვები, ზოგიერთს თვალში ცრემლი ერევა. ამაზე სოკრატე-პლატონის დიალოგები გაგვცემდა პასუხს, რომ ღვთაური მუხების სამყარო იზიდავს პოეტს, მერე უკვე მაგნიტის პრინციპი მოქმედებს: ის შენ გიზიდავს, შენ სხვას და ეს დაუსრულებლად გრძელდება, განსაკუთრებით მაშინ, თუკი ნაწარმოები ჭეშმარიტად დიდია.

— მიიჩნევა, რომ კლასიკური ფილოლოგიის მიმართულებით საქართველოში ყოველთვის ძლიერი იყო და ბოლო ათწლეულების სირთულეებსაც წარმატებით გაართვით თავი. რამ განაპირობა ეს?

— კლასიკური ფილოლოგიის კათედრის დამფუძნებელი უნივერსიტეტში იყო გრიგოლ წერეთელი, რომელიც ქართული უნივერსიტეტის დაარსებისას მოიწვია ივანე ჯავახიშვილმა. ვფიქრობ, გრიგოლ წერეთელი იყო მე-20 საუკუნის ერთ-ერთი უდიდესი ჰუმანიტარი მეცნიერი, უბრწყინვალესი მთარგმნელი, რომელიც პეტერბურგის აკადემიის წევრი გახლდათ. იგი ჩამოვიდა თბილისში, ჩაუყარა საფუძველი კლასიკური ფილოლოგიის კათედრას. მისი „ბერძნული ლიტერატურის ისტორია“ საბჭოთა კავშირში ბერძნული ლიტერატურის პირველი ორიგინალური აკადემიური ისტორია იყო. მართალია, მისი ხელნაწერი ტექსტი რუსულად ჰქონდა დანერგილი, მაგრამ იგი სპეციალურად ითარგმნა, რათა პირველად ქართველი მკითხველისთვის ხელმისაწვდომი ყოფილიყო. პეტერბურგიდან გრიგოლ წერეთელმა ჩამოიტანა პაპირუსების თავისი მდიდარი კოლექცია, რომლის საფუძველზე გამოიცა მეცნიერებისთვის დღემდე სამაგალითო ხუთტომეული. მან დიდი მემკვიდრეობა დაგვიტოვა. თუმცა, 1938 წელს, იგი რეპრესირებული იქნა იმის გამო, რომ კავშირები ჰქონდა უცხოეთთან, იყო აღიარებული მეცნიერი და არ ეუბებოდა კონიუნქტურას. კლასიკური ფილოლოგიაში მეორე დიდი ფიგურა გახლდათ აკადემიკოსი სიმონ ყაუხჩიშვილი, რომელმაც არა მარტო კლასიკური ფილოლოგია ნასწავლი დააფუძნა საქართველოში. მათ მიერ დანერგული საქმე თანდათან ფართოვდებოდა: კლასიკური ფილოლოგიის კათედრაზე შეიქმნა ანტიკურ ავტორთა თარგმნისა და გამოცემის რედაქტორ-მთარგმნელთა ჯგუფი, ბერძნულ-ლათინური ბიბლიოთეკა, შემდეგ დაარსდა ხმელთაშუა ზღვის კულტურების კვლევის ლაბორატორია. და აი, 1996 წელს, როდესაც საქართველოში საბერძნეთის საელჩო გაიხსნა, მოვიდა ჩვენთან ბატონი ელჩი, ტასოს კრიეკუკისი და იკითხა, რისი გაკეთება იქნებოდა კარგი ელინოლოგიის განვითარებისათვის. გამახსენდა ჩემი კოლეგების დიდი ხნის ოცნება და ვუპასუხე, რომ კარგი იქნებოდა ინსტიტუტის შექმნა, რომელიც გააერთიანებდა ყველა ჩვენი დარგის სტრუქტურას. ელჩმა საბერძნეთიდან გამოიწვია საკმაოდ სოლიდური თანხა, რომელმაც საშუალება მოგვცა — მოგვეწვრივებინა უნივერსიტეტის მე-3 კორპუსი, საორგანიზაციო საკითხები და რამდენიმე თვეში შექმელით, რომ სასწავლო პროცესი დაგვეწყო. დღეისათვის თსუ-ის კლასიკური ფილოლოგიის, ბიზანტინისტიკისა და ნეოგერციისტიკის ინსტიტუტი თავისი გამომცემლობით, სპეციალიზე-

ბული ბიბლიოთეკებით ერთ-ერთი ნამყვანი სამეცნიერო ინსტიტუტია. ინსტიტუტი თსუ-ის ჰუმანიტარულ მეცნიერებათა ფაკულტეტის სტრუქტურულ ერთეულს წარმოადგენს. თუმცა, ამასთან ერთად, გვაქვს ინსტიტუტის ხელშეწყობის ფონდიც, საიდანაც ფინანსდება გამოცემლობა და ცალკეული ღონისძიებები. ჩვენი საგამომცემლო პროგრამა „ლოგოსი“ წელიწადში 20-25 წიგნს უშვებს ინსტიტუტის პროფილის დარგებში. ყველაზე მნიშვნელოვანი კი ის არის, რომ ყველანაირად ვცადე ინსტიტუტში არ მომხდარიყო ერთი თაობისა და ასაკის მკვლევართა კონსერვაცია. დღეისთვის აქ ყველა თაობა წარმოდგენილია. გარდა ამისა, გვაქვს ძალიან ფართო და მნიშვნელოვანი საერთაშორისო კავშირები.

— თქვენს ერთერთ პუბლიკაციაში ძალიან საინტერესოდ დასვით შეკითხვა უნივერსიტეტთან დაკავშირებით და აღნიშნეთ: შეუძლია თუ არა დღევანდელ უნივერსიტეტს მაღალი დონის მეცნიერები მისცეს ქვეყანას? პირადად თქვენ როგორ ფიქრობთ, ამ ამოცანის გადაჭრა რამდენად ა შესაძლებელი?

— ვფიქრობ, რომ ამჟამად არსებული სისტემა ნაკლებად იძლევა კარგი მეცნიერის მომზადების შესაძლებლობას. სისტემა, ძირითადად, გრანტების მოპოვებაზეა ორიენტირებული. ამიტომ მომრავლდნენ გარშემო ადამიანები, რომლებიც რაღაც ღირებულის შექმნაზე კი არ ფიქრობენ, არამედ იმაზე, რაც შეიძლება მეტი გრანტი მოიპოვონ. პრაგმატიზმობა კარგია, თუმცა მოქმედი სისტემის შეფასებისას ერთი უბრალო მონაცემია გასათვალისწინებელი: ბოლო 20-25 წლის განმავლობაში მსოფლიოში მეტ-ნაკლებად ცნობილი რამდენი მეცნიერი აღიზარდა უნივერსიტეტში? დავანებოთ თავი მსოფლიო სახელს; ისეთი რამდენი მეცნიერი მოვაზადეთ, რომელსაც საქართველოში იცნობენ და აღიარებენ, რომელსაც შეიძლება მიანდო მნიშვნელოვანი საქმეები? თუკი აღმოჩნდება, რომ აქ არ გვაქვს საქმეები სახარბიელოდ, ეს დამაფიქრებელია, ეს იგი, ჩვენი სისტემა კარგად არ მუშაობს. მინდა გითხრა, რომ ახლა უნივერსიტეტის რექტორი ძალიან ცდილობს მეცნიერების მიმართ ინტერესი გაზარდოს, მაგრამ მხოლოდ ეს არ არის საკმარისი. საქირთა ქვეყანაში მეცნიერების დაფინანსებისა და ნახალისების სისტემის ისე შეცვლა, რომ ნამყვან მეცნიერებს ჰქონდეს საშუალება — შეარჩიონ ნიჭიერი ახალგაზრდა, გაზარდოს, დააყენოს მეცნიერად... მისი დოქტორანტი არ უნდა ფიქრობდეს იმაზე, თუ კიდევ სად წავიდეს საშუალო და ხელფასის ასაღებად, რათა ოჯახი არჩინოს. ახლა, რაც გრანტებში ფული იხარჯება, თავისუფლად გასწვდება განსაკუთრებით ნიჭიერი ახალგაზრდების მომზადებას, ოღონდ იგი უნდა მიეჩვიოს, რომ იბრძოლოს ღირებული პროდუქციის შესაქმნელად და არა გრანტების მოსაპოვებლად. კარგია პრაგმატიზმი, მაგრამ



ცოტა რომანტიკულიც თუ არ არის ადამიანი, დიდ სიმაღლეებს ვერ მიღწევს.

— მიუხედავად იმისა, რომ მუდამ იყავით მეცნიერებაში და არასოდეს ნასულხართ პოლიტიკაში, საზოგადოებრივ-პოლიტიკური საქმიანობიდან მორსაც არ მდგარხართ. როგორ აფასებთ დღევანდელი გადასახედიდან თქვენს პოლიტიკურ-საზოგადოებრივ საქმიანობასა და შეხედულებებს?

— მიუხედავად იმისა, რომ ჩემთვის მეცნიერება უმთავრესი იყო, მოხდა ისე, რომ სხვადასხვა თანამდებობებზე მომიხდა მუშაობა. საბჭოთა პერიოდში, 60-იან წლებში, ბატონი აკაკი კარანაძე დაინიშნა უნივერსიტეტის პარტიული კომიტეტის მდივნად. მან თავი მოუყარა გამორჩეულ ახალგაზრდებს, შეგვეკრიბა და გამოგვიცხადა, რომ ქვეყანა დეგენერაციისკენ მიექანებოდა და პარტიაში ნორმალური ხალხის შესვლა იყო აუცილებელი. ამის შემდეგ ხანგრძლივი ბჭობა მქონდა ოჯახში, მამაჩემთანაც, რომელმაც 30-იანი წლების მთელი კომპარი გამოიარა, ჩემს მეგობრებთანაც და მიჩნია, რომ ჩემი პარტიაში შესვლა საქმეს ნაადვრებოდა. ასე მივიღე გადაწყვეტილება და გადავდგი ეს ნაბიჯი. 1973 წელს ჩემი უფროსი კოლეგა ალექსანდრე ალექსიძე, რომელიც პარტიული კომიტეტის მდივანი იყო უნივერსიტეტში, სხვა თანამდებობაზე გადაიყვანეს. გადაწყდა, რომ მის ადგილზე მე უნდა დავნიშნულიყავი. ახალი დაბრუნებული ვიყავი იტალიიდან, სადაც ილია ჭავჭავაძის ხელშეწყობით გავემგზავრე სტაჟირებაზე და სადოქტორო დისერტაციაზე ვმუშაობდი. იქედან ჩამოსული დამუხტული ვიყავი ჩვენი დარგში აქტიურად სამუშაოდ. ყველას, მათ შორის ცენტრალური კომიტეტის საორგანიზაციო განყოფილების გამგეს, ცუკას მდივანს იდეოლოგიის დარგში უარი ვუთხარი შემოთავაზებული თანამდებობის დაკავებაზე. საბოლოოდ, უშუალოდ ედუარდ შევარდნაძესთან მომიხდა შეხვედრა. მასაც გამოვუცხადე: რად გინდათ ისეთი პარტიული კომიტეტის მდივანი უნივერსიტეტში, რომელიც ზის კაბინეტში და ფიქრობს ჰომეროსსა და ეტრუსკებზე? მაგრამ მას გადაწყვეტილება უკვე მიღებული ჰქონდა. მაშინ ვუთხარი, რომ ჩემთვის პარტიული საქმე ყოველთვის იქნებოდა მეორეხარისხოვანი, პირველი კი იქნებოდა ის, რისთვისაც მთელი

ცხოვრება ვემზადებოდი. ვთხოვე, მომავალში არ ეფიქრათ ჩემს უნივერსიტეტიდან წაყვანაზე უფრო მაღალი თანამდებობის შემოთავაზების გზით. ამის შემდეგ კარგა ხანს ვიყავი უნივერსიტეტის პარტიული კომიტეტის მდივანი, უკვე დამოუკიდებლობის პირველ წლებში უნივერსიტეტის რექტორის, აკადემიკოს როინ მეტრეველის თხოვნით, უნივერსიტეტის პრორექტორი, მაგრამ ჩემთვის ეს ყოველთვის იყო დროებითი საქმე. მიუხედავად იმისა, რომ პარტიულ თუ ადმინისტრაციულ თანამდებობაზე მუშაობისას ძალიან დაკავებული ვიყავი, ოდნავადაც არ შემეიკვეცია ჩემი სამეცნიერო თუ პედაგოგიური საქმიანობა.

— ანტიკური კულტურა და დღევანდელი — რისი მიღება შეუძლია ჩვენს პრაგმატულ ეპოქას ანტიკური კულტურიდან?

— ჩვენი ეპოქა გამოირჩევა თავისი საოცარი ეკლექტიზმით, სადაც არა მარტო სამყარო, კონკრეტული ერთი ადამიანიც კი აბსოლუტურად ეკლექტიკურია. ეს ყოველ დროში შეიძლება შეგხვდეს, მაგრამ ახლა ამაზე კულმინაციას მიაღწია. ვფიქრობ, რომ ანტიკურობიდან ჩვენმა ეპოქამ შეიძლება სიღრმის მონესრიგებულობის, მიღწეობის მუხებში, მეორე, რაც ანტიკურობას აქვს, არის ჰომოგენურობა. არ გვანყენდა რაღაცა დოზით გადაჭარბებული ეკლექტიზმი ზომიერი ჰომოგენურობით დაგვებალანსებინა. ამდენად, ანტიკური კულტურიდან, რომელსაც დიდი სიმაღლე გამოარჩევს როგორც მხატვრული კულტურის, ისე ფილოსოფიური აზროვნების სფეროში, ჩვენი ესთეტიკური სიამოვნებასთან ერთად ვიღებთ გარკვეული სტაბილურობის განცდას. ანტიკურ ნაწარმოებთან ურთიერთობისას გრძობთ, რომ ეს არის ერთიანი, მთლიანი სამყარო, რომელიც არა ერთი ასპექტით თქვენზე ბევრად მაღლა დგას. მიუხედავად იმისა, რომ მას ამდენი საუკუნე გვაშორებს და, დღეს, რომელიმე ანტიკურ მწერალთან თუ ხელოვანთან შედარებით, გაცილებით მეტი ვეცით, ბევრ შემთხვევაში გავიჭირდებამ შემოქმედებითი პოტენციალის გამოვლენის ძალით ანტიკურობის კორიფებთან გატოლება. დღეს, როდესაც ხშირად გაიგებთ, რომ ადამიანები, მეტნილად, ცარილები და უინტერესოები არიან, განსაკუთრებული მნიშვნელობა აქვს დიდ კულტურასთან ზიარებას, რომელსაც შეუძლია — შეაცსოს შენში არსებული სიციარილე; გაგხადოს ბევრად უფრო საინტერესო; გასწავლოს — როგორ გაუხსნა სული და გონება მშვენიერებას.

— ანტიკურობიდან რომელია თქვენი საყვარელი ლიტერატურული და ისტორიული პერსონაჟი?

— ლიტერატურული პერსონაჟებიდან ჰექტორი — „ილიადაში“, რადგან იგი ვაჟკაცობისა და კეთილშობილების უმაღლესი გამოვლინებაა და ეს ძალიან მნიშვნელოვანია. რაც შეეხება ისტორიულ პერსონაჟს — ალექსანდრე მაკედონელი. მან ხომ თავის ეპოქას გაუსწრო. იგი ფიქრობდა მსოფლიო სახელმწიფოს შექმნაზე და თითქმის მიიყვანა კიდევ ეს იდეა ბოლომდე. ეს გახლდათ პირველი მსოფლიო სახელმწიფო, სადაც მთავარი იყო კულტურული და მსოფლმხედველობრივი და არა ეთნიკური ფაქტორები. კაცი, რომელიც 32 წლის ასაკში აღესრულა, შემლო შექმნა სრულიად ახალი სამყარო, ახალი მენტალიტეტი, მაგრამ იმდენად გაუსწრო თავის ეპოქას, რომ მისი სიკვდილიც ლოგიკური იყო, რადგან ის ეპოქა მზად არ იყო მაკედონელის კონცეფციისთვის.



მომზადდა ლეა კურდელაშვილი



ამერიკისმცოდნეობის XVI ყოველწლიური საერთაშორისო კონფერენცია



წვანე ჯვარციანის სახელობის თბილისის სახელმწიფო უნივერსიტეტმა უმასპინძლა ამერიკისმცოდნეობის ყოველწლიური საერთაშორისო კონფერენციის გახსნას, რომელიც ამერიკის სამოქალაქო ომის (1862-68 წ.წ.) დასრულების 150-ე წლისთავს მიეძღვნა.

თამარ ღაღინი

კონფერენციის მონაწილეებმა საქართველო-ამერიკის ურთიერთობის ფონზე განიხილეს პოლიტიკის, ეკონომიკის, მეცნიერების, განათლებისა და კულტურის საკითხები.

შეერთებულ შტატებსა და საქართველოს შორის დიპლომატიური ურთიერთობა 20 წლის წინათ, 1992 წლის 23 აპრილს დაიწყო. განვლილმა წლებმა აჩვენა, რომ საქართველოს სახელმწიფოებრივი მშენებლობის საქმეში ოკეანისგაღმედი პარტნიორის როლი განსაკუთრებულია. მარტო ასობით მილიონი დოლარის პირდაპირი ინვესტიცია და რამდენიმე მილიარდი დოლარის ფინანსური მხარდაჭერა რად ღირს. ამერიკას მხოლოდ 18 ქვეყანასთან აქვს ასეთი ტიპის ურთიერთობა, რაც მნიშვნელოვან პოლიტიკურ მხარდაჭერაზე მიუთითებს. მნიშვნელოვანია, რომ ეს მხარდაჭერა დაფუძნებულია ღირებულებებზე, რაც აისახება კიდევ საგარეო პოლიტიკაზე — ამერიკა მტკიცედ უჭერს მხარს ჩვენი ტერიტორიულ მთლიანობას, არაღიარების პოლიტიკას. ამერიკის დამსახურება ის, რომ მსოფლიოს ბევრი ქვეყანა რუსეთის ყოფნას აფხაზეთსა და ცხინვალის რეგიონში ოკუპაციად მიიჩნევს.

ამერიკა-საქართველოს კულტურული კავშირები კი გაცილებით დიდი ხნისაა, ვიდრე დიპლომატიური ურთიერთობა. ამ ორი ქვეყნის მეგობრობას გრძელი ისტორია აქვს. პირველი ქართველები ამერიკაში მე-19 საუკუნეში ტრანსამერიკული რკინიგზის მშენებლობაზე ჩავიდნენ. დადასტურებული ცნობებით, 1862 წელს ამერიკის შეერთებულ შტატებში ჩასულ პირველი ქართველი ალექსანდრე ერისთავი, რომელიც სამოქალაქო ომში ჩრდილოეთის მხარეზე იბრძოდა.

ეს ომი ამერიკის ისტორიაში ცნობილია როგორც ომი სამხრეთსა და ჩრდილოეთს შორის — ომი ჩრდილოეთის ინდუსტრიულ და

სამხრეთის მონათმფლობელურ შტატებს შორის.

სამხრეთის თერთმეტი მონათმფლობელური შტატი აშშ-ს გამოეყო და კონფედერაცია ჩამოაყალიბა. ჯეფერსონ დეივისის მეთაურობით ეს შტატები აშშ-ის ფედერალური მთავრობის წინააღმდეგ იბრძოდა. ფედერალურ მთავრობას მხარს უჭერდა ყველა თავისუფალი შტატი და მათი მოსაზღვრე ხუთი მონათმფლობელი შტატი.

ამერიკის შეერთებული შტატების საპრეზიდენტო არჩევნებში რესპუბლიკელი აბრაჰამ ლინკოლნის გამარჯვება სამხრეთის შტატებისათვის სამოქალაქო ომის დაწყების საბაბი აღმოჩნდა. ლინკოლნი მონობის წინააღმდეგი იყო. სამხრეთის შტატების პლანტატორები მას მთავარ მტრად თვლიდნენ. ისინი მიხვდნენ, რომ ველარასოდეს განახორციელებდნენ კონტროლს ფედერალურ მთავრობაზე, და ის აღარ დაიცავდა მათ ინტერესებს.

1861 წლის 4 მარტს სამხრეთის შვიდმა შტატმა (სამხრეთ კაროლინა, მისისიპი, ფლორიდა, ალაბამა, ჯორჯია, ლუიზიანა და ტეხასი) შტატების კავშირი დატოვა. ლინკოლნი მტკიცედ აცხადებდა, რომ შეერთებული შტატები განუყოფელი და ერთიანი იყო და არც ერთ შტატს არ ჰქონდა გამოყოფის უფლება. ამიტომ კონფედერაცია ამოხეზულ შტატებზე იქნა მიჩნეული. ეს გახდა სამოქალაქო ომის დაწყების ერთ-ერთი ფაქტორი. კონფედერაცია 1865 წელს დამარცხდა. სამოქალაქო ომს 600 000 ადამიანზე მეტი შეენირა, ხოლო სამხრეთი მიწასთან გასწორდა. ასეთი დანაკარგი აშშ-ს ყველა სხვა საომარ კონფლიქტში არ ჰქონია. ომის დამთავრებისთანავე, ამერიკის კონსტიტუციის მე-13 დამატების თანახმად, 4 მილიონამდე მონა გათავისუფლდა.

ამ ომს დიდი მნიშვნელობა ჰქონდა ამერიკის შეერთებული შტატების შემდგომი განვითარებისთვის, ამერიკული ღირებულებებისა და ფასეულობების განმტკიცებისთვის.

კონფერენცია თსუ-ის ჰუმანიტარულ მეცნიერებათა ფაკულტეტის ამერიკისმცოდნეობის ინსტიტუტისა და ამერიკის შესწავლის საქართველოს ასოციაციის ორგანიზებით გაიმართა, რომელსაც თბილისის სახელმწიფო უნივერსიტეტის რექტორი, პროფესორი ვლადიმერ პაპავა, ამერიკის შეერთებული შტატების ელჩი საქართველოში რიჩარდ ნორლანდი, თსუ-ის პროფესორები, სტუდენტები და მონაწილე სტუმრები ესწრებოდნენ.

კონფერენციის მიზანი იყო ამერიკის ისტორიის, სოციალური და პოლიტიკური ინსტიტუტების, სამზაო და საგარეო პოლიტიკის, კულტურის, ფილოსოფიის, ღირებულებების შესწავლა და ცოდნის გავრცელება, ქართულ-ამერიკული ურთიერთობის შესწავლა, საქართველოს სხვადასხვა უნივერსიტეტში ამერიკის პრობლემატიკით დაინტერესებული პროფესორების, სტუდენტების შეკრება და მათი სამეცნიერო მუშაობის სტიმულირება, ქართველ ამერიკისმცოდნეთა მუშაობის კოორდინირება და მათი კონტაქტების გაღრმავება უცხოეთში, უპირველესად, ამერიკულ კოლეგებთან.

თსუ-ის რექტორმა მონაწილეებსა და სტუმრებს კონფერენციის გახსნა მიულოცა და აშშ-სა და საქართველოს ურთიერთობებზე ისაუბრა: „ამერიკის შეერთებული შტატები არის საქართველოს სუვერენიტეტის ერთ-ერთი უმთავრესი საერთაშორისო გარანტორი. აშშ-მ არაერთხელ დაადასტურა, რომ მტკიცედ უჭერს მხარს საქართველოს ტერიტორიულ მთლიანობას და ქვეყნის ევროატლანტიკური ინტეგრაციის პროცესს. ჩვენი ქვეყნის ურთიერთობის მრავალწლიანი ისტორია და მისი განვითარება კარგად აჩვენებს ჩვენი ურთიერთობების სიღრმეს და მნიშვნელობას. სწორედ ამის ნათელი მაგალითია ეს კონფერენცია, რომელსაც თსუ-ის ამერიკისმცოდნეობის მიმართულება ატარებს თბილისის სახელმწიფო უნივერსიტეტში. კონფერენცია ეება ქართულ-ამერიკულ ურთიერთობებს, მისი ისტორიის, სახელმწიფო მონაწილის სისტემის, ეკონომიკისა და მთავარი ღირებულებების შეს-

წავლას. ღონისძიება მნიშვნელოვანია, რადგანაც მეცნიერებსა და სტუდენტებს აძლევს საშუალებას, — უკეთესად გაეცნონ, თუ რას ნიშნავს ამერიკული ფასეულობები“.

ამერიკის შეერთებული შტატების ელჩმა ბატონმა რიჩარდ ნორლანდმა მისასალმებელ სიტყვაში დამსწრე საზოგადოებას კონფერენციის მე-16-ე შეკრება მიულოცა, დადი მასალა გადაუხადა თსუ-ის რექტორს, კონფერენციის ორგანიზატორებს: თბილისის სახელმწიფო უნივერსიტეტის ჰუმანიტარულ მეცნიერებათა ფაკულტეტის ამერიკის შესწავლის ინსტიტუტის დირექტორს ვასილ კაჭარავას და ამავე ფაკულტეტის ამერიკისმცოდნეობის მიმართულების ასოცირებულ პროფესორს ელენე მექმარიაშვილს კონფერენციის ორგანიზებისათვის და შთამბეჭდავი საუნივერსიტეტო საზოგადოების მონაწილეთა:

„აშშ-ის სახელმწიფო დეპარტამენტის და კონგრესის წარმომადგენლები არიან საქართველოს სამედო მეგობრები და აშშ დიდად აფასებს ქართული საზოგადოების ინტერესს ამერიკისადმი. აშშ-ისთვის მისასალმებელია ქართული სამეცნიერო საზოგადოების აქტიური ჩართულობა ამერიკის შესწავლის საკითხებში, რომლებიც ცდილობენ დაადგინონ აკადემიური ჭეშმარიტება ამერიკის შესახებ. ამერიკის შეერთებული შტატების საელჩო დიდი მეგობარი გახლავთ თბილისის სახელმწიფო უნივერსიტეტის. დღეს ვესწრებით კონფერენციას, რომლის მთავარი თემაც გახლავთ ამერიკის შეერთებულ შტატებში სამოქალაქო ომი. სამოქალაქო ომის შედეგად ჩვენი ქვეყანა გამოთლიანდა და აიკრძალა მონობა. ჩვენ არ ვართ ერთადერთი ქვეყანა, რომელმაც გაიარა სამოქალაქო ომის მორევეში და რომელმაც ასეთი საშინელი გამოცდილება მიიღო“, — აღნიშნა საქართველოში ამერიკის შეერთებული შტატების ელჩმა რიჩარდ ნორლანდმა.

თავის გამოსვლაში მან ასევე ხაზი გაუსვა სამოქალაქო ომის მნიშვნელობას აშშ-ის ისტორიაში. მისი განცხადებით, აღნიშნული მოვლენა გახდა აშშ-ისთვის მო-

მავლის განმსაზღვრელი. „სამოქალაქო ომმა აშშ-ის საზოგადოება დააყენა ორ ნაწილად გაყოფის წინაშე და მოვლენების ასე წარმართვის შემთხვევაში დღეს მსოფლიოში სრულიად განსხვავებული სურათი გვეჩვენოდა... სწორედ სამოქალაქო ომის შედეგი გახლდათ მონობის გაუქმება აშშ-ში. ჩვენთვის ძალიან მნიშვნელოვანია იმის გარკვევა, თუ როგორ აღიქვამს საქართველო ამერიკის შეერთებულ შტატებს, მის ისტორიასა და კულტურას“, — დასძინა რიჩარდ ნორლანდმა.

კონფერენციაზე წარმოადგინეს მოხსენებები როგორც კონფერენციის მთავარი თემის, ასევე ამერიკის ისტორიის, პოლიტიკის, განათლების, რელიგიის, ლიტერატურის, ხელოვნების, ფილოსოფიის, მედიის, სამართლის, ეკონომიკის, სოციალურ და ქალთა საკითხების შესახებ.

კონფერენციის ორგანიზატორი ვასილ კაჭარავა მონაწილეებს მიესალმა და ამერიკის შესწავლის საკითხების მნიშვნელობაზე ისაუბრა. მან ასევე ხაზი გაუსვა ახალგაზრდა სტუდენტების დაინტერესებას ამერიკის ისტორიის, პოლიტიკის, კულტურის საკითხების შესწავლით. ვასილ კაჭარავამ წარმოადგინა ნიგნი „პატრიოტთა ისტორიის მასალები“, რომელიც პირველია გამოცემა საქართველოში და იგი ამერიკის ისტორიული დოკუმენტების კრებულს წარმოადგენს. მან ასევე გაახმაურა ინფორმაცია ამერიკის ისტორიის სახელმძღვანელოს გამოსვლის შესახებ, რომელსაც თსუ-ის ჰუმანიტარულ მეცნიერებათა ფაკულტეტი უზრუნველყოფს. დასასრულად, ვასილ კაჭარავამ მადლობა გადაუხადა ამერიკის საელჩოს წარმომადგენლებს აქტიური მხარდაჭერისთვის.

კონფერენცია სამი დღის განმავლობაში გაგრძელდა; თემების მიხედვით დაყოფილი იყო სექციებად და მოხსენებელთა რაოდენობა 130-ს აჭარბებდა.

კონფერენციის ორგანიზატორებმა მადლობა გადაუხადეს თსუ-ის რექტორსა და ადმინისტრაციას თანადგომისა და ფინანსური დახმარებისათვის.



სტუდენტ-მსწიპი



გაზეთი „თბილისის უნივერსიტეტის“ სტუდენტური ჩანართი

რას საქმიანობს სტუდენტთა უფლებების დაცვის დეპარტამენტი?

სტუდენტთა უფლებების დაცვის დეპარტამენტი მეხუთე მონვევის სტუდენტური თვითმმართველობის ინიციატივით შეიქმნა. სტუდენტებსა და უნივერსიტეტის ადმინისტრაციას, სტუდენტებსა და აკადემიურ პერსონალს შორის არსებული პრობლემების მოძიება და მოგვარება – ეს არის სტუდენტთა უფლებების დაცვის დეპარტამენტის მიმართული. ასევე, დეპარტამენტი მუშაობს იმაზე, რომ სტუდენტები მაქსიმალურად გაერკვნენ თავიანთ უფლებებში.

სტუდენტთა უფლებების დაცვის დეპარტამენტი თითოეული ფაკულტეტიდან არიან წარმომადგენლები. მუშაობს ცენტრალური ჯგუფი, რომელიც სტუდენტთა განცხადებებს განიხილავს. უნივერსიტეტის ადმინისტრაციასთან ან აკადემიურ პერსონალთან შუამდგომლობის მომთხოვნი სტუდენტები ან შენიშვნების ავტორები დეპარტამენტს ელექტრონული ფოსტით, მობილურით ან ფეისბუქით უკავშირდებიან. «ყველაზე მარტივი ფორმაა, როცა ფაკულტეტებზე სტუდენტური თვითმმართველობის ოთახებში იწერება განცხადებები, რომლებზეც შემდეგ უშუალოდ ცენტრალური დეპარტამენტის წევრები ვახდენთ რეაგირებას», – აღნიშნა სტუდენტთა უფლებების დაცვის დეპარტამენტი.



ტის ხელმძღვანელმა, თსუ-ის ჰუმანიტარულ მეცნიერებათა ფაკულტეტის მესამეკურსელმა თონა მინდიაშვილმა.

«განცხადებების ავტორთა ნაწილი ანონიმურობას აძლავს, თუმცა ბევრი მიუთითებს საკუთარ კოორდინატებზე. ჩვენ ყველა თონა მინდიაშვილი.

მისი ინფორმაციით, სტუდენტთა პრეტენზიები, ძირითადად, საგამოცდო ცენტრისკენაა მიმართული. «იყო შენიშვნები სასწავლო ბაზე-



ბის მოუწესრიგებლობაზე, უნივერსიტეტის კორპუსებში ჰიგიენურ პრობლემებზე და ა.შ. ყველაზე გახმაურებული ფაქტი, რომელიც ჩვენი ჩარევით მოგვარდა, იყო ლექტორის მიერ სტუდენტის მისამართით გამოთქმულ არაეთიკურ მიმართებას. ამის შესახებ ვაცნობთ ეთიკის საბჭოს, დავესწარიტ სხდომებს. ჯერ ეთიკის კომისიის პასუხი ნეროლოგიით არ გავრცელებულა, მაგრამ, სავარაუდოდ, ლექტორისგან საჯაროდ ბოდიშის მოხდას მოითხოვენ», – განაცხადა მან.

სტუდენტთა უფლებების დაცვის დეპარტამენტის დახმარებით რამდენიმე სტუდენტს უკვე გადაუადგამა გამოცდები. ეს ის შემთხვევა იყო, როცა სტუდენტი ვერ ახერხებდა საჭირო ცნობის წარდგენას. დეპარტამენტის შუამდგომლობით ეს პრობლემა მოგვარდა.

სტუდენტთა უფლებების დაცვის დეპარტამენტის წარმომადგენელთა აზრით, ახალი ინიციატივა მომავალში უფრო კარგად იმუშავებს, რათა თვითმმართველობის ფუნქცია – უნივერსიტეტსა და სტუდენტებს შორის შუამავლობა – უკეთ განხორციელდეს.

თამარ ასლანიკაშვილი

კავკასიის რეგიონში ჩატარებული სტუდენტური ესეების კონკურსში გამარჯვებული

ნათო მობლაძე

რას ფიქრობენ ახალგაზრდები? როგორ აფასებენ დღევანდელ მდგომარეობას? რას გულისხმობენ განვითარებაში? – ამ კითხვებზე პასუხები ხშირად საინტერესო, უფროსი თაობისთვის ზოგჯერ მოულოდნელი და, ცალკეულ შემთხვევაში, მიუღებელიც არის. თუმცა სიახლე და მოულოდნელობა, გადაჭრით, არასწორს არ ნიშნავს, მითუმეტეს, რომ განვითარება ხშირად ჩვეულებრივის უჩვეულოთი ჩანაცვლებას გულისხმობს. შესაბამისად, ასევე საინტერესო და ახალი გახლდათ ევროპის რეკონსტრუქციისა და განვითარების ბანკის EBRD-ის მიერ კავკასიის რეგიონში ჩატარებული სტუდენტური ესეების კონკურსის შედეგები. კონკურსში საქართველოს, სომხეთისა და აზერბაიჯანის 4 უმაღლესი სასწავლებელი მონაწილეობდა. წარდგენილ ესეთა შორის საუკეთესოდ თსუ-ის ფსიქოლოგიისა და განათლების მეცნიერებათა ფაკულტეტის IV კურსის სტუდენტის ლილე ყაზაიშვილის ნაწერი დასახელდა. თემის ფარგლებში (ჩვენი მომავლის ისტორია: ჩვენი საფრთხეები, ჩვენი იმედები, ჩვენი ცხოვრება) სტუდენტმა ქართულ საზოგადოებაში ყველა იმ საკითხისა და ინსტიტუციის შეფასება მოაქცია, რომელიც მწვავე აქტუალურობით გამოირჩევა და რომლის შესახებ, დღეს, საკმაოდ მრავალფეროვანი მოსაზრებები არსებობს. თუ რა არის „ბნელი ჩიხი“ ქართული საზოგადოებისთვის, ლილე ყაზაიშვილი თავის შეხედულებას ესეში წერს: „როცა ფიქრობ შენი ცხოვრების გასაძლეველ გზაზე, რომელიც შენი პიროვნების განვითარებაზე, თვითაქტუალურობაზე, რაღაც, ზოგადად, ადამიანურსა და სასარგებლოზე გინდა იყოს მიმართული, ძნელა თვალს გაუსწორებ იმას, რომ ამ მთავარ გზაზე მისასვლელად უნდა გაიარო ბნელი ჩიხები, რომელსაც შენს ირგვლივ ქმნიან, ან იქნებ, სულაც, ხომ შეიძლება, ამ ჩიხებში დარჩე?!“

ბნელ ჩიხებს ქმნიან ხალხი მითოსიდან, ხალხი, რომელიც შეიძლება არც არსებობდა ისე, როგორც ის ჩვენ წარმოგვიდგინა, მაგრამ აქვს ძალა, რაც ქმნის უხილავ ფარდას რეალობასა და წარმოსახვას, გამოწვევას და არსებულს შორის. ბნელ ჩიხს ქმნის ქართულის დედა. მე ის მაშინებს, მეშინია ამ ქალის: მას აქვს ხმალი, ეს ხმალი სხვის სხეულში შევა და მას სიცოცხლეს წაართმევს. მას აქვს ღვინო, ამ ღვინოს დალევენ მისი შვილები, დალევენ მისი ქმარი და აიღებენ ხმალს, რომ მოკლან... თუ აიცივან? რას იცავენ დღეს?

ბნელ ჩიხს ქმნის ქართული გლეხი, ის შრომობს, მაგრამ არ იცის – რატომ, რას აკეთებს და რისთვის? მისი მიზანია მხოლოდ ჰქონდეს იმედი, რომ არ მოკვდეს შიმშილით. მას არ



უნდა – ვითარდებოდეს; არ უნდა – ჰქონდეს მეტი; არ უნდა – იფიქროს; ის არ ზრუნავს სხვაზე.

ბნელ ჩიხს ქმნიან ჩვენი ვაჟკაცები და კიკაცები, რომლებმაც აიკრძალეს ფიქრი, განდევნეს ის თავიანთი ცხოვრებიდან, როგორც მაცდური და დატოვეს მხოლოდ ცარიელი იმპულსები და ემოციები, რომლებიც იყვება აგრესიითა და სიძულვილით – სიძულვილით ქალისადმი, სხვისი ბედნიერებისადმი, სიძულვილით თავისუფლებისადმი და იდეალებისადმი, სიძულვილით ყველაფერი ახლისადმი.

ბნელ ჩიხს ქმნის ეკლესია, რომელიც ცდილობს, შეიჭრას სკოლებში, უნივერსიტეტებში, დაიკავოს ყველა ქუჩა, ყველა სივრცე; რომელიც არ გაძლევს უფლებას, გამოვეყო მას და განუდგე სიძულვილის გარეშე.

ბნელ ჩიხს ქმნიან პოლიტიკოსები, რომლებიც კეკლუცობენ საბრალოდ, ეკეკლუცებიან მრევლს, ეკეკლუცებიან მტერს. რომლებიც ვერ იცავენ ხალხს ვერასდროს, ვერც მაშინ, როცა რამდენიმე ათეული აქტივისტია შეკრებილი და ვერც მაშინ, როცა მთელი ერია საფრთხეში, რომლებიც ვერ იცავენ ვერც ჩვენს კულტურას, ვერც ამ კულტურის ძეგლებს.

ბნელ ჩიხს ქმნის ჩვენი მითები ჩვენივე ტოლერანტობისა და სტუმართმოყვარეობის შესახებ, რომელიც არ გვაძლევს საშუალებას, შევაფასოთ, სახელი დავარქვათ ჩვენივე დამოკიდებულებებს სხვა ეროვნების ადამიანების-

ადმი, ტურისტებისადმი, ჩვენი ქვეყნის სტუმრებისადმი და ბოლოს და ბოლოს – ჩვენივე ქვეყნის მოქალაქეებისადმი.

ბნელ ჩიხს ქმნიან მშობლები, რომლებსაც უნდათ, დაიმკვიდრონ თავიანთი შვილები.

ბნელ ჩიხს ქმნის „ინტელიგენცია“, „ექსპერტები“, „ელიტები“, რომლებიც უფრო საფუძვლიანად აბნელებენ ამ ჩიხებს.

ბნელ ჩიხს ქმნის საოცარი დილემანტიზმი, ყველგან და ყველგან. დილემანტი ექიმები, დილემანტი პოლიტიკოსები, დილემანტი მასწავლებლები და მოსწავლეები.

ბნელ ჩიხს ქმნის იდეა, რომ ჩვენ ვართ პოეტები, რომ ჩვენ ვართ ნიჭიერები, ლამაზები, წმინდანები, კურთხეულები იმდენად, რომ მხოლოდ ლატარის პრინციპით შერჩეული ვისიმე ნიღბვედრობაც კი გადავვარჩენს.

ბნელ ჩიხს ქმნის ნაგავი. ხედავ უხვად დაყრილ ნაგავს ისტორიულ ძეგლებთან, ზღვის ნაპირზე, პარკებში, აულაგებულ ნასუფრალს ტყეში, მაღალსართულიანი სახლებიდან გადმოფრენილ ნაგავს ფუთებს და შენც გუფლვება განცდა, რომ ერთ დიდ ნაგავს ურნაში ხარ გაჭედული.

და ბოლოს, ბნელ ჩიხს ქმნის წინამური, რომელსაც დღემდე ვერ გავცდით და მზად ვართ, ისევ მივასიკვდილო ყველა, ვინც შეეცდება, გადაგვახვეწინოს ამ გზიდან, გაგვიყვანოს იმ გზაზე, სადაც ადამიანები რეალური, ნამდვილი მიზნებისკენ მიდიან“.

ლილე ყაზაიშვილის ესე ოპტიმისტურ ნოტაზე სრულდება.

„ამბობენ, სიბნელე არ არსებობს, სიბნელე სინათლის არარსებობაა. იქნება აქაც ასე?! იქნებ ჩვენ არ ვანათებთ სუკმარისად?! მინდა ქვეყანა, სადაც მეტი სინათლე იქნება, სადაც თითოეულ ჩვენგანში ანთებული ჩირაღდანი განანათებს მთავარ გზას, განანათებს იმდენად, რომ სიბნელე გაქრება. სიბნელე არ ქრება მასთან ბნელეთში ბრძოლით. სიბნელე მხოლოდ სინათლით გაქრება, უბრალო სინათლით, მთავარია თითოეულ ჩვენთაგანში ანთებული სანთელი შეეკრათ ერთად, დადგეთ ერთად...“.

ერთ-ერთი მთავარი მიზეზი, რის გამოც გამარჯვებული ესე ავტორმა ევროპის რეკონსტრუქციისა და განვითარების ბანკის EBRD-ის კონკურსში მონაწილეობის მიღება გადაწყვიტა, გახლდათ თანდართული ანოტაცია, რომელიც კონკურსანტებს თემის ფარგლებში განსახილველი საკითხის არჩევის სრულ თავისუფლებას აძლევდა.

„რაღაც სათქმელი ყოველთვის გიგროვდება, სოციალური გამოდინარე რაღაცები ყოველთვის განუხებს, თემა კი საკითხების არჩევანში არ გზღუდავდა და ამიტომ გადაწყვეტილება მონაწილეობის მიღება. ჩემი ესე ანწყობს ალწერს, იმ სიტუაციას, რომელშიც ადამიანებს

უნევთ ცხოვრება. ანწყობს ალწერა კი ძალიან მნიშვნელოვან და პროდუქტიულად იმდენად, რამდენადაც მომავლის პერსპექტივების დანახვის შესაძლებლობას გაძლევს“, – განაცხადა ლილე ყაზაიშვილი.

ლილე ყაზაიშვილი ამ დროისთვის ფსიქოლოგისა და განათლების მეცნიერებათა ფაკულტეტის IV კურსზე სწავლობს, გეგმავს განათლება ნეიროფსიქოლოგიის მიმართულებით გაიღწეოს. დაინტერესებულია სკოლაში დიდი და სასკოლო ასაკის ბავშვთა პრობლემებით. პარალელურად, იგი თსუ-ში შექმნილი საქართველოს ახალგაზრდა ფსიქოლოგთა ასოციაციის წევრია, რომლის ფარგლებშიც სკოლაში დიდი ასაკის ბავშვთა განვითარების ცენტრში გაუწია ნებში ტრენინგების ჩატარებას გეგმავს. ასევე, აპირებს კომპანია „ვისოლში“ HR-დეპარტამენტში სტაჟირების გავლას, რომელიც ესეების კონკურსში გამარჯვების შემდეგ შესთავაზეს.

ევროპის რეკონსტრუქციისა და განვითარების ბანკის მიერ გამოცხადებულ ესეების კონკურსის თსუ-ში ორგანიზება სტუდენტთა კარიერული განვითარების ცენტრმა გაუწია. თბილისის სახელმწიფო უნივერსიტეტის მასშტაბით საკონკურსოდ სულ 30 ესე იყო წარდგენილი. მათგან 3 საუკეთესო სპეციალურად შერჩეულმა უნივერსიტეტის ცენტრში გაუწია გიგისა და განათლების მეცნიერებათა ფაკულტეტიდან – ლილე ყაზაიშვილი, ოურიდიული ფაკულტეტიდან – დავით აბესაძე და ჰუმანიტარულ მეცნიერებათა ფაკულტეტიდან – ნათია ბოტკოველი. ასევე 3 საუკეთესო ესე შერიჩა თავისუფალი უნივერსიტეტიდან, სომხეთის ამერიკული უნივერსიტეტიდან და აზერბაიჯანის ადას უნივერსიტეტიდან. თუმცა მათ შორის საუკეთესო – ლილე ყაზაიშვილის ნაწერი – უკვე ევროპის რეკონსტრუქციისა და განვითარების ბანკმა გამოავლინა.

„საკონკურსო კომისიის წევრი არ ვყოფილვარ, თუმცა ყველა წარმოდგენილი ესე ნაწილობრივ. ბევრი სტანდარტულ, საკურსოს ტონში დანერგილი ესე გახლდათ, იყო შემოქმედებითი მიდგომით დაწერილი ესეებიც. ვფიქრობ, ზოგადად, ახალგაზრდების ნაწერები ყოველთვის საინტერესო და მნიშვნელოვანია. საჭიროა ხშირად ჩატარდეს ასეთი ტიპის კონკურსები, რათა სტუდენტებმა დაინახონ – მათი აზრი, ორიგინალურობა, თავისუფლება ნამდვილად ფასობს“, – განაცხადა თსუ-ის სტუდენტთა კარიერული განვითარების ცენტრის ხელმძღვანელმა ხათუნა ცხადაძემ.

ესეების კონკურსში გამარჯვებული დაჯილდოების ცერემონია 15 მაისს EBRD-ის ბიზნეს ფორუმის ფარგლებში ორგანიზებულ ყოველწლიურ შეხვედრაზე, საქართველოს პარლამენტში გაიმართა. სტუდენტებს საჩუქრად IPODE-ები გადაეცათ.



ილია ჭავჭავაძის უცნობი წერილის გამო

ილია ჭავჭავაძის შემოქმედებით დაინტერესებული მკითხველისთვის განსაკუთრებით საინტერესო იქნება თსუ-ის პროფესორების დიმიტრი შველიძისა და გიორგი ყუყუნაშვილის მიერ გამოქვეყნებული ახალი წიგნი: „ილია ჭავჭავაძის უცნობი წერილის გამო“, რომელიც ახლახან თსუ-ის გამომცემლობისა და საქართველოს განვითარების კომპლექსური კვლევის ხელშეწყობით გამოვიდა.

შურთხია გაროშვილი

უცნობი წერილის სათაურით: „ამიერკავკასიის სატრაპიეზში“, რომელიც პეტერბურგში 1906 წელს დემოკრატიულ რეფორმათა პარტიის ყოველკვირეულ, საზოგადოებრივ და ეკონომიკურ გაზეთში — „სტრანა“ — გამოქვეყნდა, თსუ-ის პროფესორმა დიმიტრი შველიძემ ჯერ კიდევ 1987 წელს შემთხვევით მიაკვლია პეტერბურგის ბიბლიოთეკის გაზეთების კატალოგში. საინტერესოა ის ფაქტი, რომ წერილი, რომელიც ავტორი აღწერს ამიერკავკასიაში მიმდინარე მოვლენებს და მწვავედ აკრიტიკებს ხელისუფლებას იმ რეპრესიების გამო, რომელსაც ამიერკავკასიის ხალხები განიცდიდნენ, ფსევდონიმით არის გამოქვეყნებული და მას ხელს აწერს ვინმე „სტარი კავკაზეც“.

წიგნის ავტორებს — დიმიტრი შველიძესა და გიორგი ყუყუნაშვილს — არ აქვებოდა ის ფაქტი, რომ გაზეთში გამოქვეყნებული წერილი სწორედ ილია ჭავჭავაძის ეკუთვნის, მიუხედავად იმისა, რომ ილია ჭავჭავაძე ფსევდონიმით სტატიებს არ აქვეყნებდა.

წერილში მოცემული საკითხების განხილვის თანახმად და სხვა მონაცემებზე დაყრდნობით დიმიტრი შველიძე და გიორგი ყუყუნაშვილი ცდილობენ დაასაბუთონ მათი

ვარაუდი ილია ჭავჭავაძის ავტორობის შესახებ.

„საგულისხმოა ის გარემოება, რომ ამ სტატიის გამოქვეყნების დროს, კავკასიაში ცნობილ პიროვნებათაგან, პეტერბურგში მხოლოდ ილია იმყოფებოდა. 1906 წლის 7 აპრილს ილია რუსეთის იმპერიის საბჭოს წევრად აირჩიეს. 10 აპრილს იგი პეტერბურგიდან თბილისს გამოემგზავრა, 11 აპრილს კი გამოქვეყნდა სტატია. მეორე არგუმენტი ის არის, რომ გაზეთ „სტრანას“ რედაქტორმა მაქსიმალური ყურადღება გამოიჩინა და, სხვა ახლად არჩეული დეპუტატებისგან განსხვავებით, ყველაზე მაღალი შეფასება მისცა სახელმწიფო საბჭოს ახალი წევრის, ილია ჭავჭავაძის დემოკრატიულ პოზიციას. ამასთან, ილიას მთავარი სამართლებრივი მოთხოვნა — საქართველოში — კავკასიის ადგილობრივი თვითმმართველობის შესახებ და „სტრანაში“ გამოქვეყნებული სტატიის ავტორის მთავარი მოთხოვნა ანალოგიურია. ამასთან, აუცილებელია, გავიხსენოთ, რომ ილია სახელმწიფო საბჭოში მიეკუთვნებოდა მცირერიცხოვან, მემარცხენე, ე.წ. აკადემიურ ჯგუფს, რომელიც შედიოდა მამინდე-ლი რუსეთის ცნობილი და ლიბერალურად განწყობილი ადამიანები. ჩვენი აზრით, ილიას და კოვალევსკის პოლიტიკურ თანასწორდრობას სწორედ იმ დროს ჩაეყარა საფუძ-



ველი, როდესაც დიდი ქართველი მოღვაწე სახელმწიფო საბჭოში აირჩიეს. ილიას სტატია გაზეთში „სტრანა“ ამ თანამშრომლობის გამოხატულება იყო. სტატიის შინაარსი და ზოგიერთი აქცენტები მიგვანიშნებს იმაზე, რომ ჩვენს მიერ წამოყენებული ჰიპოთეზა რეალურია. ამ და სხვა არგუმენტების საფუძველზე შეიძლება დავასკვნათ, რომ 1906 წლის 11 აპრილს პეტერბურგში გამოქვეყნ-



გაზეთში „სტრანა“ გამოქვეყნებული სტატიის — „ამიერკავკასიის სატრაპიეზში“ ავტორი ფსევდონიმით — „სტარი კავკაზეც“ — არის დიდი ქართველი მოღვაწე ილია ჭავჭავაძე, — ასეთია წიგნის (ილია ჭავჭავაძის უცნობი წერილის გამო) ავტორების: დიმიტრი შველიძისა და გიორგი ყუყუნაშვილის მოსაზრება.

აღსანიშნავია, რომ წიგნში შესულია, ასევე, დიმიტრი შველიძის მეორე წერილი: „რატომ მოკლეს ილია ჭავჭავაძე“, სადაც ავტორი დეტალურად მიმოიხილავს მკვლელობის კონკრეტულ, ძირითად გარემოებებს. დიმიტრი შველიძის აზრით, „უკანასკნელ პერიოდში არა ერთი საინტერესო ნაშრომი მიქმდნენ ილია ჭავჭავაძის მკვლელობის კვლევას, ბევრ საიდუმლოს ფარდა აეხადა, მაგრამ ეს კონკრეტული ისტორიული ფაქტი მოვლენებით ხორცშესხმას მაინც მოითხოვს“, — ამბობს ავტორი.

კონსტიტუციური სახელმწიფო გლობალური საფრთხეების წინააღმდეგ —

ინსპანური გამოცდის კარტოვლი იურისტებისთვის

ნათო მობლაძე

მსოფლიოს ქვეყნები გლობალური საფრთხეების ტერორიზმის, კიბერტერორიზმის და ა.შ. წინააღმდეგ კონსოლიდირებულ მოქმედებას ცდილობენ. თანამშრომლობა როგორც ოფიციალურ სტრუქტურებს, ასევე აკადემიურ წრეებს შორის მიმდინარეობს. ერთ-ერთი მთავარი ამოცანა, გლობალური საფრთხეების წინააღმდეგ ბრძოლისას და პრევენციული ღონისძიებების გატარებისას, ადამიანის უფლებების დაცვა და ერთმანეთის გამოცდილების გაზიარებაა. ამ მიზნით თბილისში საერთაშორისო კონფერენცია — „კონსტიტუციური სახელმწიფო გლობალური საფრთხეების წინააღმდეგ“ გაიმართა, რომელსაც ორგანიზება თსუ-ის ესპანური სამართლის შესწავლის ინსტიტუტმა გაუწია. სამცხნიერო-კვლევითი ინსტიტუტი რამდენიმე თვეა, რაც ჩამოყალიბდა და ეს კონფერენცია მისი რიგით მე-2 პროექტია.



დროვე მსოფლიო წესრიგის მნიშვნელოვანი საფრთხე“. კონფერენციაზე მადრიდის ნებრიხას უნივერსიტეტის სამაგისტრო პროგრამის პრეზენტაციაც გაიმართა, რომელიც ამავე სამაგისტრო პროგრამის კოორდინატორმა, პროფესორმა კლაუდიო სანტოსმა წარმოადგინა.

„ჩვენი ინსტიტუტის მთავარი მიზანია, დაეხმაროს საქართველოს ევროპეიზაციის გზაზე, რომ ევროპულ სამართალთან ქართული სამართლებრივი სისტემის ჰარმონიზაცია მოხდეს არა მხოლოდ თეორიული, არამედ პრაქტიკული კუთხითაც. ამ მიზნით ვატარებთ ამ ღონისძიებებს. დამატებით ვგეგმავთ ბევრ აქტივობას — სპეციალურ კურსებს შევთავაზებთ არამარტო საუნივერსიტეტო სივრცეში მოღვაწე ადამიანებს, არამედ სხვადასხვა პროფესიული ჯგუფის წარმომადგენლებს. თემატიკა საკმაოდ მრავალფეროვანი იქნება — ადამიანის ძირითადი უფლებები და თავისუფლებები, ტერიტორიული მონეობა, კიბერტერორიზმი და ა.შ. უკვე გავაფორმეთ ურთიერთთანამშრომლობის ხელშეკრულება პოლიციის აკადემიასთან და ნოტარიუსთა პალატასთან. ასევე, ვფიქრობთ, რომ გავაკეთოთ გარკვეული მოდული ევროკავშირთან ასოცირების ხელშეკრულების თემაზეც — რა მოთხოვნებია საქართველოს წინაშე და ა.შ.“, — განაცხადა ესპანური სამართლის შესწავლის ინსტიტუტის აღმასრულებელმა დირექტორმა, თსუ-ის ასოცირებულმა პროფესორმა ლელა ჯანაშვილმა.

სხვადასხვა პროფესიის სპეციალისტებმა მონაწილეობა აღნიშნულ სამცხნიერო კონფერენციაშიც მიიღეს. მაგალითად, მოხსენებების წარმოდგენის შემდეგ გამართულ დისკუსიაში ისტორიკოსებიც მონაწილეობდნენ. როგორც ესპანური სამართლის შესწავლის ინსტიტუტის დირექტორთა საბჭოს წევრმა

და თსუ-ის იურიდიული ფაკულტეტის დეკანმა ირაკლი ბურდულაძემ გვითხრა, მსგავსი წარმომადგენლობითი სახით კონფერენციები იურისტების გარდა პოლიტოლოგებს, სოციოლოგებს, ისტორიკოსებს, გლობალური უსაფრთხოების შექმნის თვალსაზრისით, დემოკრატიული სახელმწიფოს ფუნქციების უკეთ გააზრებაში დაეხმარება.

„კონფერენციაზე ძალიან საინტერესო მოხსენებები მოვისმინეთ — თუ როგორ უნდა ჩაერთოს საქართველო გლობალური უსაფრთხოების პროცესში, როგორ გახდეს გლობალური უსაფრთხოების სრულფასოვანი და სრულყოფილი წევრი. თუმცა ამ კონფერენციის ძირითადი იდეა გახლდათ ის, რომ კონსტიტუციური სამართლებრივი სახელმწიფოს ჩამოყალიბების გარეშე არ შეიძლება გლობალური უსაფრთხოების ნაწილი გახდეს. ჩვენი ქვეყანა ჯერ კიდევ ტრანსფორმაციის პერიოდში იმყოფება. ამ პროცესში დემოკრატიული ინსტიტუტების მშენებლობა და ცივილიზებული, კულტურული საზოგადოების ჩამოყალიბება მეტად მნიშვნელოვანია. საჭიროა ნებისმიერი პიროვნების ძირითადი უფლებებისა და თავისუფლებების დაცვა, რათა გლობალური უსაფრთხოების პრევენციული მექანიზმების გატარებისას კონსტიტუციური სამართლებრივი სახელმწიფოს იდეა არ შეილახოს“, — განმარტა ირაკლი ბურდულაძე.

ესპანური სამართლის შესწავლის ინსტიტუტი ბარსელონას ავტონომიური უნივერსიტეტისა და თსუ-ის შორის დადებული მემორანდუმის ფარგლებში შეიქმნა. თსუ-ის იურიდიული ფაკულტეტის ესპანურენოვან სამართლის სკოლასთან თანამშრომლობის პირველი შემთხვევა გახლავთ. ბარსელონას ავტონომიური უნივერსიტეტის კონსტიტუციის სამართლის კათედრის ხელმძღვანელი, თსუ-ის ესპანური სამართლის შესწავ-

ლის ინსტიტუტის აკადემიური დირექტორი ჟოან ლუის პერეს ფრანსეჩის თქმით, ესპანური მხარე საქართველოში პროფესიულ და აკადემიურ წრეებს შორის თანამშრომლობის გაფართოებას მომავალშიც გეგმავს. თსუ-სთან ერთად სამეცნიერო-კვლევით საქმიანობას ესპანელი სამართალმცოდნეები მკვლევართა ჯგუფის „თავისუფლება, დემოკრატია და სახელმწიფოთა ტრანსფორმაცია“ ფარგლებში ახორციელებენ.

„ესპანური სამართლის ინსტიტუტი აგრძელებს ტრადიციულ-სამართლებრივი ღირებულებების, კონკრეტულად კი, რომანული სამართლის სისტემის დემონსტრირებას. სწორედ ეს გახდა ჩვენი ერთობლივი მიზანობის მთავარი საფუძველი. ესპანური და ზოგადად ლათინური გამოცდილების გაზიარება, საქართველოს სამართლებრივი სისტემისა და ინსტიტუციების გაძლიერების მიზნით. მეორე მხრივ, უმნიშვნელოვანესია იმ გამოცდილებისა და სამართლებრივი აზრების გაზიარება, რომელიც საქართველოს ევროპასთან სრულ ინტეგრაციას შეუწყობს ხელს.“

პირველი აქტივობა, რომელიც საქართველოში განვახორციელებთ ნოტარიუსთა პალატასთან გაფორმებული ხელშეკრულება და 2014 წლის საზაფხულო სკოლა გახლდათ. პროექტის ფარგლებში გლობალურ სტრატეგიულ უსაფრთხოების ახალი გამოწვევებისა და საფრთხეების შესახებ ვისაუბრეთ. ასევე, საქართველოსა და ესპანეთის კონსტიტუციური სისტემები ტერიტორიული ორგანიზაციის თვალსაზრისით განვიხილეთ. დღეისათვის, მრავალი ღონისძიება გვაქვს დაგეგმილი და ამ მხრივ მუშაობას ვაგრძელებთ“, — აღნიშნა ჟოან ლუის პერეს ფრანსეჩიმ.

საერთაშორისო კონფერენციაზე „კონსტიტუციური სახელმწიფო გლობალური საფრთხეების წინააღმდეგ“ გადარწმუნდა, რომ თსუ-ის ესპანური სამართლის შესწავლის ინსტიტუტი საქართველოს შსს-ის პოლიციის აკადემიასთანაც გააგრძელებს თანამშრომლობას. აკადემიის წარმომადგენლებისთვის განსაკუთრებით საინტერესო აღმოჩნდა სანტ-ადრას დე ბუსოს პოლიციის უფროსის, პროფესორი ტომას ხილ მარკესის მოხსენება უსაფრთხოების ახალი მიდგომების შესახებ, რომელიც უშუალოდ სახელმწიფოს შიგნით წესრიგის დამყარებას ეხებოდა. თსუ-ის იურიდიული ფაკულტეტი საერთაშორისო კონფერენციაზე წარმოდგენილ მოხსენებებს კრებულად უახლოეს მომავალში გამოსცემს.



საუკეთესო სარეკლამო ქართულ სტუდენტებს — დასავლეთში აღიარებული სახელმძღვანელოების თარგმანი ეკონომიკურ პოლიტიკასა და მენარმეობაში

სტუდენტთა სამეცნიერო-კვლევით ორიენტაციას, უნარ-ჩვევებს და პოტენციალს დიდად განსაზღვრავს ის, თუ როგორი სახელმძღვანელოებით ეუფლებიან ისინი ცოდნას მეცნიერების ამა თუ იმ სფეროში. სწორედ ამიტომ, თსუ-ის ეკონომიკური პოლიტიკის კათედრის ინიციატივით და უნივერსიტეტის ხელმძღვანელობის მხარდაჭერით, ითარგმნა და გამოიცა დასავლეთის სამეცნიერო და საგანმანათლებლო სივრცეში აღიარებული სახელმძღვანელოები: ეკონომიკურ პოლიტიკასა და მენარმეობაში: Rainer Klump, *Wirtschaftspolitik (Instrumente, Ziele und Institutionen)*, 3. Auflage, Muenchen, 2013 (ბაკალავრიატის საფეხური) და Guenter Faltn, *Kopf Schlaegt Kapital*, 9. Auflage, Muenchen, 2011 (მაგისტრატურის საფეხური).


ალსანიშნავია, რომ ასეთი ნაშრომებით სწავლობენ დასავლეთის ნამყვანი უნივერსიტეტების სტუდენტები ნარმატივის საიდუმლოებებს ეკონომიკურ პოლიტიკასა და მენარმეობაში.

სახელმძღვანელოების შესახებ გვესაუბრება თსუ-ის ეკონომიკისა და ბიზნესის ფაკულტეტის ეკონომიკური პოლიტიკის კათედრის ხელმძღვანელი, პროფესორი რეკლამა ბაკალავრიატის:



შუალედით შემდეგნაირად აიხსნება: თეორიული ეკონომიკური პოლიტიკის და ეკონომიკურ-პოლიტიკური რჩევის ძირითადი პრობლემების შესახებ შემდეგ (ნაწილი I), ჯერ განიხილება ეკონომიკური პოლიტიკის მიზნები (ნაწილი V). ამის შემდეგ მიდის მსჯელობა ეკონომიკური პოლიტიკის ინსტრუმენტების შესახებ, რომლებიც გამოიყენება ბაზრებზე ან ეკონომიკურ ციკლში ჩარევისათვის (ნაწილი II და III). ბოლოს ამას მოსდევს როგორც ეკონომიკურ-პოლიტიკურ ინსტიტუციებთან მიმართებაში ეკონომიკური წესრიგის პოლიტიკის საკითხების (ნაწილი IV), ასევე ახალი პოლიტიკური ეკონომიკის თვალსაზრისით, ეკონომიკურ-პოლიტიკური ინსტიტუციების ქცევის ანალიზი (ნაწილი VI). ნიგნის მე-VII ნაწილი განკუთვნილია მიღებული ცოდნის გასაღრმავებლად და პერსპექტივაში გამოსაყენებლად.

თეორიული ეკონომიკური პოლიტიკის ძირითად პრობლემას წარმოადგენს ეკონომიკური განვითარებისთვის ინსტიტუციების მნიშვნელობის მეცნიერული განსაზღვრა. აღნიშნულ თემასთან დაკავშირებით მე-3 და მე-4 თავებში განხილულია სხვადასხვა ინსტიტუციური გადაწყვეტილებების როლი ბაზარზე წარმოქმნილი ხარვეზების გამოსასწორებლად. თავი მე-6 წარმოაჩენს განსაკუთრებულ პრობლემებს, რომლებიც დაკავშირებულია ინსტიტუციასთან – ფული. მე-10, მე-11 და მე-12 თავებში კეთდება იმ ზემოქმედებათა ანალიზი, რასაც ადგილი აქვს ეკონომიკურ წესრიგში სხვადასხვა ინსტიტუციების კომბინაციის შედეგად, ასევე განიხილება განსაკუთრებული ინსტიტუციური პრობლემები, რომლებიც ეკონომიკური ინსტიტუციისა და ნარმოქმნისა და ინსტიტუციის განხილულია ახალი პოლიტიკური ეკონომიკის საფუძვლები, რათა განხორციელდეს კვლევა, თუ რომელი ფაქტორები ახდენენ გავლენას ეკონომიკურ-პოლიტიკური ინსტიტუციების ფაქტორ ქცევაზე. დამატარებელი ნაწილი გვიჩვენებს აქტიურ დებატებში, სადაც, ეკონომიკური პოლიტიკა განიხილება გლობალიზაციისა და ეკონომიკური კრიზისის კონტექსტში.



ეკონომიკური პოლიტიკის მეცნიერული კლასიფიკაცია ჩვეულებრივ, სხვაგვარი თანმიმდევრობით გვხვდება, რომელიც დაფუძნებულია მისი მიზანობის მიხედვით. ეკონომიკური პოლიტიკის სახელმძღვანელოები, რომლებიც განხილულია ყველა თავში, ასახავს გერმანულ ან ევროპულ ეკონომიკურ პოლიტიკას, რომელთა შორის საზღვარიც სულ უფრო და უფრო შეუმჩნეველი ხდება.

სახელმძღვანელო ორიენტირებულია ეკონომიკური მეცნიერებების საბაზისო სწავლების დამატარებელი ეტაპის სტუდენტებზე. მასში ეკონომიკურ-თეორიულ საფუძვლებზე დაყრდნობით, თანდათანობით შემოდის ეკონომიკური პოლიტიკის სხვადასხვა ამოსავალი დებულებები და მხოლოდ ამის შემდეგ ხდება ეკონომიკური


ეკონომიკური რეფორმების შესახებ, რომლებიც დაკავშირებულია ინსტიტუციურ ცვლილებებთან.

იმ ფაქტმა, რომ ბაზარზე ნიგნი კვლავ მოთხოვნილია, ხელი შეუწყო უკვე ორი წლის შემდეგ მის ხელახალ გამოცემას. ნიგნის მიზანია, არა მარტო სრულიად ნათელი კორექტივების შეტანა ეკონომიკური პოლიტიკის შედეგების ახსნაში, არამედ იმ ეკონომიკურ-პოლიტიკური პრობლემების განხილვაც, რასაც ადგილი აქვს ევრო-ზონაში და ინტენსიური სამეცნიერო და საჯარო დებატების საგანია. მათ რიგშია ევროპის ცენტრალური ბანკის არატრადიციული მონეტარული პოლიტიკა ე.წ. მეორე მიზნის ფარგლებში, აგრეთვე – ევროპის ფისკალური პაკტის შედეგები. ამასთან, სახელმძღვანელოს სტრუქტურა მეტად მოქნილი აღმოჩნდა, რათა ახლად წარმოშობილი პრობლემები უკვე არსებულ შესაბამის თავებში განხილულიყო.

არანაკლებ საინტერესო და აქტუალურია გიუნტერ ფალტინის ნიგნი „გონება ამარცხებს კაპიტალს“. ბერლინის თავისუფალი უნივერსიტეტის პროფესორი გიუნტერ ფალტინი ლეგენდარული Teekampagne-ის დამფუძნებელია, რომელიც გახლდათ საკმაოდ არაკლასიკური მცირე ზომის კომპანია და გადაიქცა ჩაი „Darjeeling“-ის მსოფლიოს უმსხვილეს იმპორტიორად. მის მიერ გამოცემული ნიგნი „გონება ამარცხებს კაპიტალს“ არის ყველაზე წარმატებული ნიგნი მენარმეობის შესახებ, რომელიც ოდესმე გაყიდულა გერმანიაში. იგი წარმატებების სურვილს აღგვირავთ, მან შთააგონა ხალხი და შეცვალა მათი ცხოვრება, მისი გავლენა კვლავაც იზრდება.

„გონება ამარცხებს კაპიტალს“ — მანიფესტია ხალხის სამენარმეო საქმიანობისთვის, რომელიც ორიენტაციას გვაძლევს თუ როგორ უნდა დავიწყეთ იგი. ეს გახლავთ „კაპიტალიზმის რადიკალური იდეალისტიკის“ ერთი ისტორია, რომელიც გვიჩვენებს თუ როგორ ვიშოვოთ ფული, მაგრამ ასევე გვეუბნება თუ როგორ ვისაიმოვოთ და უკეთეს სამყაროდ გადავაქციოთ მსოფლიო. ფალტინი გვიჩვენებს თუ რატომაა კარგად მოფიქრებული იდეა უფრო მნიშვნელოვანი, ვიდრე პატენტი, ახალი ტექნოლოგია ან დიდი ოდენობის სანაყისი კაპიტალი. მისი აზრით, ხშირად წარმატებული მენარმეები არ იგონებენ რაიმე ახალს, არამედ, უბრალოდ იღებენ უკვე არსებულს და სხვაგვარად აწყობენ მას, ანუ ისინი არსებული კომპონენტების აწყობით ქმნიან რაღაც ახალს.

ფალტინის მოცემულობით არსებობს სამი საფეხური, რომლითაც ჩვენ შეგვიძლია რადიკალურად შეცვალოთ სამენარმეო ლანდშაფტი. ფაქტობრივად, ეს მხოლოდ მენტალური საფეხურებია, პრობლემები



ახალი კუთხეებიდან დანახვა, რაც შესაძლებელს ხდის მენარმეობის დაწყების საკითხს სრულიად განსხვავებული გადმოსახედით მივუდგეთ. პირველი ნაბიჯია ვალიდობა, რომ დღეს კარგი კონცეფცია უფრო მნიშვნელოვანია, ვიდრე კაპიტალი. მეორე ნაბიჯია — მენარმეობის სფეროში გამოვიყენოთ შრომის დანაწილების პრინციპი ბევრად უფრო რადიკალურად. მესამე ნაბიჯი კი კომპონენტებისაგან შემდგარი კომპანის შექმნაა. შრომის დანაწილება და სოციალიზაცია საშუალებას გვაძლევს შევქმნათ კომპანია, რომელიც თითქმის ექსკლუზიურად, კომპონენტებისგან იქნება ფორმირებული. ახლად დაფუძნებული ასეთი კომპანია პროფესიონალურად ფუნქციონირებს პირველივე დღიდან, მოითხოვს ბევრად უფრო ნაკლებ კაპიტალს, ამცირებს რისკს და ნაკლებად მგრძობიარეა ტიპური კრიზისის მიმართ, რომელიც მოსალოდნელია კომპანიის ზრდასთან ერთად.

„გონება ამარცხებს კაპიტალს“ გვიჩვენებს, თუ როგორ შეიძლება ყოველივე ზემოთქმულის განხორციელება Teekampagne-ის და სხვა წარმატებული კომპანიების მაგალითზე, რომლებიც „ფალტინის მოდელზე“ შეიქმნა. ეს მოდელი ნამდვილად მოასწავებს „სამენარმეო გაზაფხულის“ დადგომას დამწყები მენარმეებისათვის.

გარდა აღნიშნულისა, ეკონომიკური პოლიტიკის კათედრა ა.წ. შემოდგომაზე მაგისტრანტებს კიდევ ერთ მსოფლიოში აღიარებული სახელმძღვანელოს — Economic Policy (Theorie and Practice), Agnes Benassy-Quere, Benoit Coeure, Pierre Jacquet, Jean Pisani-Ferry, 2010, Oxford University Press — თარგმანს მიაწვდის. ამ სახელმძღვანელოს თარგმნის პროცესი დასრულებულია და მიმდინარეობს მისი სამეცნიერო რედაქტირება.

მომზადდა თამარ დალიანმა

ქალთა საინფორმაციო ცენტრთან თსუ-მ მემორანდუმი გააფორმა

21 მაისს ივანე ჯავახიშვილის სახელობის თბილისის სახელმწიფო უნივერსიტეტის რექტორმა ლადო პაპავამ და ქალთა საინფორმაციო ცენტრის დირექტორმა ელენე რუსეცკაიამ თანამშრომლობის მემორანდუმს მოაწერეს ხელი. მემორანდუმის თანახმად, უნივერსიტეტის სტუდენტები გენდერულ საკითხებზე მოისმენენ ლექციებს.

„ეს არის, ზოგადად, უნივერსიტეტებთან თანამშრომლობის პირველი ნაბიჯი. მემორანდუმი მნიშვნელოვნად წაადგება სახელმწიფო უნივერსიტეტის სტუდენტებს. მათ, სურვილისამებრ, საშუალება ექნებათ ჩვენს ორგანიზაციაში

გაიარონ სტაჟირება. კონკურსის საფუძველზე, ერთი წლის ვადით დაეასაქმებთ განსაკუთრებით აქტიურ სტუდენტებს. ვგეგმავთ დოკუმენტური ფილმის გადაღებას და ამ პროცესში სხვადასხვა უნივერსიტეტების სტუდენტების ჩართვას“, — განაცხადა ქალთა საინფორმაციო ცენტრის ხელმძღვანელმა ელენე რუსეცკაიამ.

მემორანდუმის ხელმოწერის შემდეგ გაიმართა პირველი საჯარო ლექცია გენდერულ თანასწორობაზე, რომელსაც უფრო მეტი სტუდენტი ეგოგონა ესწრებოდა, ვიდრე ვაჭი. ეს უმნიშვნელო დეტალიც მშვენივრად გამოხატავს ქართული საზოგადოების დამოკიდებულებას გენდერული საკითხებისადმი. მო-

მავალი თაობისთვის ყურადსაღებია ინფორმაცია, რომ საქართველოს 12 ქალაქის მერსიდან არც ერთი არ არის ქალი, თბილისის 10 რაიონიდან მხოლოდ დიდუბის გამგებელია ქალი, ხოლო 19 მინისტრს შორის მხოლოდ სამია ქალბატონი.

ალსანიშნავია, რომ ქალთა საინფორმაციო ცენტრი 15 წლის წინ დაარსდა. ორგანიზაციის საქმიანობას ქალთა უფლებები და გენდერული თანასწორობის საკითხი წარმოადგენს. გენდერული თანასწორობის მთავარი პრინციპი ქალსა და კაცს შორის სამართლიანობა და თანაბარი ცხოვრებისეული პირობებია. დღევანდელი ტემპით, საქართველო, პოლიტიკაში დასაქმებულ ქალთა რაოდენობის



მიხედვით, მსოფლიო მაჩვენებელს მხოლოდ 44 წლის შემდეგ, ანუ 2058 წელს მიაღწევს. მდგომარეობის ოდნავ მაინც გამოსასწორებლად დიდი მნიშვნელობა აქვს მომავალი თაობების სწორად ინფორმირებას გენდერის პრინციპების თაობაზე.

საქართველოში 53,3 % ამომრჩეველი ქალია, მაგრამ მათი როლი პოლიტიკასა და საზოგადოე-

ბრივ ცხოვრებაში ამ პროცენტულ მაჩვენებელზე ბევრად დაბალია. ქალთა საინფორმაციო ცენტრთან თანამშრომლობის მემორანდუმის გაფორმება დადებითად შეაფასა თსუ-ის რექტორმა, აკადემიკოსმა ლადო პაპავამ.

თამარ ასლანიკაშვილი



ქართული ფინანსური მეცნიერების ერთ-ერთი ფუძემდებელი



ეკონომიკა და ეკონომიკური აზრის განვითარება საქართველოს ისტორიაში, ალბათ, ერთ-ერთი ყველაზე ნაკლებად შესწავლილი მიმართულებებია. ამას ბევრი მიზეზი აქვს, დაწყებული ეკონომიკური ხასიათის საკითხებით ნაკლები ქართველი ისტორიკოსების დაინტერესებით და დამთავრებული საბჭოთა პერიოდის დამახინჯებული ისტორიოგრაფიით. ადრე ქვეყნის ყველა წარმატება მოგებულა ომებითა და შემომტეხული ტერიტორიებით განისაზღვრებოდა, ან იმ დროინდელი ლიდერის ზეაღმართული თვისებებს მიეწერებოდა. მაგრამ ძლიერი სამეფოს ან თანამედროვე სახელმწიფოს მშენებლობა არ არის დამოკიდებული მხოლოდ ლიდერის მტკიცე ნებაზე ან გეოპოლიტიკურ სიტუაციაზე. ეს, ცხადია, მნიშვნელოვანია, მაგრამ ისეთი საზოგადოებრივ-ტერიტორიული ერთეულის შექმნა, რომელსაც შესწევს უნარი, დაიცვას საკუთარი უსაფრთხოება და ხელი შეუწყოს მოსახლეობის კეთილდღეობის მატებას, სწორედ ეკონომიკური მოწყობის მოდელზეა დამოკიდებული.

სწორედ ამ გადმოსახედიდან საინტერესოა, რა ტიპის „ეკონომიკა“ ჰქონდა საქართველოს, ერთი მხრივ, ალზევების პერიოდში, ხოლო, მეორე მხრივ, ისტორიის ყველაზე რთულ მონაკვეთებში. ქართული ეკონომიკური აზრის განვითარება რომ საბჭოთა პერიოდის დროს არ დაწყებულა და მას უფრო ღრმა ფესვები აქვს, ამის უტყუარი დასტურია ქართული ფინანსური მეცნიერების ერთ-ერთი ფუძემდებლის, აკადემიკოს ვასილ ჩანტლაძის სამეცნიერო მემკვიდრეობა. როგორც პროფესორი გედეონ ახალაია იტყობა: „მან კვლევითი მუშაობის ძირითად საგნად გაიხიდა ეროვნული აზროვნების უმდიდრეს და მრავალფეროვან ნიადაგი ეკონომიკური სიბრძნის ელვარე მარგალიტების მოძებნა-გამომზეურება და საერთაშორისო მეცნიერულ ასპარეზზე წარმოდგენა, როგორც ბრწყინვალე მაგალითი ქართველი ხალხის ეკონომიკური აზრის სიღრმისა, მრავალსაუკუნოვანი ასაკისა, გამძლეობისა და სიცოცხლისუნარიანობისა. ამ დიდ საქმეს უძღვნა მან მრავალი შრომა, სტატია და სხვადასხვა შეკრებებსა და სიმპოზიუმებზე საყურადღებო გამოხვლები“.

აკადემიკოს ვასილ ჩანტლაძის დაბადებიდან 110 წლისთავს მიეძღვნა 21 მაისს ივანე ჯავახიშვილის სახელობის თბილისის სახელმწიფო უნივერსიტეტში გამართული საიუბილეო ღონისძიება.

ღონისძიებაში მონაწილეობა მიიღეს თსუ-ის რექტორმა, აკადემიკოსმა ვლადიმერ პაპავამ, საქართველოს ფინანსთა მინისტრმა, პროფესორმა ნოდარ ხადურმა, საქართველოს მეცნიერებათა ეროვნული აკადემიის პრეზიდენტმა, აკადემიკოსმა გიორგი კვეციანიძემ, საქართველოს საპარტნიორო ფონდის თავმჯდომარემ, თსუ-ის ფინანსებისა და საბანკო საქმის კათედრის ხელმძღვანელმა, პროფესორმა ირაკლი კოვზანაძემ, თსუ-ის ეკონომიკისა და ბიზნესის ფაკულ-

ტეტის დეკანმა, პროფესორმა თეიმურაზ ბერიძემ, ცნობილი მეცნიერებმა და საზოგადო მოღვაწეებმა, უნივერსიტეტის პროფესორ-მასწავლებლებმა და სტუდენტებმა.

საქართველოს მეცნიერებათა აკადემიის აკადემიკოს ვასილ ჩანტლაძეს დიდი წვლილი მიუძღვის ფინანსური თეორიების მეცნიერულ დამუშავებაში. იგი 20 წლის განმავლობაში ხელმძღვანელობდა ქვეყნის ფინანსების, ფულის მიმოქცევისა და კრედიტის პრობლემების კვლევის მთავარ სამეცნიერო ცენტრს — თსუ-ის ფინანსებისა და კრედიტის კათედრას. გამოქვეყნებული აქვს 205-ზე მეტი სამეცნიერო ნაშრომი, რომელთა უმეტესი ნაწილი ეძღვნებოდა ფინანსების თეორიას, ეკონომიკის დარგთა ფინანსებს, ფინანსების ისტორიას, ეკონომიკური აზრის ისტორიას, ეკონომიკურ ტერმინოლოგიას და სხვა. ვასილ ჩანტლაძის შრომები გამოქვეყნებულია ქართულ, რუსულ, ჩინურ და ინგლისურ ენებზე.

საიუბილეო სხდომაზე სიტყვით გამოვიდა თსუ-ის რექტორი, აკადემიკოსი ვლადიმერ პაპავა, რომელმაც დიდი მეცნიერის ხსოვნას პატივი მიაგო და განაცხადა, რომ ქართველმა ახალგაზრდებმა უნდა იცოდნენ, თუ ვის მხრებზე დგას დღეს ქართული მეცნიერება და ამ ტრადიციის ღირსეული გამგრძელებლები უნდა გახდნენ: „დღეს უნივერსიტეტში აღინიშნება დიდი ქართველი ეკონომისტის, გამოჩენილი მეცნიერისა და ფინანსისტის ვასილ ჩანტლაძის ობილექტი. მისი ნაშრომები აღიარებულია არა მარტო ქართულ სამეცნიერო საზოგადოებაში, არამედ მთელ მსოფლიოში.“

ეს შეხვედრა არ არის უბრალოდ გახსენება ან გამოჩენილი ეკონომისტის ხსოვნისადმი პატივის მიცემა... ეს არის, გარკვეულწილად, ანგარიში იმისა, თუ რა მდგომარეობაშია დღეს თანამედროვე ქართული ეკონომიკური მეცნიერება, რა პრობლემები აქვს მას და როგორ უნდა განვითარდეს იგი მომავალში. ვასილ ჩანტლაძე იმ დიდ ქართველ ეკონომისტთა თაობას მიეკუთვნება, რომლის მეტაური გახლდათ აკადემიკოსი პაპაია გუგუშვილი. ეს ის პერიოდი, როდესაც გამოჩენილი ქართველი ეკონომისტები მოღვაწეობდნენ. სწორედ საბჭოთა ეპოქის დროს ყალიბდებოდა ეკონომიკა ინსტიტუციურად, ამ პერიოდში ძლიერდებოდა და ფეხზე დგებოდა თსუ-ში ეკონომიკის ფაკულტეტი. იმ პოლიტიკურად რთულ პერიოდში საბჭოთა რეჟიმი დამოუკიდებელი აზრის განვითარებას კრძალავდა. ეკონომიკურ თეორიაზე მუშაობის პრეროგატივა მხოლოდ მოსკოვის, ლენინგრადისა და ნოვოსიბირსკის სამეცნიერო წრეებს შეეძლო — ასეთი იყო სტანდარტი... აკადემიკოსმა ვასილ ჩანტლაძემ თავისი მეცნიერული შრომების დიდი ნაწილი ფინანსების თეორიას მიუძღვნა, აღნიშნულ თემაზე მუშაობა ცენტრალური მთავრობიდან არცთუ მთლად ნებადართული იყო. მიუხედავად წინააღმდეგობისა, ამ მოღვაწის საქმიანობა აღიარა საერთაშორისო სამეცნიერო საზოგადოებამ. მისი ფუნდამენტური

მონოგრაფია ფინანსების თეორიის შესახებ ჩინურ ენაზე ითარგმნა და გამოიცა.

ჩვენი ვალაია, ვავისხენოთ აკადემიკოსი ვასილ ჩანტლაძე, პატივი მივაგოთ მის ხსოვნას. უნდა შევქმნათ ყველა პირობა, რათა წარსული არ დაიკარგოს, რომ ახალგაზრდებმა იცოდნენ რა საქმე აქვთ მათ მომავალში გასაგრძელებელი“, — განაცხადა ბატონმა ვლადიმერ პაპავამ.

საქართველოს ფინანსთა მინისტრმა, პროფესორმა ნოდარ ხადურმა ბატონ ვასილ ჩანტლაძესთან ურთიერთობის წლები გაიხსენა და მის პედაგოგიურ მოღვაწეობაზე ისაუბრა: „მოხარული ვარ, რომ პირადად ვიცნობდი ვასილ ჩანტლაძეს. მან მრავალი თაობა აღზარდა და უამრავი ნაშრომი შექმნა ფინანსების თეორიაზე. ჩამოთვალაც კი გამოქვეყნებულია ყველა დარგისა, იმდენად ფართო და ყოვლისმომცველი იყო მისი მეცნიერული ინტერესების სფერო და თვალსაწიერი“, — აღნიშნა პროფესორმა ნოდარ ხადურმა.

საქართველოს საპარტნიორო ფონდის თავმჯდომარის ირაკლი კოვზანაძის განცხადებით, ვასილ ჩანტლაძე ქართული ფინანსური მეცნიერების ერთ-ერთი ფუძემდებელია. „იგი 70 წელზე მეტ ხანს ემსახურებოდა ამ დარგის განვითარებას და 40-ზე მეტი ასპირანტი, დოქტორანტი, მეცნიერების კანდიდატი აღზარდა. მისი წვლილი ამ მიმართულების განვითარებაში განუზომელია“, — განაცხადა ირაკლი კოვზანაძემ, რომელიც საიუბილეო საღამოს ერთ-ერთი ორგანიზატორი და სულისჩამდგმელი გახლდათ.

სხდომაზე სიტყვით წარსდგა საქართველოს მეცნიერებათა ეროვნული აკადემიის პრეზიდენტი, აკადემიკოსი გიორგი კვეციანიძე, რომელმაც დიდი მეცნიერის ცხოვრებასა და სამეცნიერო მიღწევებზე ისაუბრა: „ვასილ ჩანტლაძე განეკუთვნება იმ ქართველ აკადემიკოსების მცირე რიცხვს, რომლებმაც ბევრი რამ გააკეთეს ჩვენი ქვეყნისა და მეცნიერებათა აკადემიის აღორძინებისთვის. ეს იყო ნამდვილად რენესანსის ხანა საქართველოს მეცნიერებათა აკადემიაში, რომელმაც არა მარტო ეკონომიკური მეცნიერების, არამედ, პრაქტიკულად, მეცნიერების ყველა მიმართულების განვითარება განაპირობა“.

აკადემიკოსი ვასილ ჩანტლაძე დაახლოებით 70 წლის განმავლობაში კითხულობდა ლექციებს თბილისის სახელმწიფო უნივერსიტეტში. მან დიდი ცოდნა და ენერჯია მოახმარა ფინანსებისა და კრედიტის სპეციალისტის სტუდენტებისთვის ორიგინალური სახელმძღვანელოების შექმნას, რომლებიც თარგმნილ და ქართულ ენაზე დაწერილ სხვა სახელმძღვანელოებზე გაცილებით „გამძლე“ და სტაბილური აღმოჩნდა. ამ სახელმძღვანელოთა რიგს მიეკუთვნება „კაპიტალისტურ სახელმწიფოთა ფინანსები“, „ფინანსური მეცნიერების საგანი და ამოცანები“, „ფულის, კრედიტის და ფინანსების ისტორია“ და სხვა. სწორედ ამ წიგნებზე აღზარდნენ სპეციალისტთა

მთელი თაობები. ასეთი ტრიუმფი კი, განაპირობა არა მარტო დიდმა მეცნიერულმა ცოდნამ, არამედ შესაშურმა პედაგოგიურმა ნიჭმა და ალლომ, ჭეშმარიტი მასწავლებლისთვის დამახასიათებელმა უნარ-ჩვევებმა.

მეცნიერი გაიხსენა აკადემიკოსმა ავთანდილ სილაგაძემ: „მასხოვს ბატონ ვასილ ჩანტლაძის არაერთი სანიმუშო ლექცია, სტუდენტებით სავსე აუდიტორია, რომელსაც ზარის დარეკვის ხმაზე რეაქცია არ ჰქონდა... ბატონი ვასილი ჩვეულებრივ აგრძელებდა ლექციას და ირგვლივ ჩამირუმი არ ისმოდა. ასეთი რამ ხშირად ხდებოდა. ეს იყო მისი დიდი პედაგოგიური ნიჭისა და დიდი მეცნიერის მოღვაწეობის ბრწყინვალე მაგალითი, რომელიც ჩვენი თაობის სტუდენტებს გვერგო წილად. მიუხედავად იმისა, რომ საბჭოთა ეკონომიკის მარწმუნებში ვიყავით მოქცეულნი, ბატონი ვასილი კაპიტალისტური ქვეყნების ფინანსურ ეკონომიკას გვასწავლიდა. ეს წიგნი ჩემი სტუდენტობის პერიოდში გამოიცა, თუმცა მას აქტუალობა დღესაც არ დაუკარგავს“, — ხაზი გაუსვა აკადემიკოსმა ავთანდილ სილაგაძემ.

აკადემიკოსმა ნოდარ ჭითანავამ ვასილ ჩანტლაძის ბიოგრაფიაში ნაკლებად ჩახეხულ მსმენელს ერთგვარი აზრი ჩამოუყალიბდა იმის თაობაზე, თუ რას წარმოადგენდა იგი, როგორც მეცნიერი და პიროვნება: „ბატონი ვასილ ჩანტლაძე გახლდათ ფართო ერუდციონისა და მსმენელთა აზროვნების მეცნიერი, მეცნიერული კეთილსინდისიერებითა და ეროვნული ფენომენისადმი განსაკუთრებული დამოკიდებულებით გამორჩეული ადამიანი. ეს ის დეფიციტია, რომელიც დღეს საქართველოში ეკონომიკურ მეცნიერებას აქვს“, — განაცხადა ნოდარ ჭითანავამ, რომელმაც საინტერესოდ ისაუბრა ვასილ ჩანტლაძის ინტერპრეტაციით წარმოდგენილ შოთა რუსთაველის ეკონომიკურ შეხედულებებზე. იგი გამოვიდა ინიციატივით, რომ ამ წიგნით სტუდენტებმა ეკონომიკისა და ბიზნესის ფაკულტეტზე უნდა ისწავლონ“, — დასძინა ნოდარ ჭითანავამ.

მეცნიერების ჭეშმარიტი რაინდი — ასე დაახასიათა ვასილ ჩანტლაძე პროფესორმა გედეონ ხელაიამ, რომელმაც ვრცლად ისაუბრა დიდი მეცნიერის მოღვაწეობასა და სამეცნიერო შრომების მნიშვნელობაზე, რამაც არაერთი განათლებული ეკონომიკური სტერეოტიპი დაარღვია. მისი მეცნიერული მემკვიდრეობა ფასდაუდებელია ეროვნული ეკონომიკური აზროვნების ისტორიის შესწავლის თვალსაზრისითაც. ამ მხრივ განსაკუთრებით აღსანიშნავია შრომა „სულხან-საბა ორბელიანის ეკონომიკური შეხედულებანი“. იგი XIX საუკუნემდელი ქართული ეკონომიკური აზრის შესწავლის პირველ ცდას წარმოადგენს.

„ეკონომიკური აზროვნების სიღრმისა და უკვდავების დიდი ჰიმნა ბატონი ვასილის შემოქმედებით მოღვაწეობის ნამდვილი მარგალიტი — „შოთა რუსთაველის ეკონომიკური იდეები“. გენიალური პოეტის მხატვრულ ქარავანში მოქცეული ეკონომიკური შეხედულებები ბატონმა ვასილმა გამოიყენა დიდი სიზუსტითა და სისრულით. იგი ერთ-ერთი პირველთაგანია, რომელმაც „ვეფხისტყაოსანი“ მარტივად და გასაგებად წაიკითხა ეკონომიკის ენაზე და ასე მარტივად, მიმზიდველად და საინტერესოდ მიანოდა იგი მკითხველს“, — აღნიშნა პროფესორმა გედეონ ხელაიამ.

ვასილ ჩანტლაძის შრომები ეძღვნება აგრეთვე ილია ჭავჭავაძის, ივანე ჯავახიშვილის ეკონომიკურ-



ქართული ფინანსური მეცნიერების ერთ-ერთი ფუძემდებელი ვასილ ჩანტლაძე დაიბადა 1905 წლის 8 იანვარს ქალაქ ზესტაფონში. საშუალო განათლება საკვიპროსო ცნობილ თბილისის ვაჟთა I გიმნაზიაში მიიღო. დაამთავრებინათანაპე, 1923 წელს გახდა თბილისის სახელმწიფო უნივერსიტეტის სტუდენტი. ვალა თაპირი მასწავლებლის, ფილიპ გომიჩაიშვილის ყურადღებას მიიპყრო და მისი წინადადებით, 1927 წელს, უნივერსიტეტის წარჩინებით დაამთავრების შემდეგ, დატოვა მისი იქმე, რომორც პედაგოგიური ასაღაზრდა. 1941 წელს, თსუ-ის სამეცნიერო საბჭომ ეკონომიკურ მეცნიერებათა კანდიდატის სამეცნიერო ხარისხი მიანიჭა. 1954 წელს ვასილ ჩანტლაძემ დიპლომ საფოტოქიმიის დისერტაციის საფუძველზე მიიღო. 1959 წელს პროფესორის წოდება მიანიჭა.

პროფესორი ვასილ ჩანტლაძე 1967 წელს ფინანსებისა და კრედიტის კათედრის გამგედ აირჩიეს, სადაც 21 წელი იმუშავა. 1974 წელს მას ირჩვეს საპარტვილო მეცნიერებათა აკადემიის წევრ-კორესპონდენტად, ხოლო 1979 წელს — აკადემიკოსად. პაატა გუგუშვილის ეკონომიკის ინსტიტუტში მისი დაასრულებდა 1980 წელს ვასილ ჩანტლაძე ნაყოფიერ შუშაობას ეწეოდა. მან მიიღო ნელოვანი წვლილი შიიტან თეორიული და დიდი სხალხო-მეურნეობრივი მიზნების მიქონა აქტუალური პრობლემების დაშუშავებაში.

ღვაწამოსილი მეცნიერი ბარადიცვალა 1995 წლის იანვარში, 90 წლის ასაკში.

ფინანსური შეხედულებების შესწავლას. მან უდიდესი მუშაობა გასწავა ეკონომიკის ტერმინოლოგიის დამუშავების ხაზითაც. შეადგინა რუსულ-ქართული და ქართულ-რუსული ფინანსურ-საკრედიტო და რუსულ-ქართული და ქართულ-რუსული სტატისტიკური ტერმინოლოგია.

ვასილ ჩანტლაძის დაბადებიდან 110 წლისთავს მიეძღვნა საიუბილეო ღონისძიებაში, აგრეთვე, მონაწილეობა მიიღეს უნივერსიტეტის პროფესორ-მასწავლებლებმა და საზოგადო მოღვაწეებმა: თეიმურაზ ბერიძემ, ელგუჯა მეკვაბიშვილმა, დავით იაკობიძემ, მიხეილ ჯიბუტმა, იაკობ მესხიამ და ემზარ ჯგერენაიამ.

საიუბილეო ღონისძიებები აკადემიკოს ვასილ ჩანტლაძისა და აკადემიკოს პაპაია გუგუშვილის საფუძველზე პატივის მიცემისა გვირგვინებით შემოკობის ცერემონიალი დაიწყო.

ღონისძიების ორგანიზატორი იყო თსუ-ის ეკონომიკისა და ბიზნესის ფაკულტეტი, ფინანსებისა და საბანკო საქმის კათედრა.

მომზადდა თამარ დალიანმა



უღვიპი პოზიტივით სავსე დღეები



ნატო ოზოლაძე

„ეს დღეები ბედნიერი ვიყავი, რადგან ჩვენი ნაც-რისფერი ქალაქი თითქოს უფრო ფერადი გახდა, ჩვეულებრივი ყოფა — უფრო საინტერესო... თბილისის ნამდვილად აკლია პოზიტივი... ვერ ვხვდებით, რომ ბედნიერებისთვის ხანდახან მხოლოდ გაღიმებაც საკმარისია... პოზიტივის ფესტივალმა მართლაც რომ პოზიტიური დღეები გვაჩუქა ყველას“, — ასე გამოხატა თავისი დამოკიდებულება თსუ-ის სოციალურ და პოლიტიკურ მეცნიერებათა ფაკულტეტის სტუდენტმა ნატა ღირსიაშვილმა ფესტივალის დახურვის დღეს.

თსუ-ის სტუდენტური თვითმმართველობის მიერ განხორციელებული პროექტის — „პოზიტივის ფესტივალი 2015“-ის ფარგლებში გამართულ ღონისძიებებში, რომლის სლოგანი იყო — „ერთად ვაყვართ ქალაქი“ — თბილისის ყველა უნივერსიტეტი ჩაერთო. ქალაქის სხვადასხვა უბნებში მთელი კვირის მანძილზე სტუდენტები აწყობდნენ „ფლემშობებს“; ფესტივალის ფარგლებში გაიმართა კონცერტები ახალგაზრდა მუსიკოსების: ლუკა ზაქარაძისა და ნიკა კიკნაძის შესრულებით; მოენყო „საუნდორეჟების“ საღამო, ასევე ვიდეო და ფოტო კონკურსი და სხვა ღონისძიებები.



15 მაისს „პოზიტივის ფესტივალი“ თსუ-ის პირველი კორპუსის ეზოში გრანდიოზული კონცერტით დასრულდა, რომელშიც მონაწილეობა მიიღეს ცნობილმა ქართულმა ბენდებმა: LOUDspeakers, The Jetbird, The Mins, თინათინ შურღაია და ბენდი WiFi და udey და სხვა შემსრულებლებმა.

„პოზიტივის ფესტივალი“ მშვენიერი იდეაა. ჩემი აზრით, ყველამ ერთად შევძელით გაღიმება. ადამიანებმა ერთმანეთისგან მივიღეთ დადებითი ენერჯია. მაღლობა თსუ-ის სტუდენტურ თვითმმართველობას, რომ საშუალება მოგვცა ამ მნიშვნელოვან საღამოზე ჩვენც გვემღერა“, — განაცხადა ჯგუფ სპეკერს-ის წევრმა ლევან ცხვარაძემ.

„ამ ფესტივალის მთავარი მიზანი პოზიტივის გაცემა იყო და ჩვენ ეს მუსიკის საშუალებით მოვახერხეთ. ეს ჩვენთვის ძალიან სასიამოვნო ფაქტი იყო, რადგან ბოლო წელიწადნახევრის განმავლობაში არსად დამიკრავს. ამ ფესტივალმა დამიბრუნა საყვარელი საქმის კეთების სურვილი, ამიტომ ვთვლი, რომ ასეთი ღონისძიებები აუცილებელია ჩვენი ახალგაზრდებისთვის, რათა მათ თავიანთი შესაძლებლობები გამოავლინონ. რაც მთავარია, ეს დღეები უღვიპი პოზიტივით იყო სავსე“, — გვითხრა მუსიკოსმა ომარ ხალვაშმა.

„პოზიტივის ფესტივალის“ დახურვაზე ფოტო და ვიდეო კონკურსის გამარჯვებულები გამოვლინდნენ, რომლებსაც სპეციალური პრიზები გადაეცათ.

„როდესაც რამეს აკეთებ, ყოველთვის მოელი შედეგს. ჩვენ ბევრი ვიპრობეთ და ვიმუშავეთ და, ჩემი აზრით, სამართლიანად გავიმარჯვეთ. „პოზიტივის ფესტივალი“ ძალიან კარგი პროექტია, რისთვისაც მაღლობა მინდა გადავუხადო ორგანიზატორებს. იმედია, მომავალ წელს უფრო მეტი ხალხი ჩაერთვება ამ პროექტში და უფრო მეტ ადამიანს გაავლიმებთ ერთად“, — აღნიშნა ვიდეო-კონკურსის გამარჯვებულმა ნიკოლოზ თოდუამ.

„მაღლობა მინდა გადავუხადო ორგანიზატორებს ასეთი მასშტაბური პროექტის განხორციელებისთვის, ასევე იმ ადამიანებს, რომლებმაც ჩემი ფოტო მოიწონეს“, — აღნიშნა ფოტო-კონკურსში გამარჯვებულმა ვაჟა თათარაშვილმა.

„პოზიტიური აზროვნება საჭიროა, რათა ადამიანმა სწორად აღიქვას და შეაფასოს გარემო. ჩვენი სურვილი იყო სტუდენტობა და, საერთოდ, საზოგადოება დაგვეფიქრებინა იმაზე, თუ რამდენად მნიშვნელოვანია დადებითი ემოციები ადამიანებისთვის. გვინდა, რომ მომავალში უფრო მეტი ადამიანი ჩაერთოს პროექტში“, — განაცხადა თსუ-ის სტუდენტური თვითმმართველობის პრეზიდენტის აპარატის თავმჯდომარემ მაგდა გიბიციძემ.

და ბოლოს, რაც მართალია, მართალია! სასიამოვნოა, როდესაც ახერხებ ქალაქი გააღიმო...

მომზადდა შურისხია ბაროშვილმა

მთავარი რედაქტორი	ნინო კაკულია	რედაქციის წევრები:	მისამართი:
მთავარი სამცხლისტი	მაია ტორაძე	რისმაგ გორდენიანი, იაგო კაჭკაჭიშვილი, ნოდარ ხადური, ელენე ხარაბაძე, მანანა შამილიშვილი, თემურ ნადარეიშვილი, ლადო მინაშვილი, მორის შალიკაშვილი, ნინო ჩიხლაძე, დინა ძიძიგური, არსენ გვენეტაძე, ირაკლი კობახიძე, შალვა აბზიანიძე	ილია ჭავჭავაძის გამზ. 11*
ტექნიკური რედაქტორი	მანანა ჯურხაძე		(თსუ-ის მე-3 კორპუსი)
ფოტოკორესპონდენტი	ანა ბოლქვაძე		tsunewspaper@tsu.ge
კომპ. უზრუნველყოფა	ზაზა გულაშვილი		2 22 36 62

